

ՆԵՐԱՅԻ ԿԱԳՎԱՐԱՊՆ

ՎՐՏԱՀԵՍ  
ՇՈՒԽԵՖՅԱԼ



ՍՈՎԵՏԱՀԱՅ

Բ Ե Մ Ի

ՎԱՐԴԵՏՆԵՐ






1  
2

Հայկական Պատմական ընկերություն

ՆԵՐԱՅԻ ԿՎԳՎԱՄՎԱՆՈՎ

Սահմանական  
պատմական

Ա 13350



Երևան, 1973

792 Ap  
4—12

**Нерсес Восканович Каграманов  
АРТАШЕС ОВСЕПЯН**

(На армянском языке)

Армянское театральное общество

Ереван—1973

Հայ սովետական թատրոնի բնորոշ հատկանիշը, կես դարից ավելի, եղել է ռեժիսուրայի դերի և նշանակության աճան ու կարևորությունը: Միայն այս պայմանով կարող էին ստեղծվել և ստեղծվեցին այնպիսի ներկայացումներ, որոնք իրենց անսամբլայնությամբ նպատակամետ հարցեր լուծելու հնարավորություն էին ընձեռում, որոնք իրենց գաղափարականգեղարվեստական մակարդակով համապատասխանում էին սովետական մարդկանց կոմունիստական դաստիարակության խնդիրներին, խորապես բացահայտում էին նրանց հոգեկան աշխարհիը, ձգտումները: Այս օրինաչափ ու անխուսափելի ընթացքը հանգեցրեց այն բանին, որ անհամեմատ մեծացավ թատրոնի գաղափարական և գեղարվեստական ներգործությունը մարդկանց գիտակցության վրա, թատրոնը դարձավ դաստիարակության հզոր միջոց՝ իր վրայից թութափելով զվարճանքի վայր լինելու համարումը:

Նման ռեժիսուրայի պայմաններում յուրաքանչյուր թատերական կոլեկտիվ այնպիսի միաձույլ օրգանիզմ է, որն ունի ստեղծագործական կայուն ծրագիր, դեմք և ուղղություն, կարող է իր ետևից տանել հազար-հազարների:

Հայ սովետական թատրոնի զարգացման մեջ ռեժիսուրայի այդ հիմնորոշ դերի մասին խոսելիս չենք կարող չհիշել

նրա առաջին մեծերին՝ Լուս Քալանթար, Ստեփան Քափանակյան, Արշակ Բուրջալյան, Արմեն Գովակյան և ուրիշներ, որոնք իրենց ուսերին առան հայ ուժիսորական արվեստի ձևավորման ու առաջընթացի ամբողջ ծանրությունը։ Հայաստանում սովետական կարգեր էին հաստատվել։ Երկիրը վերքերն էր բուժում, ձեռք էր զարկել քայլայված տնտեսության վերականգնման գործին, նոր տնտեսություն, գիտություն ու կուլտուրա ստեղծելու գործին։ Հայ թատրոնը մի կողմ չէր կարող մնալ համաժողովրդական շարժումից, ընդհանուր վերելքից։ Եվ ահա այս ուժիսորների շանքերով թատրոնն ստեղծեց այնպիսի ներկայացումներ, որոնք ոգեշնչում էին մարդկանց, մղում հերոսական աշխատանքի և սխրագործությունների։

Այսօր չկան նրանք՝ այդ ուժիսորները, որոնք, բազմից «մեռնելով» իրենց բեմական ստեղծագործություններում, մնացին անմահ հենց իրենց գործի շնորհիվ և այն բանի շնորհիվ, որ այդ գործն իր տաղանդավոր շարունակողներն ունեցավ։ Փառքանված հներին փոխարինելու եկան, նոր, ոչ պակաս փառավոր անուններ՝ Վարդան Աճեմյան և Հրաչյա Ղափլանյան, որոնք զարգացման նոր աստիճանի հասցրին հայ թատրոնը և այսօր էլ տանում են ավելի ու ավելի վեր։ Սա արդեն նոր փուլ է մեր թատրոնի և ուժիսորայի պատմության մեջ, որ նշանավորվում է հայ թատերական արվեստի գեղագիտական ու աշխարհագրական ոլորտների ընդլայնումով, այն բանով, որ նա այսօր համամիութենական ասպարեզ ու համընդհանուր ճանաչում է գտել։

Հայ թատրոնի զարգացման մեջ նշանակալից դեր խաղացած ուժիսորների շարքում իր ուրույն տեղն ունի Արտաշես Հովսեփյանը։

Այս գիրքը նվիրված է նրա ստեղծագործական կենսագրությանը, և մենք դեռ քայլ առ քայլ կհետևենք նրա ստեղծագործական ուղուն: Բայց մինչ այդ պարտք ենք համարում, թեկուզ հակիրճ, տեղեկություններ տալ նրա մասին:

Արտաշես Հովսեսիյանը պրոֆեսիոնալ ոեժիսուրա եկավ 1938-ին, Մոսկվայում ԳԻՏԻՍ-ի (Ա. Լուսաշարսկու անվան թատրական արվեստի պետական ինստիտուտ) ոեժիսորական ֆակուլտետու ավարտելուց հետո: Տասնմեկ տարի շարունակ, ներառյալ Մեծ հայրենականի ահեղ տարիները և ետպատերազմյան ծանր շրջանը, նաև Բաբվի Լ. Երամյանի անվան հայկական դրամատիկական թատրոնի գեղարվեստական դեկանարն էր:

Թատրոնը փակվելուց հետո, 1949-ին նա եկավ Երևան, ուր նախ նշանակվեց Հայֆիլհարմոնիայի դիրեկտոր, ապա՝ Երաժշտական կոմեդիայի թատրոնի ոեժիսոր: 1951—1953 թվականներին Արտաշես Հովսեսիյանը դեկանվարում էր Ստեփանակերտի հայկական թատրոնը: 1953-ին նա վերջնականացես տեղափոխվեց Հայաստան և նշանակվեց Լենինականի Ա. Մոսկվայի անվան թատրոնի գլխավոր ոեժիսոր:

1961-ից սկսած է Արտաշես Հովսեսիյանի մանկավարժական գործունեությունը Երևանի գեղարվեստա-թատերական ինստիտուտում, ուր նա ոեժիսուրա և դերասանական վարպետություն է դասավանդում: Արդարացի լինելու համար ասենք, որ Արտաշես Հովսեսիյանը, ըստ էության, մանկավարժական աշխատանքով էր զբաղվում դեռ Բաբվում, Հայպետդրամայի գլխավոր ոեժիսոր եղած ժամանակ: Այնպես որ «սկսում»-ը այքան էլ ճիշտ չէ, այլ ուղղակի պիտի ասել՝ վերադարձավ մանկավարժական աշխատանքի: Դրան զուգըն-

թաց, 1964—1966 թվականներին և Երևանի Կ. Ստանիսլավսկու անվան ոուսական թատրոնի գլխավոր ռեժիսորն էր:

Այսպիսին է երեք հանրապետությունների՝ Ադրբեյջանի, Հայաստանի և Դաղստանի արվեստի վաստակավոր գործիչ Արտաշես Հովսեփյանի գործունեության համառոտ նկարագիրը: Եվ այդ եռանդուն մարդու, մշակութային անխոնջ գործի, ինքնատիպ ու հետաքրքիր ռեժիսորի մասին էլ ահա ուզում ենք պատմել:

## ԿԵՆՍԱԳՐԱԿԱՆ ԷԶԵՐ

Գրիգոր Տեր-Հովսեփյանի անդրանիկ որդին՝ Արտաշեսը ծնվեց 1910-ին: Ծննդավայրը Բանանցն էր՝ Գանձակից (այժմ՝ Կիրովաբադ) ոչ հեռու գտնվող մի գյուղ Աղբքեջանում: Գյուղը ծառ ու կանաչով, մեղմ կլիմայով, գեղեցիկ դիրքով արդարացնում էր իր բանաստեղծական անունը: Եվ ամեն ամառ հովեկներ էին գալիս այստեղ, մտավորական մարդիկ՝ ուսուցիչներ, բժիշկներ, ինժեներներ, գալիս էին, պատմում Բաքվի կյանքից, ճավթի շատրվաններից, որ մի գիշերվա մեջ հաջողակ գործարարին միլիոնատեր են դարձնում, բանվորների հուզումներից ու ցույցերից, և իրենց պատմություններով խորվում էին ճահապետական կյանքի անդորրը, առև գյուղացիներին էլ ներքաշում այդ դեպքերի շրջապատույթը, ստիպում խորհիւլ սեփական գոյության մասին:

Բանանցը Բաքվից այնքան էլ հեռու չէր, այն ժամանակվա գնացքով՝ մի գիշերվա ճանապարհ: Գյուղացիները, ապրուստի հույսով, գնում էին ճավթահորերում մշակ վարձվելու, շարդում էին մեջքները առավոտից երեկո և, անմարդկային աշխատանքից հյուծված ու հիվանդ գյուղ վերադառնալով, իրենք էլ իրենց հերթին պատմում էին բանվորների պայքարի մասին, որ հեղափոխություն պիտի լինի, որ գործարանը բանվորներին պիտի տան, հողը՝ գյուղացուն...

Ուրիշ մարդիկ էլ էին գալիս Բանանց՝ դերասաններ, թատրոն էին ցոյց տալիս, և գյուղը թափվում-գնում էր նայելու: Բեմ չէր, կյանք էր, հավատում էին կատարվածին, գեղջկական անմիջականությամբ լալիս էին, ծիծաղում, զայրանում: Եվ ուրախանում աշխարհի չափ, երբ բարին հաղթում էր, չարը՝ կործանվում:

Այս ամենը չէր կարող իր ազդեցությունը չունենալ ապագա ռեժիսորի հասարակական ինքնագիտակցության ձևավորման վրա, արվեստի դերն ու նշանակությունն ըմբռնելու ընթացքի վրա: Բայց սա՝ հետագայում, երևույթների վերլուծումներից, կշռադատումներից, համադրումներից հետո, շուրջը կատարվածը ինքնուրույն ընկալելուց և արժեքավորելուց հետո: Իսկ առաջմ, փոքրիկ տղա, վազ էր տալիս հոր ետեւից, աշխատում միշտ կողքին լինել և հոգին հանում էր «հնչուների» տարափով: Ու զարմանում էր, թե ինչքան շատ բան գիտի: Զարմանում էր, թե հայրն ինչու է այդքան շատ աշխատում: Նրա համար հայրը ամենախելացի և ամենալավ մարդն էր աշխարհում:

Իսկ կյանքում ո՞վ կարող էր ավելի լավ օրինակ լինել փոքրիկի համար, քան հարազատ հայրն էր: Թեև ոչնչով չէր տարբերվում համագյուղացիներից՝ հողի աշխատավոր, առավոտից երեկո բան ու գործի հետ՝ ինքն էլ, իր Վարդանուշ կինն էլ: Գուցե տարբերությունն այն էր միայն, որ երեքդասյան կրթություն ուներ: Բայց այդ եղած-չեղած գրանանաչությունը հազիվ բավարարեր պարտամուրիակներ ստորագրելուն:

Ոչ, նա աչքի էր ընկնում ուրիշ կողմից: Ժողովրդական իմաստուն դատողություններով, ներքին զապվածությամբ, շրջապատի նկատմամբ բարեհոգի վերաբերմունքով նա ու-

սումնական մարդ էր թվում, որը հեղինակություն էր դրկիցների համար, որից խորհուրդներ առնելու էին գալիս մոտ ու հեռավոր ազգականները:

Դեռ գյուղում ապրելու տարիներին, Բաքու տեղափոխվելուց առաջ, ծնողների զբուցին ներկա Արտաշեսը հաճախ էր լսում նոր ամենավիրական ցանկությունը, միակ երազանքը՝ կրթության տալ երեխաներին: Եվ ոչ թե երեքդասյան, ինչպես ինքն էր ստացել, այլ լրիվ, որ կարողանային դուրս գալ գյուղական այդ ճահճից:

Բայց հասավ չքավորի համար անխոսափելի այն օրը, երբ կարիքը պիտի նրան դուրս հաներ գյուղից, կտրեր պապենական հողից: 1912-ին Գրիգոր Հովսեփյանի ընտանիքը փոխադրվեց Բաքու: Երկու հիմնական հոգս ունեին Արտաշեսի ծնողները՝ աշխատանք գտնել մեծ քաղաքում և ուսումի տալ զավակներին: Գեղջուկ Գրիգորն այստեղ դարձավ քանիվոր՝ կաթուայագործ նավթարդյունաբերական մի ձեռնարկությունում: Սակայն, չնայած այս ստիպողական տեղահանությունը, նրա ընտանիքը կապերը չխզեց ծննդավայրի հետ, ամեն տարի մի կարճ միջոցի ետ էր գալիս հայրենի գյուղ:

Այդ տարիներին, մանավանդ համաշխարհային առաջին պատերազմի շրջանում, Բաքուն դրախտ էր հարուստների, զանազան մութ գործարարների համար: Հասարակ ժողովուրդը կիսաքաղց էր ապրում, և շատերը ժամանակ առ ժամանակ վերադառնում էին գյուղ, որ սովոր չկոտորվեն: Այդ վիճակում էին նաև Արտաշեսի ծնողները:

Բայց ժամանակն է, որ հորից անցնենք որդուն և շրջապատող աշխարհին նայենք փոքրիկ Արտաշեսի աչքերով: Իսկ այդ աչքերը շատ էին ուշադիր ու զննող: Տեսնում էր շոր-

ջը կատարվածը, շոշապատողներին և հաճախ ընդօրինակում խաղընկերների, հարևանների, հյուր եկած ազգականների շարժուձևը, ծիծաղաշարժ կողմերը։ Սա, կարելի է ասել, ապագա արվեստագետի ստեղծագործական ինքնադրսության սկիզբն էր։ Առաջ անցնելով նկատենք, որ այս հատկությունը նա ժառանգել էր մորից, պարզ ու կենաւրախ այդ գեղջկուհուց։ Վերջինիս «դերասանական» ընդունակության մասին գիտեր նաև Աբելյանը։ 1930-ին, երբ Արտաշես Հովսեփյանն արդեն Բաքվի հայպետդրամայի դերասան էր, նըրան երեք ամսով բանակ տարան։ Մայրն էր գալիս թատրոն նրա աշխատավարձն ստանալու։ Եվ ամեն անգամ Աբելյանը նրան պահում էր դրամարկղի մոտ և բաց չէր թողնում, մինչև Արտաշեսի մայրը չէր ընդօրինակում ներկա արտիստների շարժուձևը, խոսելակերպը, քայլվածքը։ Աբելյանը փառ-փառ ծիծաղում էր, ծիծաղում էին նաև իրենք՝ «ծաղրվողները» ինկական հաճույքից...

Արտաշեսի մայրը նույնպես կրթություն չուներ, բայց ամուսնու նման աչքի էր ընկնում առողջ մտածողությամբ, հասկանում էր, որ եթե իրենց բախտը չբերեց կյանքում, ապա պատճառը անուս ու խավար լինելու էր։ Ուրեմն զավակներն անպայման ուսում պիտի առնեն։ Այս երազանքը թև էր տալիս նրան, գեղջկուհու համառությամբ ամուսնու հետ աշխատում էր գիշեր-ցերեկ, որ զավակները կուշտ փորով քննեն ու դեռ մի բան էլ ետ էր գցում սև օրվա համար։

Թատրոնը այդ հասարակ գեղջկուհու մեջ էր՝ որպես կենասահրության արտահայտություն։ Եվ նա, Բաքվում ապրելու տարիներին, թատրոն էր գալիս ոչ միայն աշխատավարձը ստանալու, այլև ներկայացումներ դիտելու, այս կամ այն դերասանին ընդօրինակում էր ոչ միայն դրամարկղի մոտ,

այլն տանը, ներկայացումներից հետո: Բայց երբ Արտաշեսն ինքը սկսեց խաղալ ու ներկայացումներ բեմադրել, մասրը հանկարծ ետ կանգնեց թատրոնից... Որդին ոչ մի կերպ չըկարողացավ համոզել նրան, որ գա, տեսնի իր խաղը, իր ներկայացումը: Մայրը սաստիկ հոգվում էր, սիրտն սկսում էր ուժգին զարկել... Դե, մոր սիրտ է, ինչ իմանա՞ ինչ էր գգում այդ պահին: Եվ այդպես էլ նա մեռավ, չտեսնելով որդու բեմադրած որևէ ներկայացում:

Բայց նորից դառնանք փոքրիկ Արտաշեսին, որի համար կյանքը, շրջապատը յուրատեսակ թատրոն էր, իսկական թատրոն՝ կյանք: Այդպես նա ընկալեց իր տեսած առաջին դրամատիկական ներկայացումը՝ «Օղեանի կույսը» Բաքվի Նիկիտյան կրկեսում: Խաղում էր Սիրանուշը: Ինարկե, նա մեծ դերասանուհու մասին գաղափար անգամ չուներ, անունն էլ չեր լսել: Միայն տարիներ անց լսեց ու ճանաչեց: Բայց նույնիսկ այն ժամանակ, ծնողների և բոլոր հանդիսատեսների նման, նա էլ էր հափշտակված դերասանուհու խաղով, ամբողջ ներկայացումը դիտեց ակնապիշ՝ մանկան անմիջականությամբ հավատալով բեմի ամբողջ անցուդարձի իսկությանը:

Դյուրագգաց մանկան այս տպավորությունը երկար մընաց: Ներկայացումը, բոլոր մանրամասներով, դրոշմվեց ուղեղում: Եվ գուցե դա եղավ պատճառը, որ թատրոնը հետըգիտե ավելի ու ավելի մեծ տեղ գրավեց նրա գիտակցության մեջ: Նա սկսեց նկատել, որ առօրյա կյանքում ևս ինչ-որ ներկայացումներ են «խաղացվում», ինչ-որ ներքին իմաստ ունեցող ներկայացումների որոշակի կառուցվածքով, մարդկանց և իրադարձությունների փոխկապակցությամբ, հետաքրքիր կատարմամբ:

Նրա համար այդպիսի ներկայացում էր հարսանեկան ծիսակատարությունը, որ նա տեսել էր և՛ գյուղում, և՛ քաղաքում: Կանանց գույնագույն զգեստները, հարսի զուգ ու զարդը, երգն ու պարը հարսին տնից դուրս բերելիս, հրաժեշտը ծնողներին, լացն ու ծիծառը, աղմկալի թափորը,— այս ամենը միայն «թամաշա» չէին, այլև հուզում էին, ապրեցնում, մըտածել տալիս, ինչպես իսկական թատրոնում: Եվ, որ ամենազարմանալին է, այստեղ ամեն ինչ կազմակերպված էր, ամեն մարդ գիտեր իր «դերը» և ամենայն լրջությամբ էր մոտենում իր պարտականություններին:

Գյուղում փոքրիկ Արտաշեար հանդիսաւուն եղավ նաև ուրիշ ծիսակատարություն-ներկայացումների, որոնք տպավորվեցին նրա մեջ և հետագայում օգտագործվեցին թատրոնում, երբ նա առիթ ունեցավ բեմադրություններ անել գյուղական կյանքից: Օրինակ, այդպիսին էր «Նուրին-Նուրինը», ժողովրդական մի ծիսակատարություն, որ տեղի էր ունենում երաշտի ժամանակ: Տոնականորեն հագնված կանանց ու աղջկերի թափորը շարժվում էր դեպի գետը, առջևից գնացող տանում էր գույնագույն լալերից պատրաստված մի մեծ տիկնիկ, իսկ մյուսները ձեռքները կարկառում էին երկինք, աղաչում-պաղատում, որ գթա իրենց ու անձրև պարզեի: Սա արդեն ուրիշ «ներկայացում» էր, բոլորովին տարբեր հարսանեկան ծիսակատարությունից:

Այս ամենը հետաքրքիր էր, զարմանալի, հրապուրիչ, սակայն խամրում էր այն տպավորության առաջ, որ հարուցում էին գյուղ եկած դերասանները: Իսկակա՞ն դերասանները, իսկակա՞ն ներկայացումը, որի նմանը նա տեսել էր Բաքվում: Թատերախամբի ժամանելու լուրն առնելուն պես մոռանում էր խաղ, նաց, ջուր, ամեն ինչ: Վազում էր փողոց,

քայլում դերասանների կողքից, պտույտ-պտույտ գալիս նը-  
րանց շորջը, իր փոքրիկ ծառայություններն առաջարկում,  
տնից տուն մտնում՝ բեմին անհրաժեշտ իրեր ճարելու:

Մի անգամ Բանանց եկավ նշանավոր դերասան Հովսեսի  
Ոսկանյանի խումբը: Մինչև հեղափոխությունը շատ կային  
այդպիսի շրջիկ թատերախմբեր, որոնք ներկայացումներ էին  
տալիս այս կամ այն գավառական քաղաքում, գյուղում, մա-  
նավանդ ամառվա ամիսներին: Միայն կարիքը չէր, որ տե-  
ղից տեղ էր քշում հայ դերասաններին: Նրանք հասնում էին  
ամենահեռավոր հայաբնակ վայրերը՝ լուսավորելու մարդ-  
կանց իրենց ներկայացումներով: Ահա այդպիսի մի խումբ էլ  
դեկավարում էր Հովսեսի Ոսկանյանը: Վերջինս, իրեն օգնող  
փոքրիկ տղային վարձահատուց լինելու համար, ճրան պատ-  
վիրեց փակել «Ազրաիլ» ներկայացման վարագույրը իր մե-  
նախությունից հետո: Բայց Արտաշեալ այնպես էր տարվել  
Ոսկանյանի խաղով, որ մոռացավ իր պարտականությունը և  
սթափվեց միայն քթին հասցված մատնազարկից: Եվ այդ  
բանն արեց ոչ այլ ոք, քան ինքը՝ Հովսեսի Ոսկանյանը, որ  
այնպես աննյութեղեն ու անհասանելի էր քիչ առաջ...

Այդ ժամանականից թատրոնն սկսեց իր ցանցի մեջ  
ներքաշել Արտաշեսին, ետին պլան մղելով մանկական խա-  
ղերն ու ծեսերից ստացած տպավորությունները:

Տար տարեկան էր արդեն, որ 1920-ի սովոր տարին մոր  
հետ հայտնվեց Գանձակում: Այն ժամանակ շատերն էին հե-  
ռանում: Բաքվից՝ ապրուստ գտնելու: Մայր ու որդի հանգըր-  
վանեցին քեռու՝ Տիգրան Շահմուրադյանի հարկի տակ: Քե-  
ռին մի ժամանակ սոցիալ-դեմոկրատ էր եղել, և Ադրբեյջանում  
սովետական կարգեր հաստատվելու առաջին իսկ օրից դար-  
ձել էր բոլշևիկ:

Արտաշեսի մայրը մոտ երեք փութ միս գնեց ու պատրաստվեց Բաքու վերադառնալ որդու հետ, բայց ճանապարհերը փակվել էին: Մի ելք էր մնում՝ մայրն սկսեց մսով կարկանդակներ պատրաստել, իսկ որդին տանում էր ու ծախում՝ շրջելով փողոցե-փողոց: Մի օր Էլ Արտաշեսն իր կարկանդակներով հանդերձ հայտնվեց թատրոնի մոտ, ուր հայ դերասաններն իրենց հերթական ներկայացումն էին ցույց տալիս: Թատրոնը քաշում էր, հրապուրում խենթացնելու ասիճան: Բայց ինչպես ներս մտներ մատուցարանը ձեռքին: Վայրկենական վճիռ ընդունեց՝ տաք-տաք կարկանդակներով լի մատուցարանը կրծքին սեղմելով ու շապկի տակ թաքցնելով, նա աննկատ ծլկեց դահլիճ և այդպես նստեց մինչև ներկայացման ավարտը: Մինչև օրս Էլ Արտաշեսը հիշում է երիտասարդ դերասանունի Հրանուշ Բաբաջանյանին, որն այդ երեկո Սուսան էր Շիրվանզադեի «Նամուսում»:

Բայց որքան մեծ եղավ նրա զարմանքը, երբ տանն իմացավ, որ քենին տեսել է իրեն թատրոնում: Եվ որքան մեծ եղավ նրա վախը, երբ Տիգրանը մոայլ նետեց քրոջը. «Դու դրան ասա, որ Էլ թատրոնի կողմերում չերևա»: Դատավճիռ էր կարծես: Բայց արգելված պտուղը քաղցր է, քեռու խոսքերըն ավելի բորբոքեցին Արտաշեսի հետաքրքրությունը թատրոնի նկատմամբ, և նա հեռու մնալու փոխարեն ավելի կապվեց թատրոնին՝ դառնալով մշտական հանդիսատես:

Իսկ ընդհանուր առմամբ Տիգրան Շահմուրադյանը բարերար ազդեցություն ունեցավ քրոջ որդու վրա: Առաջավոր հայացքներով, կրթված, կարդացած մարդ էր, և տարբեր դեպքերի ու երևույթների մասին նրա գրույցները շատ օգնեցին, որ տասնամյա Արտաշեսը ճիշտ կողմնորոշվի այդ ամենի մեջ: Ճիշտ է, դեռ ոչ այնքան պարզ նա հասկանում էր, որ

Կյանքը բաղկացած չէ միայն մանկական հաճույքներից ու թատրոնի հրապույրից, որ կան դառնություններ ու զրկանքներ՝ ինչ-որ տեղ պատերազմ է, փողոցները լի են փախստականներով, սովահար երեխանները քուջուջ են անում աղբարկողների մեջ, ողորմության ձեռք մեկնում սրան-նրան...

Արտաշեսի վրա բարերար ազդեցություն թողեց նաև մի ուրիշ մարդ՝ համագյուղացի Մելիք Մելիքյանը, որին երեխանները Դեղուշկա Մելիք էին ասում: Միայն երկու տարի անց, երբ Բաքվի վրա փողփողաց կարմիր դրոշը, Արտաշեսն իմացավ, որ իրենց տանը թաքնվող Դեղուշկա Մելիքը Բաքվի բոլշևիկյան ընդհատակի ղեկավարներից է, խիզախ հեղափոխական: Իսկ մինչ այդ նա ու եղբայրը՝ Սարգիսը գլուխ էին ջարդում հասկանալու համար, թե ուր է անհետանում Դեղուշկա Մելիքը երբ ուշ գիշերին իր ետևից փակում է խոհանոցի դուռը: Ամեն ինչ մութ էր ու խորհրդավոր՝ Երբեմն Արտաշեսը, իբր պատահմամբ, մտնում էր խոհանոց, բայց նրա հետքը չէր գտնում: Եվ որքան մեծ եղավ «հետախուզ» եղբայրների զարմանքը, երբ երկար որոնումներից հետո լոգարանի տակ թաքստարան հայտնաբերեցին, ուր գիշերում էր Դեղուշկա Մելիքը:

Մի անգամ ոստիկանությունը ներխուժեց տուն և սկսեց խուզարկել բոլոր անկյունները: Բայց Դեղուշկա Մելիքը հասցեց թոռուցիկների կապոցները պատուհանից նետել բակ՝ այնտեղ հայտնալած ընկերներին: Այս ամենը կատարվում էր Արտաշեսի աչքի առաջ: Նա տեսնում էր, թե Դեղուշկա Մելիքը ինչ հանգիստ է խոսում ոստիկանների հետ, մատի վրա խաղացնում նրանց, հենց ինքն էլ օգնում խուզարկությանը, բարձրացնում, դես-դեն քաշում կահկարասին, որի տակ արդեն ոչինչ չկար:

Այս և նման դեպքերը խոր հետք թողեցին Արտաշեսի հիշողության մեջ, և նա օգտագործեց դրանցից մեկը քան տարի անց, իր մի աշխատանքում: 1938-ին երիտասարդ ռեժիսորը Բաքվի հայպետդրամայում առաջին անգամ բեմունքում Ա. Բարսեղյանի «Կամո» պատմա-հեղափոխական պիեսը: Այս ներկայացման մասին դեռ խոսք կլինի, իսկ առաջն հիշենք մի մանրամաս: Բեմում միտինգ է: Ելույթ ունեցող հեղափոխականը ձեռնախայտը բարձրացնում է գլխից վեր, թափահարում, և բազմության վրա ծածանվում է կարմիր դրոշը, որ մինչ այդ պահված էր ձեռնախայտի գլխիկի մեջ: Ռեժիսորական էֆեկտ էր դա, որ հանդիսատեսին ապշեցնում էր հանկարծակիությամբ և ճշմարտացիությամբ: Բայց այն ժամանակ ոչ ոք չգիտեր, որ ճիշտ այդպիսի բան եղել էր քըսան տարի առաջ: Միտինգ էր Սալդատուկի բազարում: Դեղուշկա Մելիքը, սայլի վրա բարձրացած, ճառ էր ասում՝ ձեռնախայտը թափահարելով գլխից վեր, և ութնամյա Արտաշեսը պատուհանից տեսավ, թե ինչպես հանկարծ ձեռնախայտի միջից հրեղեն թռչունի նման դուրս թռավ ալ-կարմիր դրոշը և բոց թևերը տարածեց բազմության վրա:

Խիզախ հեղափոխականը 1918-ի սեպտեմբերին թուրք հրոսակների գոհը դարձավ: Մանկան հիշողության մեջ մնաց նրա մարգարեական խոսքը, որ նա ասել էր մի անգամ հոր հետ զրուցելիս. «Քիչ մնաց, Գրիգոր: Կարմիր բանակը մեզ ազատություն կբերի, և հենց մտավ Բաքու՝ մենք կվերադառնաք մեր ազատ լեռները»: Եվ երբ 1920-ի ապրիլի 28-ին Կարմիր բանակը մտավ Բաքու, Արտաշեսը հիշեց նրա այս խոսքերը և սրտանց վշտացավ, որ իրենց լավ բարեկամը չտեսավ կարմիր հեծյալներին Բաքվի փողոցներում, չտեսավ հայրենի ազատ լեռները:




Նուրբան Ալի («Հայար»)

Թագվիր հայկական քատրոն



«Հողմերի ժաղաք» տեսարան. 1931

Բաբկի հայկական քառորդ



Արտաշես Հովսեփյանի մանկության տարիներն անցան բուռն իրադարձությունների և ցնցումների շրջանում: Աշխարհում պատերազմ էր, և նրա արձագանքները պարզորոշ լըսվում էին բանվորական քաղաքում: Ընկան Բաքվի 26 կոմիսարները: Եկան անգլիացիները՝ դավաճանաբար բախտի քմահանուքին նաև նելով մարդկանց: Բաքուն զավթեցին թուրքերը և հայկական ջարդեր սարքեցին: Քաղաքը լի էր փախստականներով, որոնց թուրք զինվորները տանջում էին, խոշտանգում, ծաղրուծանակի ենթարկում: Փախստականներ էին ապրում նաև Արտաշեսնեց բակում: բաց երկնքի տակ: Պատահում էր՝ բայ էին խուժում ասկյարները, աղբի տակառներով, ձիերի փոխարեն մարդկանց լծում սալլակներին և, մտրակներով դադելով նրանց մեջքերը, աղբը տանում, թափում քաղաքից դուրս:

Այս ամենը չեր կարող մոռանալ ականատեսը, եթե նա նույնիսկ մանուկ լիներ:

1920 թվականը շրջադարձային եղավ Արտաշես Հովսեփյանի կյանքում, շրջադարձային այն իմաստով, որ նա հնարավորություն ստացավ կանոնավոր ուսում առնելու: 1926-ին ավարտեց միջնակարգ դպրոցի առաջին կարգը: Այս շրջանը հետաքրքիր էր նրանով, որ ստեղծագործելու բնագդը սկըսում էր գիտակցական դառնալ՝ ավելի ու ավելի համակելով նրան: Նոր կյանքի բուռն շարժումը, ժամանակի ոռմանտիկան իրենց մեջ առան պատահի Արտաշեսին: Եվ ոգեշունչ կյանքին սիրահարված՝ նա սիրեց նաև այդ կյանքին նվիրված ոգեշունչ պոեզիան: Հակոբ Հակոբյան, Եղիշե Չարենց, Գեղամ Սարյան... Կարդում էր, անգիր անում, արտասանում: Բայց ոչ թե պարզապես արտասանում էր, այլ աշխատում էր իրեն համակած զգացմունքն ու ~~տրամադրությունը~~ հաղորդել

իր առաջին ուսկնդիրներին: Տասնինգ տարեկանում նա արդեն կարողանում էր ազատ զգալ իրեն քեմի վրա և համարձակ «զրուցել» լսարանի հետ: Զուր չեր անցել նրա «դերասանական պրակտիկան». դեռ գյուղում նա մասնակցել էր ուսուցիչների քեմադրած «Արսեն», «Կըոթ-կըոթ», «Խեչոյի թուզը», «Նավթի շատրվան», «Աշխարհի դատաստանը» ներկայացումներին, խաղալով փոքրիկ տղաների դերեր: Իսկ տանընինգ տարեկանում արդեն «Կոմոնարի որդին» դպրոցական ներկայացման մեջ հանդես էր գալիս գլխավոր դերում:

Բայց և այնպես, այդ տարիներին նա դեռ լրջորեն չեր մտածում թատրոնի մասին: Բանաստեղծությունների արտասանությունը նրա համար հոգեկան ձգտումների արտահայտման սուսավել հուզական ձևն էր, իսկ ոչ մեծ քեմահարթակը՝ այն տեղը, որ նա, անկախ ու անկաշկանդ, կարող էր ելույթ ունենալ և խոսել իր սիրած պոետների անունից:

Ահա թե ինչու այդ տարիներին նա ավելի նրապուրված էր գեղարվեստական ընթերցանությամբ, հաճախ դպրոցներում կազմակերպում էր գրական երեկոներ, առավելապես հանդես գալով ինքնուրույն ծրագրերով և այս ասպարեզում որոշ ճանաչման հասնելով:

Ասմոնքող Արտաշես Հովսեսիքանի հաջողությունների մասին վկայում են այդ տարիների լրագրային նյութերը: Հիշեաք մի երկու օրինակ: Վահան Տերյանի մահվան 9-րդ տարեկիցին Բաքվում տեղի ունեցավ գրական-գեղարվեստական մեծ երեկո, որի գլխավոր կազմակերպիչը Լուս Քալանթարն էր: Որպես գեկուցողներ հանդես եկան Արտաշես Կարինյանը և Արշակ Մկրտչյանը: Բանաստեղծի գործերը կարդացին շատ արտիստներ: Բայց հետաքրքիրն այն էր, որ երեկոյի ամենամեծ հաջողությունը բաժին ընկալ «ծալրագույն բնեու-

ներին»—Հայութաբարին, որը վարպետորեն կարդաց Տերյանի շորս բանաստեղծությունը, և երիտասարդ Արտաշես Հովհանիսիանին, որի արտասանությունը գրավեց ներքին անկեղծությամբ և խոր տպավորություն թողեց: Մի ուրիշ երեկոյի, որ նվիրված էր մեծ Հոկտեմբերի 11-րդ տարեդարձին, Արտաշես Հովհանիսիանը հանդես եկավ Ժամենիսի, Պահարեի, Ալայանի և ուրիշ ճանաչված արտիստների հետ: Այս ելույթը նույնպես ընդունվեց գոհունակությամբ: Տպագրված թատերախոսականում հիշատակվում է նա որպես շնորհալի ասմունքող:

Արտաշես Հովհանիսիանը առանձին երեկո ունեցավ Լենինի անվան գրադարանում: Թատերախոսն ընդգծեց ոչ միայն երիտասարդ ասմունքողի ծրագրի ինքնուրույնությունն ու թեմատիկ ուղղվածությունը, այլև կատարման անմիջականությունը, հուզականությունը, ցանկությունը, հայտնելով, որ նա այդպիսի ելույթներով հանդես գա նաև բանվորների առջև:

Մի շատ ավելի հետաքրքիր փաստ, որ հայտնի դարձավ երեք տասնամյակ անց: Շիրվանզադեի ծննդյան 100-ամյակի նախօրեին, 1958-ին, Բաքվի «Կոմունիստը» տպագրեց Ա. Ղուկասյանի հոդվածը անվանի գրողի և հայիլովյան նավթահանքերի բանվորների հանդիպման մասին: Հանդիպումը տեղի է ունեցել 1929-ին, անցել բացառիկ ջերմ մթնոլորտում: Այսունոր բանաստեղծները, այդ թվում և երիտասարդ Գեղամ Սարյանը, կարդացել են իրենց գործերից: Հանդես է եկել նաև Արտաշես Հովհանիսիան՝ Վ. Ալազանի մի բանաստեղծության արտասանությամբ: Նրա ոգեշունչ ելույթը խոր տըպավորություն է թողել Շիրվանզադեի վրա, և նա սրտանց ծափահարել է անձանոթին:

— Լավ կարդաց այդ տղան: Կեցցե, — անել է նա բարձրածայն, բաջալերելով շիկնած պատանուն:

Այս ամենը, ինչ խոսք, ոգևորում էր արվեստում իր առաջին քայլերն անող Արտաշեսին, մղում համառ աշխատանքի, ինքնակատարելագործման, ստիպում, որ ընդլայնի իր ծրագիրը: Նա մեծ բերկրանք էր ապրում այս ամենից: Բայց սա՝ բեմի վրա, իսկ առօրյա կյանքում շատ էին տխրությունները, հոգսերը, դժվարությունները: Արտաշես Հովսեփյանը չէր կարող խուսափել իր սերնդակիցների ծանր ճակատագրից, մարդիկ, որոնք թեկուզ և կիսաքաղ ապրելու համար ստիպված էին մտնել իրենց ուժերից վեր բեռան տակ:

Տասնինը տարեկանում Արտաշեսն ավարտեց № 22 դպրոցի երկրորդ կարգը՝ մանկավարժական թեքումով, և մի տարի պատմություն դասավանդեց տարրական դասարաններում:

Ուրեմն ինչ էր դառնալու Արտաշեսը միջնակարգն ավարտելուց հետո: Մանկավա՞րծ: Բոլոր նշաններից երևում էր, որ այդ էր վերջը, մանավանդ նման հեռանկարը լիովի բավարարում էր ծնողներին: Բայց այդ դեպքում ո՞ւր կմնար թատրոնը, որին հաղորդակցվել էր նա հինգ տարեկան հասակից, որի հետ կապվել էր նա սրտանց ու երազել: Ինչպես պիտի մոռանար այն երեկոները, երբ բեմահարթակից բանաստեղծություններ էր կարդում և ինքն էլ, ծնողներից թարուն, գյում գիշերները՝ իր ուսանավորներում ներբողելով ստեղծագործ կյանքի բերկրանքը:

Բեմն ու ստեղծագործելու ծարավը ավելի զորեղ էին: Եվ նա, հրաժարվելով մանկավարժական աշխատանքից, իր կյանքն ու ճակատագիրը մեկրնդմիշտ կապեց թատրոնի հետ:

## ՈՒՐ ԵՆ ՏԱՅՈՒՄ ԹՍՏՐՈՎԻ ԱՍՏԻԾԱՆՆԵՐԸ

Վառ հույսերով լի, բեմարվեստին նվիրվել ցանկացող

գրեթե ամեն մի երիտասարդ այս հարցին մի պատասխան ունի՝ թատրոնական աստիճանները տանում են դեպի դերասանական արվեստի բարձունքները։ Այդ հասակում, մասնավանդ երբ զուրկ են պրոֆեսիոնալ կրթությունից, հազվադեպ են մտածում ուժիսոր դառնալու մասին։ Թատրոն ուղղ դնող երիտասարդը արտիստական փառք է երազում, տեսչում է հանդիսարաններ և վաճել համաշխարհային կերպարների զորությամբ, ամենևին չենթադրելով, որ արվեստի այդ տաճարում իրեն սպասում են նաև տառապանքներ և դժվարագույն աշխատանք, որ այստեղ ինքը՝ արվեստի նորունակա քուրմը, չարշրկվելու է հույսի և հուսախաբության արանքում, մինչև գտնի իր իսկական տեղն ու դավանանքը։

Արտաշեալ իր այս հասակակիցներից տարբերվում էր նրանով, որ մինչև Բաքվի Հայպետդրամա ընդունվելը գիտեր, թե ինչ է սպասում իրեն։ Չէ՞ որ նա դեռ բարձր դասարաններում սովորելու տարիներին հանդես էր գալիս թատրոնի ներկայացումների մասսայական տեսարաններում, փոքրիկ դերեր խաղում, մասնակցում փորձերին և տեսնում, թե ինչ քրտնացան աշխատանք են թափում դերասանները, մինչև ուժիսոր գոհ է մնում այդքանից։

Դեռ թատրոն գալուց առաջ նա Բաքվում տեսել էր այնպիսի փառաբանված արտիստների խաղը, ինչպիսիք էին Հ. Աբելյանը, Վ. Փափազյանը, Ժամենը, Լ. Երամյանը, նիացել էր Գ. Սունդուկյանի անվան թատրոնի արտիստների՝ Հասմիկի, Ա. Ռոկանյանի, Հր. Ներսիսյանի, Վ. Վաղարշյանի, Գր. Ավետյանի, Մ. Մանվելյանի և ուրիշների վարպետությամբ։ Նա բաց չէր թողնում սիմֆոնիկ երաժշտության որևէ համերգ, ուր հանդես էին գալիս համաշխարհային ճանաչում գտած դիրիժորներ Ռենե Բատոնը, Վիլի Ֆերե-

րոն, Արթուր Նիկիշը և ուրիշ գաստրոլյորներ: Նա մշտական հանդիսատեսն էր Բաքվի ոռոսական քանվորական թատրոնի, որը 20-ական թվականների վերջին և 30-ական թվականների սկզբին երկրի լավագույն ոռոսական դրամատիկան թատրոններից էր համարվում, և որի ներկայացումներին մասնակցում էին Ն. Սոկոլովը, Մ. Ժարովը, Բ. Բելյուկին, Ֆ. Ռանևսկայան, Պ. Ժարիկովը... Եվ նա, տարված այս վարպետների խաղով, մերթ խանդավագովում էր ու մերթ հուսալքման պահեր ապրում՝ տաճաշալիորեն խորհիւլով. իր ապագայի մասին, վախենալով հավատալ անգամ, որ ինքն էլ երբեմն էր, նրանց նման, բեմից կխոսի ամբողջ ձայնով:

Ներկայացումների և համերգների հաճախումը գեղարվեստական ինքնակրթության հիմնալի դպրոց եղան երիտասարդ Արտաշեսի համար: Այստեղ հարստացան նրա գիտելիքները, ընդլայնվեց տեսադաշտը, խորացավ բեմարվեստի ըմբռնումը: Բայց և այնպես, նրա մեծագույն հրապուրանքը մնաց գիրքը, գեղարվեստական ընթերցումը, ասմունքը:

Սակայն ահա կատարված է վճռական քայլը՝ Արտաշես Հովսեփյանը Բաքվի Հայպետորամայի լիիրավ անդամն է: Խսկույն փոքրիկ մի դեր ստացավ «Լիր արքայում»: Որ դերը փոքր պիտի լիներ՝ հասկանալի էր ու բնական: Բայց որ հանդես պիտի գար մեծն Աբելյանի հետ... Սկսնակ դերասանը սարսում էր հենց թեկուզ այդ մտքից, Աբելյան—Լիրի և Ժամեն—Կորդելիայի կողքին լինելու մտքից: Եվ որքան մեծ եղավ նրա զարմանքը, ցնծությունն ու շփոթմունքը, երբ դերասաններից մեկը հայտնեց Աբելյանի կարծիքը նրա մասին. «Ընորհիքով տղա է, մի բան դուրս կգա»:

Սկզբում չհավատաց, կարծեց, թե սովորական ծաղր է

ու կատակ, որ այնքան տարածված է դերասանների շրջապատում: Բայց որոշ ժամանակ անց թատրոնը բեմադրեց Շիրվանզադեի «Պատվի համար» դրաման, որ Արելյանը էլիզբարով էր, իսկ Արտաշեսին հանձնարարել էին ծառայի՝ Վարդանի դերը: Ներկայացումից հետո արդեն ինքը՝ Աբելյանը, դերասանների ներկայությամբ ասաց Արտաշեսին. «Իսկ դու, տղաս, պստիկ ես, բայց ճատիկ ես»:

Ավելորդ է ասել, թե ինչ նշանակություն ուներ այս խորը սկսնակ դերասանի համար և ինչպիսի խթան եղավ! Արա հետագա գործունեության մեջ:

1930-ից մինչև 1934-ի հունվարը Արտաշեսը մի տեսակ աննկատելիորեն բարձրանում էր դերասանական վարպետության աստիճաններով, ժամանակ առ ժամանակ նշանակալի դերեր ստանալով և դառնալով, այսպես ասած, ուղերտուարային դերասան: Բենիկ էր նաև S. Հախումյանի «Ուկորների վրա», Արսմ' Զ. Զաքարյու «1905 թվականին», հյուր՝ Շիրվանզադեի «Նամուս», Կուսկլի՝ «Երկարեւ մարդ» (ըստ Բալզակի), Զահանգիր՝ Վ. Կիրշոնի «Հողմերի քաղաք», բանվոր՝ Ն. Զարխիի «Բոմբեյ» և ուրիշ պիեսներում:

Արտաշես Հովսեփյանը բանվորի դեր էր կատարում նաև Ն. Պագողինի «Տեմպում»: Իր հերոսի ներաշխարհը, նոգեբանական անցումները նա ցույց տվեց այնքան անկեղծ ու ճշմարտացի, որ առիթ տվեց խոսելու դերասանական որոշ վարպետության, երիտասարդ արտիստի բնածին ընդունակությունների մասին, և նրա խաղն արժանացավ մամուլի դրական գնահատականին:

Թե որպես դերասան ինչպես էր գնահատվում Արտաշես Հովսեփյանը, կարելի է եզրակացնել նաև հետագա տարի-

Աերին վերաբերող մի ուրիշ փաստից: 1938-ին, երբ նա նոր էր վերադարձել Մոսկվայից, թատրոնը քեմադրեց Ս. Իբրահիմովի «Հայաթ» պիեսը՝ շատ կողմերով հետաքրքիր մի գործ, որ վառ ու կենդանի պատկերում էր ադրբեջանական ժողովրդի նոր կյանքը: Պրեմիերայից հետո հանդես գալով մամուլում, պիեսի հեղինակը գրեց. «...Համառ աշխատանքի շնորհիվ մի շաբք դերակատարների, այդ թվում՝ Կորբան Ալիի դերակատար Արտաշես Հովսեփյանի խաղը անզուգական էր»:

Նույնն է վկայում նաև ադրբեջանցի նշանավոր արտիստ Սիդգի Ռուբովլան, որը գրում է. «Ես հիացած եմ Կորբան Ալիի դերակատար Արտաշես Հովսեփյանով, նրա ուշալիստական կենդանի խաղով: Նրան հաջողվել է սկըզբից մինչև վերջ հանդիսատեսին ներկայացնել երկշոտ, կամազուրկ, դասակարգային թշնամու ձեռքին խաղալիք դարձած լրագրողի տիպը»:

Թվում է՝ որոշվել էր Արտաշես Հովսեփյանի ստեղծագործական ուղին: Նա դերասան պիտի դառնար: Մանավանդ որ ամեն մի նոր դերի հետ ավելի ու ավելի խորն էր թափանցում դերասանական արվեստի գաղտնիքների մեջ:

Բայց... Ահա այսուղ էլ հանդես եկավ այն ճակատագրական «բակը», որը երբեմն, մարդու կամքից անկախ, նըրա հետագա գործունեությունը տանում է մի ուրիշ հունով:

Նույնիսկ այսօր վաթսունն անց Արտաշես Հովսեփյանն աչքի է ընկնում անսպառ եռանդով, ավյունով, անհանգիստ բնավորությամբ: Եվ եթե նա այդպես է այժմ, ապա կարելի է պատկերացնել, թե ինչպիսին կլիներ քառասուն տարի առաջ, երբ երիտասարդ էր: Համակ շարժում էր նա, ձգտում, սովորելու և գործելու տեսչ: Եվ պատահական չէ, որ երես-

նական թվականների սկզբից, մի տեսակ իր համար էլ ան-  
նկատ, դերասանական աշխատանքին զուգահեռ սկսեց  
կատարել ուժիսորի օգնականի, իսկ որոշ ժամանակ անց՝  
նաև ուժիսորի ասիստենտի պարտականությունները:

Սա արդեն նոր բան էր նրա կյանքում: Ի պատիվ երի-  
տասարդ դերասանի պետք է ասել, որ նա շատ արագ սկը-  
սեց հասկանալ, թե ինչ անսահման հնարավորություններ  
ունի ուժիսորի մասնագիտությունը, թե որքան կարենք է  
նրա՝ ներկայացման կազմակերպչի, հեղինակային մտահղա-  
ցումը մեկնաբանողի, դերասանների դաստիարակի դերը: Այլ  
բան է, եթք նա որպես դերակատար, հետևելով ուժիսորի  
ցուցումներին, բեմական կերպար էր ստեղծում, և բոլորո-  
վին ուրիշ բան, եթք ուժիսորի կողքին նստած տեսնում էր,  
թե ինչպես է աչքի առաջ ծնվում ամբողջ-ներկայացման կեր-  
պարը: Ծոշափելի, ամբողջական կերպարը: Դա խոր մտո-  
րումների առիջ էր տալիս: Եվ Արտաշեալ փորձերից հետո  
մտածում էր երկար, հետո սկսեց մասնագիտական գրքեր  
կարդալ՝ Ստանիսլավսկու, Մելեքիստոլդի աշխատությունները,  
ականավոր արտիստների և ուժիսորների մեմորները:

Դերասանը հետզհետեւ սկսեց ուժիսորի աչքերով նայել  
շրջապատին: Իրենց թատրոնի կամ ադրբեջանական և ոու-  
սական թատրոնների ներկայացումները դիտելիս նա ոչ մի-  
այն հետևում էր դերասանների խաղին, այլև փորձում էր  
մտովի վերլուծել բեմավիճակները, գործող անձանց կեր-  
պարների մեկնաբանությունը, նրանց փոխհարաբերությու-  
նը, ձգտում էր թափանցել ուժիսորի հղացումների մեջ, գրտ-  
նել անսամբլային ներկայացում կառուցելու գաղտնիքը:

Եթք բազմակողմանիորեն դիտարկում ենք երեսնական  
թվականների Բաքվի հայ թատրոնը, տեսնում ենք, որ նրա

ոեժիսորների և դերասանների վարպետությունը բարձր մակարդակ ունի: Դա ուշալիստական լայն ընդգրկման թատրոն էր՝ իր կայուն ավանդներով: Ե՛վ մինչհեղափոխական, և՝ սովետական շրջանում այս թատրոնի բեմում խաղացել էին հայ թատրոնի գրեթե բոլոր մեծերը, և այս հանգամանքն իր կնիքն էր դրել կոլեկտիվի ստեղծագործական նկարագրի վրա: Թատրոնի միջնորդությունը հագեցած էր մեծ արվեստի շնչով: Այստեղ տարիքն առած Աբելյանի կողքին անմնացորդ նվիրումով ստեղծագործում էր Ժամենը՝ ողբերգական շնչի տեր երիտասարդ մի դերասանուհի, որ արդեն իշխում էր արվեստասեր հասարակայնության մտքի և հոգու վրա: Այստեղ էր Արմեն Արմենյանը՝ դերասանական ու ոեժիսորբական արվեստի մի վարպետ, որից սովորելու շատ բան ունեին Արտաշես Հովսեսիյանն ու թատրոնի մյուս երիտասարդները: Այստեղ էին գալիս նշանավոր շատ ոեժիսորներ՝ Լևոն Քալանթար, Ստեփան Քափանակյան, Թադևոս Սարյան, Ալեքսանդր Տուգանով և ուրիշներ, նրանցից յուրաքանչյուրը բերում էր իր լայն գիտելիքները, իր ծանրակշիռ խոսքը, ներկայացում կառուցելու իր անկրկնելի վարպետությունը: Եվ այս բոլոր ոեժիսորներն աշխատում էին Արտաշես Հովսեսիյանի աշքի առաջ, երբեմն էլ՝ նրա մասնակցությամբ:

Տարբեր հայացքներ, մեթոդներ ունեցող ոեժիսորների նետ մշտական հաղորդակցումը ստեղծագործական գործունեության նոր ոլորտներ բացեց Արտաշես Հովսեսիյանի առջև: Հետևելով նրանց աշխատանքի ոճին, կարողանում էր արդեն ինքնուրույնաբար որոշել յուրաքանչյուրի «ձեռագիրը», սկզբունքը, ներկայացում կառուցելու և դերասանների նետ աշխատելու եղանակը: Նա տեսնում էր, թե ինչ մասնակրկիտ ու քրտնաշան աշխատանք էր տանում Ստեփան

Քափանակյանը ամեն մի դերանանի հետ, մինչև հասնում էր արտահայտիչ շարժման ու խոսքի: Տեսնում էր, թե Մուշեղ Սաղյանը ինչ ջանքերով էր ամբողջացնում ներկայացումը՝ գործադրելով իր ստեղծագործական լավագույն կողմերը — բեմական տարածության, տեսմակի ու ռիթմի զգացողություն, ինքնատիպ ու հստակ մտածողություն, կոմպոզիցիալի սուր ընկալում:

Թատրոնում որոշ ժամանակ աշխատեց Թադևոս Սարյանը: Արտաշեսի համար ուժիսորական մի ամբողջ դպրոց էր այն, թե ինչ հմտությամբ էր նա բացահայտում դերի էությունը և՛ սեղանի մոտ պարապելիս, և՛ փորձերի ժամանակ, խոսում, բացատրում, վերլուծում էր այնպես պատկերավոր ու տեսանելիորեն, որ կերպարներն ասես իրենք էին մերձենում դերասաններին, համակում իրենց հույզերով ու գաղափարներով:

Սակայն Արտաշեսին ամենից ավելի հրապուրում էր Լուս Քալանթարի ուժիսորական մեթոդը, որի լիակատար տիրապետության տակ էր նա: Արտաշեսի համար ուժիսորի կատարելատիպ էր Քալանթարը: Լուս էր նրան համակ ուշադրություն դարձած, շարունակ զարմանալով, թե ինչ խոր ու լայն են ծավալվում նրա մտքերը, թե որքան պարզ ու ճշգրիտ է նա սահմանում ներկայացման գլխավոր խնդիրը, թե ինչպես է անհատական հատկանիշներով օժոում յուրաքանչյուր կերպար՝ գաղափարական ու հոգեբանական դիպուկ շեշտադրումներով: Ամեն ինչ նպատակային էր, ոգեշունչ, ճշմարիտ թատերային:

Այս ուժիսորներից յուրաքանչյուրը Արտաշես Հովհենիյանի մտքում ու հոգում իր հետքը թողեց, իր մեթոդի, վարպետության մի մասնիկը: Սովորում էր, նրանցից և չեր վա-

բանում ամեն առիթով հետաքրքրվել, հարցնել, ավելին կորզել ուժիսուրայի այդ «հանրագիտարաններից»: Բայց, ցավոք, այս ուժիսորները գալիս էին, աշխատում մեկ-երկու տարի, հեռանում: Մնում էր միայն հավատարիմ ուսուցիչն ու ավագ ընկերը՝ Մուշեղ Սաղյանը, որը, պետք է ասել, վըճռական դեր խաղաց Հովսեփյան-ուժիսորի ձևավորման մեջ:

Արդեն խոսեցինք Արտաշեսի եռանդի, հետաքրքրությունների, նախասիրությունների մասին, այն մասին, թե ինչ հափշտակությամբ էր նա մասնակցում գրական երեկոներին, դպրոցական ներկայացումներին: Այս ամենը քաջ հայտնի էր նաև Մուշեղ Սաղյանին, և նա ամեն կերպ քաջալերում էր երիտասարդ դերասանի այս հակումները: Լինելով ոչ միայն գերազանց նկարիչ ու ուժիսոր, այլև խորաթափանց մասնավարժ, նա դրականորեն էր գնահատում իր աշակերտի անհնագանդ բնավորությունը, ետ չեր պահում նրան բեմարվեստի վերաբերյալ սկզբունքային վեճներից, որոնք, ճիշտ է, երբեմն ծայրահեղությունների էին հասցնում, բայց և այնպես շահեկան էին մտքի շարժման, առաջընթացի տեսակետից: Մանավանդ որ Արտաշեսը չեր համառում իր սխալների մեջ, անընդհատ որոնելով ճշմարիտը՝ նրան էր հասնում սեփական ճանապարհով:

Արտաշես Հովսեփյանի և Մուշեղ Սաղյանի բարեկամական ու ստեղծագործական կապը չեր պարփակվում թաւորունի պատերի մեջ: Համատեղ աշխատանքը շարունակվում էր ավագ ընկերոջ տանը, ուր Արտաշեսը հաճախ էր նյուի լինում: Այստեղ նա հնարավորություն ունեցավ ընդլայնելու իր ծանոթությունների շրջանակը, հանդիպելու հայ, ոուս, ադրբեջանցի մտավորականության շատ ներկայացուցիչներ:

ոի՝ դերասանների, ռեժիսորների, նկարիչների, գրողների, կոմպոզիտորների հետ: Սաղյանի տան մշտական այցելուներից էին ադրբեջանցի մեծ դրամատուրգ Զ. Զաքարլին, նշանավոր նկարիչ Ռ. Մուստաֆաևը, ոուս բեմի վետերան, ռեժիսոր Ա. Տուգանովը, որոնք հետագայում նաև Արտաշես Հովսեփյանի բարեկամները դարձան: Վիճաբանություններ ու զրոյցներ էին ծավալվում այստեղ թատրոնի շուրջ, և Արտաշես ունկնդրում էր ազահաբար, որում ամեն բառ ու արտահայտություն, որ վերաբերում էր մասնավորապես նկարչական ձևավորման էսքիզներին ու մակետներին: Նա սկսեց ավելի ու ավելի պարզ պատկերացնել բեմի տեխնոլոգիան, խորապես գիտակցել ներկայացման բաղադրիչներից լուրաքանչյուրի կարևորությունը ամբողջի մեջ: Հետո ինքն էլ համարձակվեց իր կարծիքը հայտնել նման առիրներով: Մանավանդ, երբ մենակ էր մնում Մուշեղ Սաղյանի հետ: Այդպես նա մասնակցեց «Օղակում» ներկայացման ռեժիսորական պլանի մշակմանը, որպես ռեժիսորի ասիստենտ, և Սաղյանը գոհունակությամբ ընդունեց աշակերտի դիտողություններից մի քանիսը: Միաժամանակ հանձնարարեց կազմակերպել ներկայացման մասայական տեսարանները: Սա արդեն մեծ բան էր ապագա ռեժիսորի համար, մի նոր փուլ նրա ստեղծագործական կյանքում, դեպի ինքնուրույնություն տանող մի նոր ճանապարհ:

Կարծես թե ամեն ինչ բարեհաջող էր: Բայց նեաց այդ ժամանակ երիտասարդ արվեստագետին սկսեցին տանջել կապահները՝ կարո՞ղ է արդյոք գիտելիքների նման պաշտով, առանց պրոֆեսիոնալ կրթության, շարունակել այն ճանապարհը, որով քայլում էին Լևոն Քալանթարի, Ստեփան Քափանակյանի, Թադևոս Սարյանի նման վարպետներ...

Ոչ, պրոֆեսիոնալ կիթությունն անհրաժեշտ էր: Դեռ ժամանակին այդ խորհուրդն էր տվել նրա սրտակից ընկերը՝ դերասան Աղասի Ալայանը, որ ավագ եղբոր հոգատարությամբ էր հետևում Արտաշեսի ստեղծագործական տրամադիմքային և լրջորեն մտահոգված էր նրա ապագայով: Այդ կարծիքին էր Մուշեղ Սաղյանը՝ ի՞նչ ուժիսոր կարող է լինել առանց բազմակողմանի գիտելիքների, առանց մասնագիտական լուրջ պատրաստության: Նույն մտքին էր նաև ինքը՝ Արտաշեսը, որովհետև ամեն անգամ փորձառու ուժիսորների աշխատանքները դիտելիս հարցը հարցի ետևից էր ծագում նրա գլխում՝ անլուծելի թվացող, տանջալի հարցեր, — ի՞նչ է ուզում ասել ուժիսորը հանդիսատեսին՝ այս կամ այն գրական երկը բեմադրելով, ինչպես է նողանում իր ասելիքը, ի՞նչ տարբերություն կա կյանքի երևոյթների նկատմամբ դրամատորգի և ուժիսորի մոտեցման մեջ, ուժիսորը նենց սկզբից է «տեսնում» ամբողջ ներկայացումը, թե դա կատարվում է փորձերի ընթացքում....

Հարցեր, որոնց պատասխանը, սպառից պատասխանը, միայն պրոֆեսիոնալ կրթությունը կարող էր տալ:

Եվ ահա 1934-ի ամռանը Արտաշես Հովսեփյանը մեկնեց Մոսկվա՝ Ա. Լունաչարսկու անվան թատերական արվեստի պետական ինստիտուտն ընդունվելու: Այստեղ բախտը ժպտաց նրան. ինստիտուտի ուժիսորական ֆակուլտետի դեկանը անցյալում հայտնի ուժիսոր Ալեքսեյ Գրիգորիչն էր, որը լավ գիտեր Բաքվի թատերական կյանքը և նրա գործիչներին: Արտաշեսի հետ զրոյց ունեցավ: Խոսեց Աղամյանից, Սիրանուշից, Աբելյանից, հնարավորություն տալով, որ երիտասարդը խաղաղվի, հավաքի մտքերը, ընտելանա շրջապատին: Անյա նկատեց հարցեր տալ, հետաքրքրվել Բաքվի

ոռուական թատրոնի նոր բեմադրություններով, լսեց Արտաշեսի կարծիքը, գոհ մնաց նրա ինքնուրույն դատողություններից:

Վ. Բիլլ—Բելոցերկովսկու «Կյանքը կանչում է» պիեսի ոեժխորական մեկնությունը գրելուց հետո Արտաշեսն ընդունվեց ինստիտուտի ոեժխորական ֆակուլտետը:

Թատրոնի աստիճանները մնացին ետևում: Նա սկսեց բարձրանալ ուսումնառության աստիճաններով:

## ՀԻՆԳ. ՏԱՐՎԱ ՈՒՍԱՆՈՂԱԿԱՆ ԿՅԱՆՔ

Հայ սովետական թատրոնի կազմավորման ու զարգացման գործում, հանկանաքես՝ 20—30-ական թվականներին, մեծ ու անգնահատելի է Մոսկվայի դերը: Մեր ականավոր ոեժխորներից ու դերասաններից շատերը սովորել և կատարելագործվել են Մոսկվայի հայ մշակույթի տաճան առընթեր դրամատիկական ստուդիայում, Եվգենի Վախթանգովի մասնակցությամբ ստեղծված բեմարվեստի այդ փառահեղ «համալսարանում», որ տարիներ շարունակ գործում էր Ռուբեն Սիմոնովի և Վախթանգովյան թատրոնի ուրիշ վարպետների դեկավարությամբ:

Հայ դերասանների և ոեժխորների ուսումնառության մյուս օջախը թատերական արվեստի պետական ինստիտուտն էր, որն աչքի էր ընկնում ամենից առաջ մանկավարժական որակավոր կազմով և ուսումնական հիմնավոր դրվագքով: Այն տարիներին, եթք Արտաշես Հովսեյիանը սովորում էր այստեղ, ինստիտուտում դասավանդում էին Մոսկվայի Գեղարվեստական թատրոնի ականավոր վարպետներ Ի. Մոսկվինը, Լ. Լեռնիդովը, Վ. Սահմանվակին, Յա. Ստանիցինը, Ի. Ռաևսկին, Եվգ. Վախթանգովի անվան թատրոնի նշանավոր


արտիստներ Ա. Գորյունովը, Ի. Ռապովորտը, Հեղափոխության թատրոնի դերասանուհի Օ. Պիժովան և ուրիշներ: Այն կուրսում, ուր սովորում էր Արտաշես Հովսեփյանը, ոեժիսուրայի հիմունքներ էր ուսուցանում անվանի ոեժիսոր Ֆ. Կավերինը, դերասանի վարպետություն՝ Մ. Տարխանովը, Ե. Տելեցովան, Ն. Սվոբոդինը, արևմտյան թատրոնի պատմություն՝ Ա. Զիվիլեգովը: Անցնում էին նաև անտիկ և ոռու թատրոնի պատմություն, բեմական խոսք, բեմական շարժում, գեղագիտություն, քաղաքատնտեսություն... Բոլոր առարկաներն էլ դասավանդվում էին բազմակողմանիորեն զարգացած մանկավարժներ, հոգատար և զգայուն մարդիկ, որոնք գիտակցում էին իրենց դերը թատերական բազմազգ մշակույթի, նոր թատրոնի սկզբանակորման ու զարգացման մեջ: Նման ուսուցիչներ ունենալը երջանկություն էր Արտաշեսի համար, և նա սովորում էր ինքնամոռաց, ուղղակի ներծծում այն ամենը, ինչ տալիս էին:

Բայց նրա համար պակաս կարևոր ինստիտուտ չէր Մոսկվայի թատերական աշխարհը: Գրեթե ամեն երեկո նա այս կամ այն թատրոնում էր՝ տարբեր իրենց խաղացանկով, ոճով, ոեժիսորական սկզբունքներով: Իսկ այդ տարիների թատերական Մոսկվան աղատեսակ և նույնիսկ հակադիր ոճերի, ուղղությունների, հոսանքների պայքարի բովում էր: Բանվեճներ էին բորբոքվում ամենուրեք, ոչ միայն թատերական, այլև ուսանողական շրջաններում: Նոր կյանքը իր պահանջներն էր դնում, նոր թեմատիկան, երբեմն ծալրահեղ ձևեր առած, ներխուժում էր թատերաբեմ: Ժողովրդայնության համար մղվող պայքարը, արդիականության հրե շունչը իրենց: Մեջ էին առնում նաև դասական դրամատորգիան, որ բեմա-



Թագվի նայեական քատրոնի խումբը  
Թբիլիսիում, 1932

ՀԱՅԱՍՏԱՆԻ  
ՀԱՆՐԱՊԵՏՈՒԹՅՈՒՆ



«Կամո» տեսարան. 1939

Բաբվի հայկական քառոն

կանորեն մեկնաբանվում էր նորովի, մասշտաբային, նապատակամետ:

Ահա Արտաշեսն առաջին անգամ Կամերային թատրոնում է, որ ներկայացվում է «Ադրիեն Լեկուվրիերը»: Բեմադրությունը Ա. Թահիրովին է, գլխավոր դերում՝ Ալիսա Կոռնելը: Հոչակալոր էին այդ անունները, բայց նրանց փայլը չէր, որ շլացրեց ու ապշեցրեց նորընծա ուսանողին. նա դեռ Բաքվում տեսել, խաղացել էր նայ բեմի այնպիսի վարպետների հետ, որոնց անունները պակաս շողշողուն չէին, դիտել էր հյուրախաղերի եկած Մեյերխոլդի թատրոնի և որիշ առաջնակարգ թատերախմբերի գրեթե բոլոր ներկայացումները: Անյպես որ սկսնակ դերասանը սկսնակ չէր որպես նաևդիսական:

Արտաշեսին որիշ բան զարմացրեց ու հիացրեց «Ադրիեն Լեկուվրիերում»: Նրա նամար ուղղակի հայտնագործություն էին ամբողջ ներկայացման անսամբլային բնույթը, վառ ու ինքնատիպ ճկարչական ձևավորումը, լուսերի խաղը, լակոնիական, ասես քանդակային բեմավիճակները, դերականարների զուսպ արտաքինն ու հուզական ներքինը... Այս ամենը այնքան բնական էր և միաժամանակ ճշմարիտ թատերային, որ ինքն էլ ասես ներքաշվում էր իրական-բեմական այդ կյանքի մեջ, դառնում ներկայացման մասնակիցը:

Այս ներկայացման մեջ նա ավելի խոր զգաց ուժիսորի դերը, ամեն ինչում նրա ներկայությունը և... բացակայությունը: Հասկացավ, թե ուժիսորական հղացումը մարմնավորելու նամար ինչ վիթխարի նշանակություն ունի տարածության կազմակերպումն ու այնպիսի միջավայրի ստեղծումը, որ դերակատարներն իրենց կարող են զգալ ոչ թե բեմի վրա, այլ կյանքում, իրական փոխհարաբերությունների մթնոլորտում:

Սակայն, առաջ անցնելով, տեսնենք, թե նույն ներկայացումը ինչպես ընդունեց նա հինգ տարի հետո, Բաքու վերադառնալու նախօրյակին: Արդեն շատ բան էր սովորել, տեսել, կարդացել, ինչպես ասում են, բացվել էին աչքերը: Պրոֆեսիոնալ ուսումնառությունն ինստիտուտում և տարբեր թատրոնների հաճախումը մեծապես նպաստել էին այն բանին, որ ապագա ռեժիսորը թատերական արվեստի արմատական խնդիրներին մոտենա սլավի հայացքով: Ահա թե ինչու «Ադրիեն Լեկուվրիերի» երկրորդ դիտումից ստացած տպավորությունը թեև նույնն էր, ինչ հինգ տարի առաջ, սակայն չկար նախկին հուզմունքը: Պատճառն այն էր, որ նա արդեն ի վիճակի էր նկատելու անհամապատասխանությունը ներկայացման ձևի և բովանդակության միջև, ռեժիսորական մեկնաբանության և դերասանական կատարման միջև: Վերջին հաշվով, բեմում գլխավորը դերասանների վարպետությունն է և ոչ թե ռեժիսորական այն էֆեկտավոր հնարանքները, որոնք մի ժամանակ զարմացնում էին և հուզում, բայց հիմա թվում էին արհեստական, օտարամուտ, մտքին ու սրտին ո-չինչ չտվող:

Սակայն վերադառնաք այն օրերին, երբ մոսկովյան ամեն թատրոն մի նոր աշխարհ է բացում Արտաշեն Հովսեփյանի առաջ:

Ահա նա Մ. Գորկու անվան Գեղարվեստական թատրոնում դիտում է Կ. Ստանիսլավսկու բեմադրած «Ֆիգարոյի ամուսնությունը»: Տպավորությունն այլ է: Հոյակապ ներկայացում՝ տոնականորեն թատերային, կենսախինդ, ճշմարտությունն ու արդարությունը հաստատող հիմքով: Անգուգական են կոմս Ալմավիվա—Յու. Զավադսկին, Ֆիգարո—Ն. Բատալովը, Սյուզաննա—Օ. Անդրովսկայան: Ներկայացման ձևն

ընկալվում է դերասանների խաղի միջոցով, այն բանի շնորհիվ, թե ոեժիսորը որքան ճշմարտացի է բացահայտել պիեսի բովանդակությունը:

Չնի և բովանդակության միասնությունը այն հողն էր, որի վեա Արտաշես Հովսեփիանը կատարում էր ներկայացման արտաքին կառուցվածքի իր որոնումները: Դեռ ուսումնառության տարիներին նրա համար անխախտ ճշմարտություն էր այն, որ ներկայացման հաջողությունը ամենից առաջ պայմանավորված է այն բանով, թե ոեժիսորը ինչ չափով է կարողացել թափանցել պիեսի բովանդակության մեջ, հեղինակի գաղափարական աշխարհը և ինչպես է այդ ամենը հաղորդել հանդիսականին դերասանների ստեղծագործական անհատականության միջոցով:

Այս նյութի շորջ իր դեկավար Ֆ. Կավերինի հետ զրուցելիս Արտաշեսը միշտ մեկնակետ էր ընդունում Ստանիսլավսկուն և ոչ թե Մեյերխոլդին կամ Թահրովին:

— Ինչո՞ւ, — հարցնում էր Կավերինը:

— Որովհետև Ստանիսլավսկու մոտ ամեն ինչ իրական է, ճշմարտացի: Բեմում կյանքն ինքն է: Նրա ներկայացումներն իրենց ձևով չեն ուզում մարդ զարմացնել...

— Բայց չե՞՞ որ Մեյերխոլդն ու Թահրովը նույնապես շատ ու շատ նոյակապ, կենականորեն ճշմարտացի ներկայացումներն են ստեղծել:

— Շիշտ է.. Բայց, ինչ արած, ինձ ավելի մոտ է Ստանիսլավսկին:

— Դուք, որպես ոեժիսոր, չպետք է սահմանափակվեք ոեժիսորական մեկ ուղղությամբ: Դուք կարող եք Ստանիսլավսկու երկրպագուն լինել, դրա համար ձեզ ոչ ոք չի մեղադրի, սակայն պարտավոր եք հասկանալ նաև մյուս ոեժիսոր-

Աերի ստեղծագործական մեթոդը: Այլապէս եթե գոյություն ունենար և ընդունվեր ուժիստրական միայն մեկ ուղղություն, անասելի կաղքատանար թատերական արվեստն ընդհանրապէս:

Նման զրոյցներին, որ լինում էին ուժիստրական գործական այրապմունքներից և ներկայացումներ դիտելոց հետո, թե ուսուցիչը և թե աշակերտը վերաբերվում էին ամենայն լրջությամբ: Աշակերտը մեծապէս գնահատում էր ուսուցիչ լայն ու խոր գիտելիքները, ճուրք միտքն ու ճաշակը, ուսուցիչը՝ նրա ինքնուրույնությունը, համարձակությունը, լորջմիտ մոտեցումը թատերական արվեստին: Որպէս ապացուցքերներ այն նամակ-բնութագիրը, որ Կավերինը 1935-ին ուղարկել է Ադրբեյջանի լուսժողկոմին. «Ուժիստրական ֆակուլտետի 2-րդ կուրսի ուսանող Արտաշես Գրիգորի Հովսեփյանը պարապում է իմ խմբում: Մեկուկես տարվա պարապմունքների ընթացքում ընկ. Հովսեփյանը ցուցաբերել է իրեն որպէս լուրջ, ձեռներեց ուսանող, որը բոլոր տվյալներն ունի ուժիստր դառնալու համար: Ուժիստրայից նա լավ հաջողություններ ունեցավ առաջին կուրսում: Այս տարի նրա ներկայացրած՝ Շիլլերի «Խարդավանք և սեր» ողբերգության բեմադրության պլանը մշակված էր լրջորեն, ուշիմ և մեծ սիրով: Պլանը մշակելիս թույլ տված սխալները հետևանք էին հեղինակի նկատմամբ ծայրահեղ հրապուրանքի և չափից ավելի կրքոտության: Այս դրական հատկանիշները պետք է տարվեն համապատասխան հունով: Սակայն կասկած չունեմ, որ նա դրան կհասնի ուսումնառության հետագա տարիներին»:

Արտաշեսը շարունակում էր որոնել ճշմարտությունը: Դիտեց Մոսկվայի Գեղարվեստական թատրոնի ուրիշ ներկայացումներ՝ «Տուրբինների օրերը», «Տաղանդներ և երկրպագու-

ներ, «Պիկվիկյան ակումբ», «Զրահագնացք 14—49», «Հատակում», «Կարամազով եղբայրներ», «Աննա Կարենինա»... Դիտեց և ավելի ու ավելի համոզվեց, որ թատրոնում գլխավոր դեմքը դերասանն է՝ հեղինակի և ռեժիսորի գաղափարական-գեղարվեստական հղացումների հիմնական կրողը։ Այս առումով նրա համար կատարյալ օրինակներ էին Արելյանը, Մուկվինը, Կաչալովը, Տարխանովը, Խմելյովը, Կնիպպեր-Չեխովան և բեմի ուրիշ վարպետներ։

Բայց նա չէր մոռացել և շարունակ հիշում էր իր դեկապար Ֆ. Կավերինի այն խորհուրդը, թե անհրաժեշտ է ծանոթ լինել մյուս ռեժիսորների ստեղծագործական մեջողներին ևս, ուստի սկսեց ուշադիր հետևել ուրիշ թատրոնների ներկայացումներին։ Եվգ. Վախթանգովի անվան թատրոնի «Արքայադուստր Տուրանդոտը» նայելիս Արտաշես Հովսեփյանը նույն զգացողությունն ունեցավ, ինչ ժամանակին Գեղարվեստական թատրոնում «Ֆիգարոյի ամուսնությունը» դիտելիս։ Այստեղ միահյուսված էին ամբողջի մեջ ներկայացման ձևն ու բովանդակությունը, որպես ներդաշնակ համաձուլվածք։ Իրենց ոիթմական գծանկարով, արտաքին տոնական թատերայնությամբ այս ներկայացումներն ասես մեկը մյուսի շարունակությունն էին։ Նա նկատեց, որ երկու թատրոնում էլ աշխատում են ռեժիսորական նույն սկզբունքով, և՝ Ստանիսլավսկին, և՝ նրա աշակերտ ու հետևորդ Վախթանգովը օգտվում են ռեժիսորական նույն մեջողից, միայն թե վերջինիս ներկայացումներում ավելի շատ են վառ գույները և խանդավառ նոմանատիկան։

Այս բանում նա առավել հոմոզվեց, դիտելով Վախթանգովի աշակերտների բեմադրած «Ինտերվենցիա», «Տասներկուերրորդ գիշերը», «Արիստոկրատներ», «Եգոր Բուլըչովը և

ուրիշներ» Աերկայացումները: «Նրա համար արտիստական անհատականության չափանիշ էր Բ. Շուկինը՝ իր խորապես ռեալիստական, հյութեղ խաղով: Անմոռաց էր նրա Բովըչովը: Արտիստի հզոր տաղանդը փայլատակեց հատկապես Լենինի դերում՝ Ն. Պոգոնինի «Հրացանավոր մարդը» Աերկայացման մեջ, որ բեմադրել էր Ռ. Սիմոնովը Հոկտեմբերյան մեծ հեղափոխության 20-ամյակի առթիվ:

Ուսումնառության տարիներին Արտաշես Հովսեակյանը հաճախ էր լինում Համառուսաստանյան թատերական ընկերությունում, որ Աերկայացումներ էին քննարկվում, անցկացվում ստեղծագործական երեկոներ, հետաքրքիր բանավեճեր, համերգներ և այլն: Այստեղ նա տեսնում էր ականավոր շատ ու շատ դերասանների և ուժիուրների՝ առօրյա միջավայրում, բեմից ու թատերական պայմանականություններից դուրս, ուշադիր լսում նրանց խոսքուզբայցը, վիճաբանությունները, ծանոթանում նրանց գեղագիտական հայացքներին, որ տարբեր էին և միշտ՝ ուսանելի:

Արտաշեսի վրա սովորական մեծ տպավորություն թողեց այստեղ կարդացված դասախոսություններից մեկը, որ նվիրված էր թատրոնում արդիականության և դերասանի վարպետության հարցերին: Դասախոսը հրեա նշանավոր դերասան Ա. Միխուլսն էր: Ամբիոնի մոտ էր կրքոտ ու ոգեշտուչ արվեստագետը, արտիստ-դասախոսը: Խոսում էր ճշմարիտ արվեստի իմաստուն քարոզիչը, որ գեղարվեստական պատկերներով թատրոնի ու կյանքի փիլիսոփայական ընկալման կոչ էր անում: Այդ միջահասակ, թիկնեղ, անբարետես մարդը ներքին այնպիսի գեղեցկություն ուներ, այնպիսի գորություն, որ ստիպում էր իրեւ լսել մեծագույն հաիշտակությամբ, և ոչ միայն լսել, այլև «տեսնել» իր արտահայտած լուրա-

բանչյուր գաղափարը: Եվ եթե այդպիսին էր որպես զեկուցող, ապա ինչպիսին կլիներ թատրոնի բեմում...

Միխոելսը նրան համշտակեց, տարավ Հրեական թատրոն, և վերջինս, Գեղարվեստական թատրոնի և Վախթանգովի անվան թատրոնի նման, վիթխարի տպավորություն թողեց Արտաշեսի վրա: Սա նոր հայտնագործություն էր նրա համար, մի իսկական ուխտատեղի, որից նա չկարողացավ բաժանվել, մինչև չդիտեց թատրոնի գրեթե ամբողջ խաղացներ՝ «Երկու հարյուր հազար», «Կաթնավաճառ Թելյե», «Կախարդունի», «Չորս օր», «Ֆրեյլեխս», «Լիր արքա», «Թափառող աստղեր»...

Ի՞նչ էր նրապուրում նրան Հրեական թատրոնում: Դարձյալ ներկայացումների ձևի ու բովանդակության ներդաշնակությունը, ուժինութեական նստակ մեկնաբանությունը, դերասանական խաղի հուզականությունն ու տեսպերամենուը, դաշն խոսքը ու շարժումը, բեմավիճակների և գործող անձանց արարքների հիմնավորվածությունը: Յուրաքանչյուր ներկայացման մեջ նա ճշմարտացի կյանքն էր տեսնում, ամեն անգամ այնպիսի տպավորություն էր ունենում, ասես թատրոնում չէր, այլ ծանոթ հրեա ընտանիքում՝ աչքի առաջ կատարվող ստուգ դեպքերով, նոգսերով և ուրախություններով:

Հարկ չկա թվելու բոլոր այն թատրոնները, ուր եղավ Արտաշես Հովսեսիյանը ուսումնառության տարիներին, բոլոր այն ներկայացումները, որ նա դիտեց: Կարևոր այն է, որ այս ամենը հարստացրեց նրա վորձը, նրբացրեց ուժինութեական նոտառությունն ու ճաշակը, զարգացրեց վերլուծական ունակությունը: Այսինքն՝ այն, առանց որի իսկական ուժինոր չկարող լինել:

Պարապում էր, ներկայացումներ հաճախում, ուժինորա-

կան մշակումներ անում և կարդում, կարդում... Ամենից ավելի՝ ոռու և արևմտաեվրոպական դասականներին: Ռուսերենը զարգացնելու համար անգիր էր անում Պուշկին, Եսենին, Մայակովսկի, Տյուտչև, հանդես գալիս ինստիտուտի երեկոներին: Կավերինի խորհրդով խաղում էր նրա ղեկավարած «Նոր թատրոնի» մասսայական տեսարաններում: Երբ Կավերինը աշխատում էր Գուցկովի «Ուրիել Ակոստայի» և Կրոնինի «Երկշոտը» բեմադրության վրա, ուժիսորի ասիստենտ եղավ: Նույն պարտականությունն ստանձնեց նաև 1936-ին, երբ Ն. Օխոպկովը պատրաստում էր «Սալյուտ, Խապանիա» մասսայական ներկայացումը՝ «Դինամո» մարզադաշտում ցուցադրելու համար:

Վերջապես ետևում մնացին մուկովյան ուսումնառության հինգ տարիները, և 1938-ին Արտաշես Հովսեփյանը վերադարձավ Բաքու: Վերադարձավ ուժիսորական հարուստ գիտելիքներով: Բայց դեռ դիպլոմային ներկայացում պիտի պատրաստեր՝ ուժիսորի կոչում ստանալու համար...

## ԴԱՐՁ ԴԵՊԻ ԵԼԱԿԵՏ

Արտաշես Հովսեփյանը նորից հարազատ թատրոնում էր, այս անգամ՝ որպես պրոֆեսիոնալ ուժիսոր:

Դիպլոմային աշխատանքի համար ընտրությունը՝ կանգ առավ Ա. Գոլակյանի «Արշալուսին» պիեսի վրա: Այնուհետև բեմադրեց Ա. Բարսեղյանի «Կամոն» և Գ. Սունդուկյանի «Խալթաբալան»: Բայց մինչ այդ Լուս Քալանթարի ղեկավարությամբ ուժիսորական աշխատանք կատարեց «Լյուբով Յարովյան» ներկայացումը պատրաստելիս և ադրբեջանցի ու-

Ժիսոր Ա. Խոկանդերովի հետ մեկտեղ Զ. Զաբարլու «1905 թվականին» պիեսը բեմադրեց Հայպետդրամայում:

Սկզբեց Հայրենական պատերազմը: Դիպլոմային աշխատանք պաշտպանելու մասին մտածելու անգամ ավելորդ էր. Մուկվայից հանձնաժողով չէր կարող գալ դիպլոմային ներկայացումն ընդունելու: Արտաշեսը ծանր ապրումներ ունեցավ: Միակ միսիթարանքն այն էր, որ Բաքու եկավ հայտնի թատրոնական քննադատ Դ. Տալճիկովը և միանգամայն դրական գնահատեց երիտասարդ ռեժիսորի ներկայացումները: Երեք լիարժեք բեմադրություն՝ այդքան կարճ ժամանակամիջոցում, դրվագական խոսքեր՝ մամուլում, ընկերների ջերմ վերաբերմունք,— այս ամենը հոգեկան ուժ տվեց Արտաշեսին, և նա կարողացավ անտեսել դիպլոմ ստանալու անհրաժեշտությունը, ամբողջ էռլյամբ տրվեց ստեղծագործական աշխատանքներ՝ գործնականում ապացուցելու համար ռեժիսորի իր իրավունքը:

Այն, որ Բաքվի Հայպետդրամայում ներկայացումներ էին բեմադրում տարբեր ռեժիսորներ, անկասկած, ուներ իր դրական կողմերը: Բայց թատրոնին անհրաժեշտ էր գլխավոր ռեժիսոր, փորձով ու գիտելիքներով հարստացած մի դեկավար, որը ի վիճակի լիներ ապագա գործունեության ծրագիր մշակել և ներկայացումներ ստեղծելուց զատ կոլեկտիվում գեղարվեստա-դաստիարակչական աշխատանք ծավալել:

Կոլեկտիվի ընտրությունը կանգ առավ Արտաշես Հովսեսիանի վրա: Թատրոնի գեղարվեստական դեկավարությունը կստանվեց քանի համար ուղարկած ուղարկություն, այն էլ՝ այնպիսի թատրոնի, որը ավելի քան կեսդարյա պատմություն ուներ և որի ռեմում խաղացել ու խաղում էին Հովհաննես Աբելյանի, Վահրամ Փափազյանի, Խահիսակ Ալիկանյանի, Արմեն Արմենյա-

նի, Ժամենակ, Լուս Երամյանի նման վարպետները:

Երեկով ուսանողը՝ այսօր թատրոնի գլխավոր ռեժիսոր: Սա այն ժամանակ հազվագյուտ երևույթ էր սովորական թատրոնի պրակտիկայում ընդհանրապես: Բայց պետք է հաշվի առնել օբյեկտիվ հանգամանքները: 40-ական թվականների սկզբին Բաքվի Հայպետորամայում ռեժիսորի պլոբլեմը ասենասուր ու առաջնայինն էր ստեղծագործական կոլեկտիվի համար: Թատրոնից հեռացել էին Լուս Քալանջարն ու Թադևոս Սարյանը: Գլխավոր նկարիչ Մուշեղ Սաղյանը, որը միաժամանակ գլխավոր ռեժիսորի պարտականություններն էր կատարում, բացահայտորեն չէր կարողանում համատեղել այս երկուսը, առավել ևս, որ նա առաջին հերթին նկարիչ էր և նետո միայն ռեժիսոր, ուստի շարունակ ձգտում էր իր հիմնական մասնագիտությանը:

Թատրոնին անպամյան անհրաժեշտ էր գլխավոր ռեժիսոր:

Վերադառնալով Մուկվայից, ինչպես արդեն ասվեց, Արտաշես Հովսեփյանը մեկ տարվա ընթացքում բեմադրեց երեք ներկայացում՝ «Արշալույսին», «Կամո», «Խալթաբալա», որոնք նրա ստեղծագործական հետագա ճակատագրի ուղենիշը դարձան, շահեցին կոլեկտիվի վստահությունը, ցույց տվեցին, որ նա, թեև երիտասարդ, բայց և այնպես հասուն, եռանդուն, ստեղծագործաբար-մտածող ռեժիսոր է, ընդունակ թատրոնը դեկավարելու և առաջ տանելու:

Այս հատկանիշների վկայությունն էր, օրինակ, Ա. Գուլակյանի «Արշալույսին» պիեսի բեմադրությունը: Բաքվի թատրոնի դերասաններից շատերն էին ծանոթ նույն երկի երևանյան ներկայացմանը: Եվ նրանք չէին կարող չնկատել, որ իրենց ներկայացումը տարբեր է ամենից առաջ ռեժիսո-

բական ինքնուրույն մոտեցմամբ: Ծիշու է, այսուեղ էլ, ինչպես «Արշավույսին» պիեսի մյուս բեմադրություններում, առկա էր մելոդրամատիզմը, սակայն ավելի փոքր չափերով, հետու «ճակատային» զգայականությունից և հանդիսատեսի նյարդերի վրա ազդելու ճիգից: Եվ ընդհանրապես մի կողմ թողնելով արտաքին-ցուցադրական հնարանքները, երիտասարդ ուժիսորու առավելագույն ուշադրություն էր դարձրել կերպարների անհատականացման վրա, նրանց դնելով տրամաբանորեն սույն փոխհարաբերությունների և բեմական դիմամիկ գործողության մեջ:

Ներկայացման պրեմիերային հրավիրված էր պիեսի հեղինակ Արմեն Գուլակյանը: Նա գոհ մնաց ներկայացումից ընդհանրապես, իսկ բեմադրողի մասին, նրա բացակայությամբ, ասաց. «Պետք է սիրել ու իհայիհայել այսպիսի ուժինորին: Նա շատ բան կարող է անել ձեր թատրոնի համար»:

Երկար տարիներ Բաքվի Հայպենոդրամայում աշխատելով որպես գլխավոր ուժիսոր, Արտաշես Հովսեփյանը լիովին արդարացրեց իր ավագ արվեստակցի վստահությունը: Իսկ այդ վստահության համար ուալ հիմքեր կային արդեն «Արշավույսին» պիեսը բեմադրելու շրջանում: Նախ՝ պատահական չեր, որ երիտասարդ ուժիսորը դիմեց հենց այդ պիեսին: Ժամանակաշրջանի և դրամատորգիական նյութի ներքին փոխառնչությունը գիտակցելու արդյունքն էր դա: «Արշավույսին» դրաման երևան եկավ այն տարիներին, երբ երկրորդ համաշխարհային պատերազմի հրդեհը տարածվել էր Եվրոպայում և մոտենում էր Սովետական Միության սահմաններին: Ու թեև պիեսի սյուժետային առանցքը Հայաստանում քաղաքացիական կոհիվների դրվագներն են, այնուհանդերձ դրանք ներքին տրամաբանությամբ կապվում էին

ներկա իրադարձություններին, հարուցում այնպիսի տրամադրություններ, որ ցանկալի էին արդիական խնդիրներով մտահոգված արվեստագետի համար:

Պատերազմի և խաղաղության պրոբլեմ: Ժողովրդական ուժերի հավաքագրում ընդդեմ բռնության ու ստրկացման: Կարմիր բանակի դերը օտարերկրյա զավթիչների դեմ մղվող պայքարում: Զերմ հայրենասիրություն: Այս ամենը չեր կարող խորապես չհուզել սովետական հանդիսատեսին և միաժամանակ որոշակի ընդհանրացման, եզրահանգման չմղել՝ զգոն եղեք, մարդիկ...

«Արշալույսին» պիեսը Արտաշես Հովսեփյանի համար, նախ և առաջ, հերոսական դրամա էր, և նա բեմականորեն այդպես էլ բացահայտեց երկը: Հերոսական էր, բայց ոչ պլակատային: Սրընթաց տեմպ ու ոիլթմի, լարված գործողության հետ մարդկային ցայտուն բնավորություններ կային այստեղ, լիարյուն կերպարներ՝ ճակատագրական բախումներով: Ներկայացման թատերախոսականներում հատուկ նշվեց այս պարագան, դերակատարումներից առանձնապես հաջողված համարվեցին Ա. Հովհաննիսյանի Վահագնը, Խ. Հարությունյանի Խորենը, Ա. Ներսիսյանի գգիրը, Ա. Արզումանյանի Մխոն, Ա. Երամյանի Աննան: Ինչ խոր, նշվեցին նաև թերություններ և՛ դերասանական խաղի, և՛ ուժիսորական աշխատանքի ու նկարչական ձևավորման մեջ: Սակայն մի բանում համամիտ էին բոլոր բնադրատները՝ Արտաշես Հովսեփյանը, ընդհանուր առմամբ, ստեղծել է տաղանդավոր ներկայացում, ուր պարզորոշ երևում է ուժիսորի հավատարմությունը ունալիզմի սկզբունքներին, համառ ու հետևողական աշխատանքը դերասանների հետ, հատկապես նրանց խառը առաջներում նկատվող տրաֆարետային հնարանք-

ներից ազատելու ուղղությամբ, և, վերջապես, մասսայական տեսարաններ ստեղծելու վարպետությունը, որ Արտաշես Հովհանիսի ռեժիսորական երևակայության և կազմակերպչական ունակությունների ապացույցն է:

«Արշալույսին» ներկայացման հաջողությունը մեծ աշխուժություն մտցրեց թատրոնի ստեղծագործական կյանքում: Եվ ոգևորեց երիտասարդ ռեժիսորին: Հետամուտ պատմա-հեղափոխական թեմատիկային, ներոսական դրաման դիտելով որպես նպաստավոր հող երիտասարդ սերնդի դաստիարակության համար, և առ ձեռնամուխ եղավ Ա. Բարսեղյանի «Կամո» պիեսի բեմադրությանը: Պիեսն արժանացել էր Հայկական ՍՍՀ կառավարության հայտարարած մրցանակաբաշխության երրորդ մրցանակին, և սա, անշուշտ, մեծ հաջողություն էր սկսնակ թատերագետ-դերասան Ա. Բարսեղյանի համար:

Լեզենդար հեղափոխական Կամոյի կյանքի պատմությունը, անհավանականության աստիճանի ֆանտասիկ դրվագներով, հերոսական պատումի հիանալի նյութ էր և, ինչպես ասում են, կարծես ինքնիրեն բեմ էր ձգտում: Սակայն պիեսը տառապում էր նաև թերություններով՝ չոր ու մակերեսային էին որոշ կերպարներ, դժգույն՝ որոշ տեսարանները, հերոսները. երբեմն խոսում էին լրագրային լեզվով և այլն: Արտաշես Հովհանիսի հեղինակի հետ միասին սկսեց աշխատել պիեսի վրա՝ շտկելով այդ բացերը և միաժամանակ պեկի ցայտուն դարձնելով հանգուցային պահերը: Այնուագայն, փորձերի ընթացքում, և կերպարները հարստացրեց բեմական դիպուկ մանրամասներով, դարձրեց ավելի կենաց, շոշափելի, ներգործուն: Ինչ խոք, առաջին հերթին սա վերաբերում էր կենտրոնական հերոսին՝ Կամոյին, որի

բեմական կերպարը աներեր հեղափոխականի և զգայուն մարդու զարմանալի միասնություն եղավ։ Ռեժիսորը միաժամանակ մեծ տեղ էր տվել հերոսի և նրա միջավայրի սերտ կային, մի հանգամանք, որը դարձյալ բեմական ռեալիզմին հավատարիմ մնալու վկայություն էր։

Ներկայացումը գրավում էր անկեղծ պարոսով և, որ ամենագլխավորն է, մի ամբողջ շարք բեմական վառ, ճշգնարտացի կերպարներով (Ա. Հովհաննիսյան—Կամո, Ա. Արզումանյան—Սանդրո, Մ. Թավրիզյան—Սովիին, Լ. Երամյան—Կախեթելի և այլն)։ Երկար ժամանակ այն Բաքվի թատերասեր հասարակայնության, մամուլի ուշադրության կենտրոնում էր։ Գրեթե բոլոր թերթերում տպագրվեցին թատերախոսականներ, որ լի էին հիացական կարծիքներով, նաև լուրջ դիտողություններով, որոնք ավելի շուտ հասցեագրված էին ռեժիսորի երիտասարդ տարիքին, քան նրա ուսակություններին։ Այսպես թե այսպես, «Կամո» ներկայացումը դիտվեց որպես ստեղծագործական խիզախում, թատրոնի և նրա առաջատար ռեժիսորի գաղափառական ստույգ դիրքորոշման արտահայտություն, որը հետագայում պետք է ամրապնդվեր գեղարվեստական ավելի կատարյալ ձևերով։

Արտաշես Հովսեփյանի հիմնական մտահոգությունը՝ դարձավ բարձր գաղափարի և բարձր արվեստի ներդաշնակության, թեմայի և նրա գեղարվեստական մշակման համագոր կարևորության խնդրին լուծումը։

Ստեղծագործաբար աճում էր ռեժիսորը, ավելի ու ավելի առնական էր դառնում նրա տաղանդը։ Բեմադրությունից բեմադրություն որակական առաջընթաց էր ապրում նաև դերասանների խաղաղութեան մուտքը։ Արտաշես Հովսեփյանի մուտքը

Հայպետդրամա և նրա հաստատումն այստեղ ոչ միայն  
 պարզապես նոր ռեժիսորի, այլև նոր ռեժիսորայի հայտ-  
 նություն էր թատրոնում: Աստիճանաբար փոփոխվում էր  
 շատ բան, ավելորդը, իր դարձ ապրածը դուրս էր մղվում,  
 ժամանակի հրամայական պահանջով թելադրված անհրա-  
 ժեշտը՝ ներմուծվում ավելի ու ավելի համարձակորեն: Բե-  
 մում երևացին նոր գույներ, և միաժամանակ տոները դար-  
 ձան անհամեմատ զուսպ ու խիստ, ինչպես պատշաճ էր  
 արդիական ռեժիսորային և արդիական թատրոնին: Այս  
 բանը չէր կարող վրիպել թատրոնի բախտով շահագրգոված  
 մարդկանց աչքից: Գ. Մդիվանու «Պատիվ» պիեսի բեմա-  
 դրությունն ընդունելիս հանձնաժողովի անդամներից մեկը՝  
 Վ. Պլատոնովը, օրինակ, այսպիսի կարծիք է հայտնել.  
 «Հայպետդրամայում «Պատիվ» պիեսի բեմադրությունը մեծ  
 նվաճում է ինչպես թատրոնի, այնպես էլ երիտասարդ ռե-  
 ժիսոր Արտաշես Հովսեփյանի համար: Անցած տարիներին  
 այս թատրոնում եւ դիտել եմ մի քանի պիես, որ դերա-  
 սանները խաղում էին կոկորդ պատուելով, բայց հակառակը  
 տեսա այս բեմադրության մեջ՝ մեղմ, զուսպ տոներ, որի  
 համար կարելի է շնորհավորել ռեժիսորին: Պիեսում կան  
 տեսարանական տեղեր, օրինակ, սահմանապահների  
 գումը դիմամիկ է, մի շարք գլխավոր գործող անձինք բնա-  
 վորության ավելի հարուստ երանգավորում ունեն, քան  
 պիեսում է»:


Արտաշես Հովսեփյանի դրական հատկանիշների մա-  
 սին է խոսվում նաև թատրոնի դիրեկտոր Ա. Մկրտչյանի  
 առված բնութագրում՝ մեծ եռանդ, էնտուզիազմ, ստեղծագոր-  
 ծական հրայրք, նորք ճաշակ, զգայուն վերաբերմունք դե-  
 մունքությունը և այլն:

րասանի նկատմամբ, ոեժիսորական հարուստ գիտելիքներ, գաղափարապես ու գեղարվեստորեն լիարժեք ներկայցում կազմակերպելու ունակություն...

Արտաշես Հովսեփյանը, ինչ խոք, ներքուստ ոգևորվում էր նման գևահատականներից, սակայն նրան քնար օտար չէր «ծանիր զքեզը» թերևս ամենաանհրաժեշտը արվեստագետի հետագա ճակատագրի համար,— նա, սեփական առավելությունները գիտակցելով, նաև լրջորեն գիտակցում էր ստեղծագործողի, կազմակերպչի իր թերությունները: Եվ եթե հանդես էր գալիս մամուլում՝ կրքու ու անողոք վեր հանելով թատրոնի ստեղծագործական կյանքում տեղ գտած բացերը, ապա սեփական անձն ու գործն էլ էր դիտում նոյն լույսի տակ, եթե կոլեկտիվին կոչ էր անում համախմբել բոլոր ուժերը, հնարավորությունները՝ սովետական հանդիսատեսի գեղագիտական պահանջմունքները բավարարելու համար, ապա այդ կոչը ամենից առաջ ուղղում էր ներկ իրեն՝ թատրոնի կոլեկտիվի գեղարվեստական դեկավարին ու կազմակերպչին:

Ծշմարիտ ստեղծագործական «ինքնակիզում» էր Ար-ի տաշես Հովսեփյանի ոեժիսորական գործունեությունը այն տարիներին, երբ գլխավոր ոեժիսոր էր Բաքվի Հայունդրամայում: Առեց թատրոնի հեղինակությունը, արմատապես վերափոխվեց խաղացանկը, բարձրացավ դերասանների վարպետությունը, և այս ամենում աներկրայելի էր թատրոնի ստեղծագործական դեկավարի ծառայությանը: Որպես այս հաջողությունների ցուցանիշներից մեկը նշենք, որ թատրոնը, հատուկ որոշմամբ, դարձավ առաջին կարգի:

Այդ տարիներին Արտաշես Հովսեփյանը շատ ներկայցումներ բեմադրեց, և սրանց մեջ բիշ չեին այնպիսինե-



«Լենին». տեսարան. 1940  
Բայց լի հայկական քառորդ



Հասմիկ Ն. Բոխյան, Աշոտ Լ. Արքահամյան  
(«Վերջին մեխակներ»)  
Լենինականի պետական թատրոն





Զուլիկետա՞ Ա. Ազնառուրյան, Քալաքեկ՝ Հ. Ղազարյան,  
Մագրումի՝ Ռ. Մելիքան («Փորձադաշտ»)  
Լենինականի պետական քատրոն:



Տաճառումի՝ Ա. Մելյան, Սամվել՝ Փաշայան («Սամվել»). 1958  
Լենինականի պետական թատրոն.

ոլ, որոնք էտապային եղան ինչպես ռեժիսորի ստեղծագործական կենսագրության մեջ, այնպես էլ թատրոնի կյանքում։ Նման աշխատանքներից առաջին հերթին նիշենք Ա. Կապլերի և Տ. Զլատոգորովայի «Լենին» պիեսի բեմադրությունը։

Թատրոնի կոլեկտիվը մեծ վստահություն պիտի ցուցաբերեր, իսկ երիտասարդ ռեժիսորը ստեղծագործական մասմարձակություն պիտի ունենար նման պատասխանառություններուն ճենարկելու համար, բամադրություն, որի կենտրոնում էին Լենինի և ուրիշ պատմական անձնավորությունների կերպարները։ Անհրաժեշտ էր ուսումնասիրել վիլթխարածավալ գրականություն և փաստական նյութեր՝ իլյիչի կերպարը բեմում պատկերելու համար այնպես, ինչպես եղել էր իրականում՝ խորապես զգայուն մարդ և հանճարեղ առաջնորդ, բոլշևիկյան կուսակցության կազմակերպիչ և դաստիարակ, Հոկտեմբերյան հեղափոխության ղեկավար, աշխատավորության ազատարար և հավատարիմ բարեկամ։ Լենինի կերպարում անհրաժեշտ էր ընդգծել նրա սերը ժողովրդի հանդեպ և ժողովրդի նվիրվածությունը իր առաջնորդին։ Միաժամանակ կարևոր էին նրա մարդկային վսեմ հատկանիշները, որոնց շնորհիվ միայն բեմական կերպարը կարող էր խոսել մարդկանց սրտի հետ, հուզելու սոգորել իր գաղափարներով։

Ստեղծագործական անասելի հուզում էր ապրում ոչ միայն բեմադրողը, այլև ապագա ներկայացման բոլոր մասնակիցները։ Այլև ամբողջ կոլեկտիվը, որ ձգտում էր ամեն կերպ օգնել նրանց։ Գրելթե մի տարի տևեց նախապատրաստական աշխատանքը։ Ներկայացման մասնակիցներից յուրաքանչյուրը, սկսած ռեժիսորից մինչև երկրորդական-երրորդական

դերակատարները, քաջ գիտակցում էր իր վրա դրված սյարտականությունն ու պատասխանատվությունը, գիտեր, որ իրենց աշխատանքին հետևում է քաղաքի ողջ հասարակայնությունը: Եվ լրագրային հոդվածներում նրանք ասես հաշվետվություն էին տալիս հանդիսատեսներին, հաղորդակից դարձնում իրենց մտքերին, հանձնարարված դերերի սեփական ըմբռնումներին:

Արտաշես Հովսեփյանը անհատական վիլթիսարի աշխատանք տարավ Լենինի դերակատար Արզո Արզումանյանի, ինչպես նաև Խորեն Հարությունյանի (Գորկի), Սերժ Հայրյանի (Սվերդլով), Աշոտ Ներսիսյանի (Զերժինսկի) և մյուսների հետ: Նաև Արզո Արզումանյանը հատուկ գործուղիւցին Մոսկվա, եղան թատրոններում, զրուցեցին ծեր բանվորների հետ, ուստինասիրեցին այսումական փաստաթուղթ և այլ նյութեր:

Հետո՝ փորձեր, մտավոր ու ֆիզիկական գեղարված սույնատանք, անքուն գիշերներ...

Եվ ահա, վերջապես, պրեմիերան: Ոչ, պարզապես թատերական արվեստի տոն, թատերական արվեստի հաղթանակ:

Հաջողության մեծագույն բաժինն ընկնում էր ռեժիսորին և ԽՍՀԻ դերակատարին: Նրանք, կարելի է ասել, լիովին հասել էին իրենց նպատակին՝ Արզո Արզումանյանի կերտած Լենինի կերպարը բազմակողմանի ընդգրկում ուներ, աշխատավորության առաջնորդ էր նաև միաժամանակ պարզ ու անմիջական մարդ, հեղափոխական հանճարեղ գործիչ էր և միաժամանակ նոգատար ընկեր ու բարեկամ, մեծ մտածող էր և միաժամանակ անսպառ հումորով օժտված զրուցակից: Սա, ինարկե, ամենից առաջ ռեժիսորական կոնցեպցիայի

նվաճումն էր, որ հանդիսատեսն ու քննադատությունը նկատեցին և գնահատեցին ըստ արժանվույն:

Խոսելով լենինյան ներկայացման մեջ ռեժիսորի առաջնային դերի մասին, քննադատ Զ. Չորիչը Բաքվի «Կոմունիստ» թերթում (1940, հունվարի 18) հատուկ շեշտեց գաղափարական և գեղարվեստական լայն հնչողություն ունեցող ներկայացում ստեղծելու նրա տաղանդը, մի գործ, ուր զգացվում է քաղաքացիական կրքու շունչը՝ արտահայտված գեղարվեստական հավաստի միջոցներով: Իսկ ինչ վերաբերում է Լենինի բեմական կերպարին, քննադատը լավագույն ներից մեկն է համարում այն սովետական բեմում, արժանի ուրույն տեղ գրավելու լենինյան անձնավորումների պատկերասրահում:

համարձակ քննություն բռնեց:

Ներկայացման անդրադան Բաքվի գրեթե բոլոր թերթերը և միշտ՝ դրվագանքով: Կարևոր այստեղ այն է, որ թատերախոսներն ու հոդվածագիրները, վերլուծելով ոեժիսորի և դերասանների աշխատանքը, որպես կանոն, իրենց խոսքն ավարտում էին երևոյթի գնահատությամբ: Նույն էին անում նաև հասարակության որիշ ներկայացուցիչներ: Ահա այդպիսի մի գնահատական, որ տվել է Ադրբեջանական ՍՍՀ Ժողկոմխորհին առընթեր Արվեստի գործերի վարչության պետ Միրզա Իբրահիմովը՝ Արտաշես Հովսեփյանին հղած իր նամակում. «Հարգելի ընկեր Հովսեփյան, Ադրբեջանական ՍՍՀ Ժողկոմխորհին առընթեր Արվեստի գործերի վարչությունը սրտանց ողջունում և ջերմորեն շնորհավորում է Ձեզ ստեղծագործական մեծ հաջողության համար: «Լենին» պիեսի Ձեր լավագույն բեմադրությունը Լ. Երամյանի անվան հայպետդրամայում Ձեր ստեղծագործության ոգեշունչ արտահայտությունն է, որ ամբողջ կոլեկտիվը բարձրացրեց սովետական ճշմարիտ արվեստի մի նոր աստիճանի:

Անկեղծորեն մաղթում ենք Ձեզ ստեղծագործական հետագա հաջողություններ»:

Ընդհանրապես պետք է նկատել, որ 1940—1941 թվականները շափազանց արգասավոր էին Արտաշես Հովսեփյանի ոեժիսորական գործունեության համար: Նա այս շրջանում բեմադրեց մի ամբողջ շարք ներկայացումներ՝ Ա. Կապլեր և Տ. Զլատոգորովա— «Լենին», Վ. Սարդու— «Հայրենիք», Ա. Գուլակյան— «Գանձ», Պ. Պողոսյան— «Խավարի նաևկերում», Լ. Միքայելյան— «Վարագղատ», Մուրացան— «Որդիզան» և այլն: Ինչ խոսք, բեմադրությունների նման քանակի դեպքում դժվար է սպասել գեղարվեստորեն համարժեք ներ-

կայացումներ: Բայց և կարելի է հասկանալ պատճառը: Թատ-րոնում ուրիշ բեմադրիչ չկար, և Արտաշես Հովսեփյանն ստիպված էր կատարել երեք ուժիսորի նորմա: Սակայն դա չի նշանակում, թե թատրոնի գլխավոր ուժիսորը մտահոգված էր միայն «պլանների կատարումով» և նրան չէին հետաքրքրում գեղարվեստական որակի հարցերը: Այս ներկայացումների մեջ, անշուշտ, կային այնպիսիները, որոնք ոչ միայն կարելի էր պարզապես հաջողված համարել, այլս ինչ-ինչ կողմերով հարստացնում էին և՛ ուժիսորի, և՛ թատ-րոնի ստեղծագործական նկարագիրը: Նման ներկայացում-ներից սուածին ներթին պետք է հիշել Ժողովրդական բանաս-տեղն Սամեր Վուրդունի «Վագիֆը»— Ժողովրդա-ներո-սական դրամա, որ պատմում է իր ազատագրության համար ոտքի ելած ադրբեջանական ժողովրդի անցյալի մասին:

Սակայն, մինչև ներկայացման անցնելը, մի երկու խոսք Բաքվի Հայպետորամայի խաղացանկի առանձնահատկու-թյունների և այսուեղ Արտաշես Հովսեփյանի կատարած դերի մասին: Այս թատրոնը, նրա ղեկավարությունն ու կոլեկտիվը միշտ էլ ամենասերտ բարեկամական կապերի մեջ են եղել ադրբեջանական թատրոնի գործիչների հետ, որի արտա-հայտովայուններից մեկն էր ադրբեջանցի հեղինակների գոր-ծերի մշտական առկայությունը հայ թատրոնի խաղացան-կում: Ադրբեջանական դասական և ժամանակակից դրամա-տուրգների պիեսները պատահական հյուրեր չէին այսուղ, այլ, կարելի է ասել, կենական անհրաժեշտությամբ և միան-գամայն բնականորեն կողք-կողքի ապրող «դրացիներ», ինչպես հայ և ադրբեջանցի ընտանիքները Զ. Զարարլու «1905 թվականին» պիեսում: Այս, ինչպես նաև Մ. Իբրահի-մովի «Հայալ», Ա. Վուրդունի «Վագիֆ» և մյուս ադրբեջանցի

հեղինակների գործերի բեմադրությամբ հայ թատրոնը իր բեմում ամենից առաջ կենսագործում էր ժողովուրդների բարեկամության լենինյան գաղափարը, դառնում այդ գաղափարի ազդարարը՝ և՛ պատմական, և՛ ժամանակակից նյութի հիման վրա: Թատրոնի այս ուղղությունը ավելի հաստատում դարձավ այն բանից հետո, երբ Արտաշես Հովսեփյանը նշանակվեց գլխավոր ռեժիսոր: Եվ դարձալ ոչ պատահաբար: Թատրոնի գեղարվեստական դեկավարը, որ, ինչպես տեսանք, մասնուց հաղորդակցվել էր և՛ հայ, և՛ ադրբեջանցի հասարակ մարդկանց կյանքին, տեսել ու զգացել նրանց հոգսերի, ձգտումների ու երազանքների ընդհանուրությունը, չեր կարող այլ մոտեցում ունենալ ժողովուրդների բարեկամության խնդրին: Վերջինս նրա համար, գաղափար լինելուց առաջ, կոնկրետ իրականություն էր, հանապազորյա անհրաժեշտություն, որին նա հավատարիմ մնաց իր ամբողջ ստեղծագործության մեջ:

Այս ամենը մեծապես նպաստեց, որ «Վագիֆը» դառնա իրոք հուզիչ բեմական երկ, պատմականորեն հավաստի և ոռմանտիկական շնչով, վառ կերպարներով, դարաշրջանի նոլորիտով աչքի ընկնող ստեղծագործություն: Եղբայրական ժողովրդի անցյալի ու ներկայի, հոգեկանի և մտավորի խոր խմացության շնորհիվ ռեժիսորը հասել էր գործողության և խոսքի այնպիսի ճշմարիտ վերաբերման, փոխհարաբերությունների այնպիսի նորբ մշակման, որ ներկայացումը դարձել էր «զուտ ադրբեջանական» և՛ ամբողջի, և՛ մանրամասերի մեջ: Այս բանը շվրիակեց ամենից առաջ պիեսի հեղինակի՝ Սամեդ Վուրդումի աչքից: Բայց նա, ինարկե, չեր կարող անտեսել այն պարագան, որ դա հայ ռեժիսորի ստեղծած ադրբեջանական կյանք է: Հակառակ դեպքում ներկա-

յացումը չեր ունենա այս հետաքրքրությունը, գեղարվեստական արժեքն ու նշանակությունը, ինչ ունեցավ։ Նաև չեր հարուցի այս երախտագիտական զգացումը, որ մի ժողովրդի արվեստագետը կարող է ունենալ մի ուրիշ ժողովրդի արվեստագետի նկատմամբ։ «Խորին շնորհակալություն եմ հայունում Զեր աշխատանքի համար, որ կատարել եք՝ բեմադրելով իմ «Վագիֆ» պիեսը մեր հայկական թատրոնում,— գրում է Սամեր Վուրդունը Արտաշես Հովսեփյանին։— Ցանկանում եմ Զեզ ստեղծագործական հետագա հաջողություններ հայ թատերական արվեստի զարգացման գործում»։

Ռեժիսորի և թատրոնի ստեղծագործական այս հաջողությունը նշանակալից էր նաև այն բանով, որ հայ թատրոնը ադրբեջանական ժողովրդի կյանքը պատկերով իր ներկայացումը նվիրեց Ադրբեջանում սովետական կարգերի հաստատման քանամյակին:

Իր ազատասիրական մոտիվներով և հայրենասիրական զգացումներ հարուցելու միտումով թատրոնի խաղացածին հերոսական-ռոմանտիկական ուղղությանը համահնչուն էր Վ. Սարդոնի «Հայրենիք» պիեսը: Վերջինս համապատասխանում էր նաև ռեժիսորի գաղափարական-գեղարվեստական նախասիրություններին: Ռեժիսորը հետամուտ էր կարևոր մի հայտակի՝ մելոդրամայի բեմադրության մեջ հասնել այն հայտակի՝ մելոդրամայի բեմադրության մեջ հասնել այն բանին, որ դերասանները հրաժարվեն հետո մելոդրամաբանին, մակերեսային ու թերև խաղից, առավելագույնս ընդուհմից, մակերեսային ու թերև խաղից, առավելագույնս ընդուհմից պիեսի հերոսական կողմը, ռոմանտիկական ոգին: Գծելով պիեսի հերոսական կողմը, ռոմանտիկական Հայրավորին չափ ետին պլան մղելով մելոդրամատիկական եղանակով մշակված ընտանեկան դրաման, նաև աշխատեց կարառություն մշակված ընտանեկան դրաման, ինչ ֆուն է պիեսում՝ հիդեռլանդական դարձնել այն, ինչ ֆուն է պիեսում՝ հիդեռլանդական դարձնել այն, ինչ ֆուն է պիեսում՝ հիդեռլանդական դարձնել (16-րդ դար): Եթե նույնիսկ կան հեղափոխության դեպքերը (16-րդ դար):

այդ բանը շհաջողվեր ուժիսորին, հենց ձգտումը միայն բավական էր՝ նրա գաղափարական-գեղագիտական սկզբունքները որոշելու և արժեքավորելու համար: Սակայն, բարեբախտաբար, Արտաշես Հովսեփյանը կարողացավ հաղթահարել այդ դժվարագույն խնդիրը: Ներկայացումը նպատակային էր հենց նրանով, որ ճշմարտացի էին պատկերված հեղափոխական իրադարձությունները: Ամեն ինչ այստեղ ոռմանտիկական շնչով էր պարուրված, և սա՝ այն դեպքում, եթե դերասանական խաղը տարվում էր ունալիստական հիմքի վրա: Ռոմանտիկականի-ունալիստականի այս համադրությունը իր կատարյալ արտահայտությունը գտավ Ժասմենի դերակատարման մեջ, որի Դոլորեսը կանացիության և ներուսականության մարմնացումն էր, ներքին մեծ ուժով և արտաքին գուսավ ձևերով հատկանշվող տպավորիչ կերպար:

«Հայրենիքը» կարևոր աստիճան էր գաղափարական-ոճական բարդ խնդիրների լուծման ճանապարհին, որի շարունակությունը կարելի է համարել Արտաշես Հովսեփյանի մյուս բեմադրությունը՝ «Դավաճանությունը»:

Ա. Յուժին—Սումբատովի այս պիեսը անցյալում մեծ հաջողությամբ ներկայացվել էր ոռուսական բեմում, Երմոլովայի հոյակապ դերակատարմամբ (Զեյնար), և այս բանը հայտնի էր Արտաշես Հովսեփյանին: Նրան ծանոթ էր նաև պիեսի «հայկական կյանքը», առասպել դարձած այն բեմադրությունը, որը փայլել էին նայ բեմի մեծերը՝ Սիրանուշն ու Աբելյանը: Հասկանալի է, թե այդքանից հետո տակավին երիտասարդ ուժիսորը ներքին ինչպիսի դող պիտի ապրեր, պատասխանատվության ինչպիսի զգացում պիտի ունենար՝ ձեռնարկելով այդ բեմականորեն շահեկան, բայց և բեմականորեն բարդ ու դժվարին գործի մարմնավորմանը:

Սակայն երիտասարդները նաև համարձակ եւ լինում: Մանավանդ, երբ հստակ պատկերացնում եւ ձեռնարկի նպատակը:

Արտաշես Հովսեփյանը գիտեր, թե ինչու պետք է «Դաւաճանություն» բեմադրել և ոչ թե ուրիշ գործ: Այստեղ ևս ուժիսորին հրապուրում էր ոռմանտիկականի-ուալիստականի օրգանական համադրումը՝ բեմական վառ արտահայտչամիջոցներով, սրտին մոտ էին նաև պիեսի հայրենասիրական ոգին, սոցիալական-հասարակական պայթուը, նպատակամետ ուղղվածությունը: Արանց միասնության շնորհիվ միայն կարելի էր ժամանակակից հանդիսատեսին հաղորդել վրաց ժողովրդի պատմության խորհուրդը, հերոսական ոգին: Ի դեպ, այս պիեսի ընտրությունը մի երկրորդ, բայց ոչ երկրորդական, նպատակ էլ էր հետապնդում՝ թատրոնի գլխավոր ուժիսորը շարունակում էր հետևողականորեն իրագործել «հնտերենացիոնալ խաղացանկ» ստեղծելու իր քաղաքականությունը:

Այս բեմադրությամբ ուժիսորը ձգտում էր ստեղծագործական, նաև կազմակերպական, բարդ խնդիրներ լուծնել՝ պահպանել պիեսի կուռ կառուցվածքը, պատմական դրամալի ոճը և, ամենագլխավորը, ստեղծել խաղի ներդաշնակ, համաշախ ու լիարժեք անսամբլ: Վերջինս իր խոր պատճեն ունենալու հայտնի է, որ մինչ այդ, մասնավորապես հայ իրականության մեջ, «Դաւաճանության» գրեթե բոլոր բեմադրությունները հիմնված են եղել առանձին ականավոր դերասանների խաղի վրա, ամբողջ ուշադրությունը կենտրոնացված է եղել այս գլխավոր դերակատարների վրա, իսկ մյուսները սովորաբար մնացել են ստվերում: Հասկանալի է, որ նոր ժամանակների թատրոնը, ուժիսորական-անսամբլա-

լին թատրոնը պետք է շեղվեր նման մոտեցումից, մասնաւուն երբ բեմադրության հեղինակը ուժիսորական առաջավոր հայացքների, գեղագիտական նորագույն ըմբռնումների տեր արվեստագետ էր: Այն, որ Արտաշես Հովսեփյանը ձգտում էր դերասանական անսամբլի ներդաշնակության, ինքնակա խնդիր չեր նրա համար, այլ գաղափարական-գեղարվեստական բարձր մակարդակի հասնելու միակ ճշմարիտ ուղին: «Դավաճանություն» պիեսի նախկին բեմադրություններում իրենց հաջողությամբ աչքի են ընկել որոշ անհատներ,— ասում է ուժիսորը իր «Դիտողություններում», որ տպագրված է «Կոմունիստ» թերթի 1941 թվականի մարտի 24-ի համարում:— Իմ նպատակն է եղել ցույց տալ ողջ անսամբլի ստեղծագործական աշխատանքը, ապահովել պիեսում զբաղված բոլոր դերակատարների խանդի որակը»: Եվ սա մի գլխավոր նպատակ ունի՝ սովետական հանդիսատեսին ցույց տալ վրաց ժողովրդի ներոսությունն ու անվեհներությունը, ճշմարտապես վերաբարել ներոսների քաջարի տիպարները,— ժողովրդի ծոցից ելած մարդիկ, որոնք լի են վճռականությամբ ու խիզախությամբ, որոնք ելնում են օտարերկրյա զավթիչների դեմ, պայքարում հանուն հայրենիքի անկախության, հանուն ժողովրդի ազատության ու երշանկության:

Այս ամենն արդեն իրականություն էր դարձել ներկայացման մեջ: Մեժիսորն ու դերակատարները, իրենց բեմական ներոսների նման, փառավորապես ավարտեցին դժվարին ու ազնիվ գործը: Հասարակությունը, մամուլը շտապեց ողջունել ուժիսորի և ամբողջ կոլեկտիվի ստեղծագործական նոր հաղթանակը, խորապես ըմբռնելով վերջինիս բուն էությունը. այն, որ ուժիսորը, պիեսի նորովի ընթերցման շնորհիվ, կա-

բողացել է համահնչուն դարձնել մեր օրերին, խոսեցնել այսօրվա մարդու մտքի ու սրտի հետ: «Կոմունիստ» թերթի նույն համարում կարդում ենք. «Հեռավոր անցյալում օտարերկրյա ճիշճողների դեմ վրաց ժողովրդի մղած ազատագրական պայքարի պաթուը սովետական հանդիսատեսի գիտակցության մեջ բեկվում է արդեն սովետական պատրիոտիզմի տեսանկյունով: Եվ հետո դրանուն է «Դավաճանություն» պիեսի դաստիարակչական նշանակությունը... Ա. Հովսեփյանը միանգամայն ճիշտ է ընդգծում, որ վճռականը պիեսի գաղափարական նպատակալացության ըմբռնումն է, և պետք է նշել, որ այդ հիմնականի ըմբռնումն է առաջին հերթին ապահովել ներկա բեմադրության հաջողությունը»: Թատերախոս Հ. Ամիրխանյանի այս կարծիքը, որ «հավաքական» կարելի է համարել, գուցե ամենաբարձր գնահատականն է, որ հնարավոր է տալ պատմական թեմայի դիմող ժամանակակից ռեժիսորի աշխատանքին:

Նոր բեմադրության արժանիքներից մեկն էլ այն էր, որ փորձառու արտիստների՝ Ժամենա (Զեյնաբ), Ա. Հովհաննիսյանի (Օթար բեկ), Խ. Հարությունյանի (Սուլեյման խան), Ա. Արզումանյանի (Անահիա Գլախա) կողքին ռեժիսորը համարձակորեն հանդես էր բերել երիտասարդ դերասանների, որոնք միայն չեին կատարել նման պատասխանատու դերեր՝ Ն. Սահմանյան (Ռուբայա), Ա. Աղաբեկյան (Էրեկլե), Ա. Ղազարյան (Սուլեյման խան) և ուրիշներ:

«Դավաճանություն» ներկայացման առիթով «Բակինսկի ուսուոչի» թերթի (1941 թվի մարտի 28) թատերախոս Գ. Սարովչի ըստիսանովը գնահատում է ոչ միայն Արտաշես Հովսեփյանի կոնկրետ աշխատանքը, այլև հասնում է ընդհանրացման, կոնկրետ ռեժիսորի ամփոփ բնութագիրը: «Ներկայացման տալով ռեժիսորի ամփոփ բնութագիրը:

բեմադրիչ Ա. Հովսեփյանը Բաքվի ամենաօժտված և կոլ-  
տուրական ռեժիսորներից է: Ամենատարբեր ժամանակի պիես-  
ներում նա հավասարապես բազմազան է, իր բեմադրություն-  
ների մեջ է ներմուծում շատ ու շատ հետաքրքիր հնարանք-  
ներ: Այս հատկանիշներով հարուստ է նաև «Դավաճանու-  
թյուն» ներկայացումը»:

Արդեև կարելի էր ասել, որ հերոսական-հայրենասիրա-  
կան թեման հաստատում հիմք ունի թատրոնի խաղացան-  
կում: Բայց և այնպես, գլխավոր ռեժիսորը շարունակում էր  
իր որոնումները այս ուղղությամբ: Նա զգում էր հատկապես  
հայրենական դրամատորգիայի պակասը այստեղ, իսկ դա  
անհնարին էր թվում հայ թատրոնի գեղարվեստական դեկա-  
վարին: Ադրբեջանականը կար, վրացականը կար: Հայկա-  
կանը, պարզ է, պետք է լիներ: Դրանով կամքողջանար հե-  
րոսական-հայրենասիրական թեմատիկային նվիրված գոր-  
ծերի «երրորդությունը», որը նաև խորհրդանշական իմաստ  
ուներ անդրկովկայան ժողովուրդների բարեկամության ա-  
ռումով:

Եվ ահա Արտաշես Հովսեփյանի ընտրությունը կանգ ա-  
ռավ Մուրացանի «Ռուզան» պատմա-հայրենասիրական  
դրամայի վրա, որը պատկերված է հայ ժողովրդի, նրա նվիր-  
յալ զավակների պայքարը մոնղոլ զավթիչների և դավաճան  
հայ իշխանների դեմ: Ներկայացումն անասելի հաջողություն  
ունեցավ: Այդ են վկայում լրագրերի և հանդեսների բազմա-  
թիվ թատերախոսները: Հաջողությունը պայմանավորված էր,  
ամենից առաջ, ռեժիսորի լրջմիտ և բարեխիղճ աշխատան-  
քով: Արտաշես Հովսեփյանը կարողացել էր բեմական ինք-  
նատիս հնարանքներով ցույց տալ հայ ժողովրդի հերոսա-  
կան ու ազատառենչ ոգին, զարմանալի նորք գույներով

հաղորդել պատմական ժամանակաշրջանի կոլորիտը։ Չափազանց արտահայտիչ էին բեմավիճակները, խոսքն ու շարժումը՝ լի ներքին հոգականությամբ ու ոգեշունչ, բայց ոչ կեղծ սլայթետիկ։ Ռեժիսորը շատ լավ էր հասկացել, որ նման դրամատիկական նյութը շիճու կեցվածքների, զգայացունց պողթեկումների, փքուն խոսելակերպի տեղ կարող է թողնել, ուստի հենց սկզբից մեծ զգուշավորությամբ էր մոտեցել բեմական խոսքի ու շարժման դրսորմանը, աշխատել էր ամեն ինչ ներկայացնել անհրաժեշտ չափի մեջ, իհարկե, խուսափելով մյուս ծայրահեղությունից՝ զուսպ ձևերի անվան տակ ինչ-որ հյութազորկ ու չոր «լուծումներ» մատուցելուց։

Քննադատությունը նկատեց ռեժիսորական աշխատանքի այս դրական հատկանիշները և, բարձր գնահատելով ներկայացումն ամբողջությամբ, առանձնապես ընդգծեց բեմական իրավիճակների ճշմարտացիությունն ու փոխհարաբերությունների հավաստիությունը, որ հնարավոր է միայն այն դեպքում, եթե իրոք լիարյուն և կյանքային են բեմական կերպարները։

Այս ամենից կարելի է եզրակացնել, որ Արտաշես Հովսեսիյան արդեն ձեռք էր բերել ռեժիսորական որովն ու հստակ «ձեռագիր», արդեն հասել էր պրոֆեսիոնալ որոշակի վարպետության։ Երկու տարվա ընթացքում, գլխավոր ռեժիսորի լարված աշխատանքի և թատրոնի գեղարվեստական դեկանական պարտքի գիտակցության պայմաններում, նա կտրեց-անցավ մի ճանապարհ, որի համար մի որիշ դեպքում երկար տարիներ կպահանջվեին։ Իր խիստ նպատակային ներկայացումներով նա ասես շտապում էր ավելի ու ավելի լայն ընդգրկումով ու խորությամբ հայրենասիրական զգացումներ դաստիարակել, բնավորություններ կոփել՝ ասես

կանխազգալով դրա անհրաժեշտությունը շատ մոտ ապացայում:

Եվ ահա սկսվեց Հայրենական մեծ պատերազմը: Թատրունի գլխավոր ռեժիսորն այս չեր կարող բավարարվել ունեցածով, և նա, կոլեկտիվի լիակատար օժանդակությամբ, թատրոնի խաղացանկը գրեթե ամբողջությամբ փոխադրեց հայրենասիրական թեմատիկայի վրա: Նա գիտեր, որ այժմ արդեն նման երկերը կարող են հուզել ու հետաքրքրել հանդիսատեսին, որ վերջինս բոցաշունչ խոսք է ուզում լսել բեմից, այնպիսի խոսք, որ հերոսական գործեր և անձնուրաց աշխատանք է ծնում:

Իհարկե, սա ենթադրում է նաև ներկայացումների գեղարվեստական մակարդակի որոշ անտեսում, որից զերծ չեր կարող մնալ նաև թատրոնի գլխավոր ռեժիսորը: Պատերազմական լարված իրադրությունն իր տեսպերն էր առաջարկում, թատրոնի մարդիկ աշխատում էին քափ ու քրտինք մտած, ինչպես բանվորը հաստոցի մոտ, ինչպես կոլտնտեսականը դաշտում: Նույն մեծ նպատակին ծառայելու գիտակցությունը ինչ-որ տեղ հավասարության նշան էր դնում տարբեր մասնագիտությունների տեր մարդկանց աշխատանքի միջև: Ռեժիսորը, դերասանը, ամբողջ թատրոնը հայրենիքի պաշտպանության էր նվիրաբերում ուժերը իսկական զինվորի նման: Պիեսի վրա երկար, մանրակրկիտ աշխատելու հնարավորություն չկար: Փորձերը լինում էին կարճառուն: Հանդիսատեսն անհամբեր սպասում էր նոր ներկայացման վարագույրի բացվելուն, ներկայացում, որ անպայման իր օրերից, դեպքերից, իր սրտից պիտի խոսեր: Նման պայմաններում, եթե, այնուհանդերձ, պահպանվում էր գեղարվեստական որոշակի մակարդակ, էլի մեծ բան էր: Իսկական

արվեստագետը չէր կարող չճգտել դրան, նույնիսկ ավելի բարձրին, քանի որ վսեմ գաղափարները հանդիսատեսին կարելի էր հասցնել միայն ճշմարիտ արվեստի միջոցներով:

Ահա թե ինչու ուժիսորը առաջին պլան էր բերել իրենց

մեջ ընդհանրացման մեծ ուժ ունեցող անհատների պայքարը, ետին պլան մղելով այն, ինչ կարող էր առավել կարևորվել մի ուրիշ դեպքում և մի ուրիշ ռեժիսորի մեկնաբանության մեջ՝ ներկայացման, այսպես կոչված, պատմական շրջանակը: Բայց ոչ պատմական ոգին, դարաշրջանի ոգին, որը, անցնելով անհատների կրթերի ու ապրումների բովով, արտահայտվում էր ավելի ցայտուն ու տպավորիչ, ավելի ժամանակակից հնաշողություն ստանում:

Այս բեմադրության վրա ռեժիսորն ու թատրոնի աշխատեցին մեծ հոգումով: Չէ՞ որ բեմում հավերժացվում էր ոչ միայն միջնադարյան խոշորագույն բանաստեղծներից մեկի, այլև նրա մասին գրող բանաստեղծի՝ Թալթով Հուրյանի հիշատակը, որը հերոսաբար ընկել էր մարտում ընդամենը մի քանի ամիս առաջ: Եվ ասես բեմում միահյուսվում էին այդ երկու կերպարները, դառնում միաձույլ ամբողջություն, ընդհանրացված ճակատագիր, հայրենիքին ու ժողովրդին կյանքը նվիրաբերելու վեհ խորհուրդ, որ ընդհանրական է ու արդիական բոլոր ժամանակներում:

Սակայն միակողմանի կլինի ռեժիսորի և թատրոնի ստեղծագործության պատերազմական այս շրջանը ներկայացնել միայն հերոսական-հայրենասիրական թեմատիկայով: Սրա հետ մեկտեղ, ժամանակը պահանջում էր կենսասիրական լիցք, առողջ ծիծաղ, որ լուսի հավատի և սեփական ուժերի նկատմամբ վստահության արտահայտություն էր, նույնաբան կարևոր, որքան բեմից հնաշող հայրենասիրական ոգեշունչ խոսքը:

Այս պահանջի իրագործումը եղավ Հ. Պարոնյանի «Ատամնաբույժն արևելյան» կատակերգության բեմադրությունը 1943-ին: Արտաշես Հովսեփյանի նոր աշխատանքը հետմ-



Ա. Փափազյանի նետ




– Գեղարվեստական խորհրդի նիստի ժամանակ. 1958  
Լենինականի պետական թատրոն






Ս. Հարուրյանցիան, Ա. Հովսեփյան, Ա. Ավետիսյան. 1966





«Միլիոնատիրութին» տեսարան.  
Կ. Սոանիսլավսկու անվան ոռոտական քառորդն



բըրքիր էր նրանով, որ այստեղ ուժիսորը մեծ հնարամտություն էր ցուցաբերել տիպական հանգամանքներում պոլսահայոց կերպարային պատոկերաշար ստեղծելիս: Ռեալիստական հետք ունեցող ներկայացում էր դա, զվարյա ու կենսախինդ, կոմիկականի անակնկալ բոնկումներով: Այս հասկանիշների շնորհիվ ներկայացումը սիրով ընդունվեց թատերասեր հասարակայնության կողմից: Գուցե նաև այն սխառանով, որ կարծես «Ատամնաբույժը» ծանր ժամանակակիցին հրաժեշտ տալու իմաստ ուներ, ասես նրա մեջ կային ոչ հեռավոր խաղաղ ապագայի նախանշանները:

Պատերազմն ավարտվեց հաղթանակով: Հիմա արդեմ  
կարելի էր մտածել անցյալի ստիպողական կորուստները,  
գեղարվեստական մակարդակի կորուստները վերագրելու  
մասին: Թատրոնի ստեղծագործական կյանքը խաղաղ և ա-  
վելի արգասավոր հուն մտավ: Այստեղ արդեմ սկսեցին մտա-  
ծել գեղարվեստական այնպիսի խնդիրների մասին, որոնց  
լուծումն անհնարին էր մեկ-երկու տարի տաշ:

1946-ին հայտարարվեց սովետական բեմում ոռու դա-  
սական դրամատորգիայի համամիութենական ստուգատես:  
Թատրոնն իր խաղացանկը մտցրեց Ա.. Օստրովսկու «Անմեղ  
մեղավորները», Կրոչինինայի դերը հանձնարելով Ժա-  
մենին: Թե ինչպիսի հաջողություն ունեցավ Արտաշես Հով-  
սեփյանի բեմադրած այս ներկայացումը, ինչպիսի հոյական  
խաղ ցուցադրեց Վարպետ դերասանութիւն գլխավոր հերո-  
սումունքում՝ հայտնի է ամենքին մամուլի բազմաթիվ նյու-  
թերից և ականատեսների հուշերից: Տողերին հեղինակը նույն-  
պես այդ ականատեսներից է: Լինելով Բարվում ոռու դասա-  
պետ այդ ականատեսներից է: Կոմիտասի անդրկովկայան կոն-  
կան դրամատորգիայի ստուգատեսի անդրկովկայան կոն-

յացումը և համոզվելու, թե ինչ վարպետություն է հանդես բերել ոեժիսորը՝ ստեղծելով դրամատիկական ճշմարիտ հրա-  
շողություն և ոեալիստական խորք ունեցող նման մի գործ:  
Ի տարբերություն մի շարք ուրիշ ոեժիսորների, Արտաշես  
Հովսեփյանը «Անմեղ մեղավորները» դիտել էր ոչ թե որպես  
մելոդրամա, այլ ճշմարտապատում մի պատմություն ոու  
ազնիվ կնոջ ճակատագրի մասին, տաղանդավոր դերասա-  
նուհու և տառապյալ մոր մասին, որ իր կորած զավակին է  
փետրում, ստիպված ապրում ամոթն ու խիղճը կորցրած  
մարդկանց մեջ, բայց և նողկանքով մերժում նրանց բարոյա-  
կանությունը և մինչև վերջ մարդ մնում:

Պիեսի նման մեկնաբանությունը, նրա գաղափարական  
և գեղարվեստական ճիշտ բացահայտումը հնարավորություն  
լուծեուցին ստեղծելու իսկական դրամատիզմով, մարդկային  
խոր ապրումներով հագեցած ներկայացում, որի գերագույն  
շարժիչ ուժերը բեմական հոյակապ անձնավորումներն էին:  
Մասնավորապես Ժասմենի Կրուչինինան, որն արժանացավ,  
եթե կարելի է ասել, համամիտութենական գնահատության:  
Անկեղծ, անմիջական, ոգեշունչ խաղ, դրամատիզմ, հուզա-  
կանություն, հզոր տեմպերամենտ, անհատնում կիրք, մո-  
նումնենտալ վեհություն... Այս մասին գրեցին շատերը՝ և՛ ժա-  
մանակին, և՛ նետո, գրեց նշանավոր ոու թատերագետ Օ.  
Օլիդորը իր «Պայքար հանուն բեմական ոեալիզմի» գրքում:  
Չմոռացան նաև ընդգծել ոեժիսոր Արտաշես Հովսեփյանի  
մեծ դերը ինչպես ամբողջ ներկայացման հաջողության, այն-  
պես Էլ այս բեմական կերպարի ստեղծման մեջ:

Նման համընդհանուր ճանաչումն ու գնահատությունը  
չեին կարող չթևավորել թատրոնի գլխավոր ոեժիսորին: Բայց  
նա, որ ամենից առաջ իրեն բեմարվեստի մշակ էր համարում,

ներքին հապարտություններ ու խանդավառություննը կարողանում էր «հավասարակշռել» ամենօրյա աշխատանքով: Այժմ էլ, ինչպես Բաբվի թատրոնը ուտք դնելու առաջին տարիներին, բուն ու դադար չուներ: Չկար թատրոնի հետ կապված որևէ խնդիր, որ չմտահոգեր նրան, մտահոգելուց անմիջապես հետո շուտափույթ իրագործման չմղեր: Իսկ խնդիրները, պրոբլեմ-ները շատ-շատ էին: Սկսած դերասանների հետ ուղղակի մասնավարժական աշխատանք տանելուց մինչև բուտաֆորի հետ միասին բեմական այս կամ այն պիտույքով զբաղվելը: Բեմի բանվորի մասնագիտական որակը բարձրացնելու մտահոգությունից մինչև ժամանակակից ինքնուրույն դրամատորգիա ստեղծելու կարևորագույն խնդիրը: Տեղի դրամատորգներից ում առեւ չեր օգնում նա, և օգնում էր ոչ թե սուկ խորհուրդներով, այլ գրեթե նրանց հավասար աշխատում դրամատորգիական «հումույթի» վրա: Արտաշես Հովսեփյանին, իրենց նշանակալից հաջողությունների համար, շատ բանով են պարտական դրամատիկական ժամանում փորձեր անող համարյա բոլոր այդ գրողները՝ Թ. Հովհանն, Ա. Դարբնի, Ա. Բարսեղյան, Վ. Աղասյան, Ա. Գրիգորյան, Մ. Հարությունյան...

ոչ այնքան բարենպաստ պայմանների մասին: Բայց և այնպէս, ստեղծագործելու տեսդով բոնված ռեժիսորին այս վերջին շրջանում ևս հաջողվեց ստեղծել մի շարք հետաքրքիր ներկայացումներ, որ նրա ազնվացած տաղանդի ու վարպետության վկայությունը եղան:

Հոկտեմբերյան սոցիալիստական մեծ հեղափոխության 30-ամյակին թատրոնը պատրաստեց Ա. Ֆադեևի «Երիտասարդ գվարդիան»: Ընտրությունն արդեն ինքնարտինքյան խոսում է թատրոնի ձգտման և նպատակի մասին՝ իր ավանդը ներդնել ժամանակակից երիտասարդության կոմունիստական դաստիարակության գործում, ճշմարիտ հայրենասիրականի և հերոսականի օրինակով ձևավորել մատաղ սերնդի քնավորությունը: Մանավանդ որ պիեսի հերոսները նոյնական երիտասարդներ էին, նյութը՝ ոչ հեռավոր անցյալից՝ Հայրենական պատերազմի օրերից: Եվ ահա քեմում հայտնվում էին մեկը մյուսից ամբողջական և հոգիչ կերպարներ՝ պատահիների և աղջիկների կերպարներ, խորապես տպավորվում իրենց անմիջականությամբ, հայրենասիրական խորով ու գործով, իրենց անմնացորդ անձնազոհությամբ: Ռեժիսորը խիստ կարևոր էր համարել նաև ցույց տալ, որ թշնամու դեմ այս տաճակեր ու հանդուգն պայքարը, այնուհանդերձ, հախուռ ու տարերային չէր, այլ դեկավարվում էր պարտիայի ներկայացուցիչների կողմից: Ռեժիսորը մեծ ուշադրություն էր դարձրել նաև այս սերնդի մարդկանց կերպարների վրա, համատեղ պայքարը ցույց տալով պատմական ամբողջ ճշմարտացիությամբ:

Ներկայացումն իրոք անմիջական ներգործություն ունեցավ հանդիսատեսի վրա՝ գաղափարապես նպատակային էր, գեղարվեստորեն՝ լիարժեք, նվիրական մտքեր ու գգաց-

մունքներ էր ծնում, կոչում հերոսական նոր գործերի: Առանձնապես նշանակալից էր ուժիուրի աշխատանքը դերակատարների հետ: Նա հասել էր այն բանին, որ դերակատարներից յուրաքանչյուրը ինքն իր համար պարզել էր սեփական արարքների ներքին պատճառաբանությունը, ուստի ամեն ինչ բեմում բնական էր, գործողությունը՝ սրբնաց, բայց ոչ խուճապային, խոսքն ու շարժումը՝ ոգեշունչ, բայց ոչ կեղծպալթետիկ: Այս իմաստով աչքի էին ընկնում գրեթե բոլոր դերակատարները՝ Ալ. Հովհաննիսյան (Վալեն), Ա. Արզումանյան (Շուկա), Ա. Բաղալյան (Կոշևոյ), Մ. Խեցումյան (Տյուլենին), Ա. Ղալթախչյան (Զեմսուխով), Թ. Սահակյան (Շեղովս) և ուրիշներ:

Արտաշես Հովսեփյանը լավ էր հասկացել, որ թեման արդեն իր հուզական մեծ լիցքով, առանց արտաքին էֆեկտների, կարող է վիթխարի ներգործություն ունենալ հանդիսատեսի վրա: Ուստի այս ողբերգական և միաժամանակ լավատեսական երկի գաղափարական բովանդակությունը բացահայտելիս նա ձգտել էր առավելագույն բնականության ու պարզության, որպեսզի արտաքինապես ամեն ինչ հասարակ երևա, զույգյան, որպեսզի արտաքինապես ամեն ինչ հասարակ երևա, հարաբերությունների լարված մթնոլորտում:

Ահա խստաշունչ և հանդիսավոր լոռության մեջ երդվում են երիտգվարդիականները, և հանդիսատեսի առջև հառնում են երիտգվարդիականները, մոնումենտալ ֆիգուրները՝ ժողովրդական վրիժառուների մոնումենտալ ֆիգուրները՝ նրա սիրտը լցնելով անառելի հպարտությամբ: Կամ, ահա, նրա սիրտը լցնելով անառելի հպարտությամբ: Կամ, ահա, պարզ ու հանգիստ իրար հրաժեշտ են տալիս Անդրեյ Վալեն-պարզ ու հանգիստ իրար հրաժեշտ են տալիս Անդրեյ Վալեն-

Ասես մահվան չեն գտնում, այլ բաժանվում են մի կարճ ժամանակով: Բայց դա թվում է արտաքնապես, միևնույն հենց այդ պահին է լարվածությունը հասնում գագաթնակետին: Եվ հենց զուսպ ձևի մեջ է ահագնանում ներքին դրամատիզմը, տղամարդկային վերջին ձեռքսեղմումի և համբույրի մեջ: Միայն նրանց աշքերից, հայացքից կարելի է գուշակել այդ հուզումը, բայց այնտեղ նաև կամային վիթխարի ուժ կա: Նրանք գիտեն, թե ինչի համար են մեռնում, և այդ բարձր գիտակցությունը, պահի դրամատիկական մեծ լիցքի շնորհիվ, հաղորդվում է նաև հանդիսարանին, ստիպում քար լոռության մեջ խորհել հայրենիքի մասին, նրա անձնութեր զավակների մասին, խորապես զգալ ու ըմբռնել հայրենասիրության վսեմ խորհուրդը:

Այսպիսի հուզիչ տեսարաններ շատ կային ներկայացման մեջ, և ուժիսորը, ցույց տալով երիտասարդ գվարդիականների, կոմունիստական ընդհատակի ավագ ներկայացուցիչների պայքարն ու մահը, դրանով իսկ ավելի ցայտուն էր ի հայտ բերում սովետական մարդկանց, ամբողջ ժողովրդի անընկերի ոգին, շեշտում թշնամու դեմ հաղթանակի անխուսափելիությունը:

Այս շրջանի լավագույն գործերից էին նաև Շիրվանզադեի «Եվգինե», Արամ և Աշոտ Պապայանների «Մեծ հարսանիք» պիեսների բեմադրությունները: Առաջինը հայ դասական դրամատորգիան «պեղելու» ձգտման վառ արտահայտություն էր, ձգտում, որ երբեք չեր մարում Արտաշես Հովսեփյանի մեջ: Գեղարվեստական հավաքվածությամբ, նպատակամետ գաղափարներով և բեմական լիարժեք կերպարներով հատկանշվող «Եվգինե» ներկայացումը վկայությունը եղավ այն բանի, թե որքան էր խորացել Արտաշես Հովսեփյանի աշ-

խատանքը դասականի վրա, թե նա ինչ հմտությամբ էր կարողանում այդ երկերից կորզել ժամանակակից հանդիսատեսի համար ճանաչողական և գաղափարական արժեքը պահպանած կենսանյութը:

Ուրիշ բնույթի էր մյուս՝ «Մեծ հարսանիք» հերկայացումը: Այստեղ ուժինորն ուշադրությունը կենտրոնացրել էր ոչ միայն կոմիկական իրավիճակները բացահայտելու և սրամիտ երկխոսությունները շեշտելու վրա, այլև ձգտել էր ցուց տալ կատակերգության «լուրջ» կողմը՝ այսօրվա մարդկանց բնավորությունը, բարձր զգացումները, ազնվության և հավատարմության անհրաժեշտությունը նրանց փոխհարաբերություններում: Իհարկե, այս ամենը ևս չափի մեջ էր և հերկայացումը չէր շեղում ժանրից, հերկայացում, որ «ուժինորական սրամիտ գյուտերը, հաջող խաղացված կոմիկական դրվագները հենց սկզբից ստեղծում են անբռնազբու զվարճանքի մթնոլորտ» («Բակինակի ռաբոչի», 1948, № 91):

Տասներկուամյա լարված աշխատանքը բարվի հայպետդրամայում, չորս տասնյակից ավելի բեմադրությունները, վարպետության անընդմեջ աճը նպաստեցին, որ Արտաշեանովսեանը իրավացիորեն հայ սովետական առաջարար ուժինորների շարքը դասվի: Իր գործունեության մեջ խստին պաշտպանելով ուսումնական սկզբունքները թատերական արվեստում, նա նոյն վարպետությամբ բեմադրեց ինչպես սովետական հեղինակների, այնպես էլ հայ, ոուս, արևմտաեվրոպական դասականների գործերը: Այս տարիներին հատկապես լիովին դրսնորվեց դերասանների հետ աշխատելու նրա ուսակությունը: Այստեղ արդեն նա փորձաշխատելու նրա ուսակությունը: Այստեղ արդեն նա փորձանու մասնավարժ էր և զգայուն դաստիարակ, որ միաժամանակ մասնակարգ էր և զգայուն դաստիարակ, որ միաժամանակ մասնակարգ էր և արժեքավորում էր մասնակի փոխադարձարար հասկանում և արժեքավորում էր մասնակի փոխադարձարար հասկանում և արժեքավորում էր

դերասանների կարծիքները իրենց այս կամ այն անձնավորումների վերաբերյալ։ Արտաշես Հովսեփյանի մանկավարժական ուսակությունները դրսորվեցին ոչ միայն թատրոնում։ իր հիմնական աշխատանքին զուգահեռ, նաև դասավանդում էր Մ. Ֆ. Ախունդովի անվան ադրբեջանական պետական թատերական ուսումնարանի հայկական բաժանմունքում, որ նա հաջողությամբ բեմադրեց Մոլիերի «Սկապենի արարքները», Շիրվանզադեի «Պատվի համար» դրաման՝ նոր ուժեր պատրաստելով հայ թատրոնի համար։ Արտաշես Հովսեփյանի գործունեության այս կողմի մասին խոսելիս ավելորդ չի լինի ավելացնել, որ նրա բեմական սաներից շատերը հետագայում պատվավոր կոչումների արժանացան թատերական արվեստում։

1949-ին դադարեց գործել Բաքվի հայ թատրոնը, և Արտաշես Հովսեփյանը եկավ Հայաստան։ Ետևում մնաց ոեժիսորական գործունեության մի ամբողջ շրջան։ Նորը պիտի սկսվեր Հայաստանում։ Բայց թե որ քաղաքում, որ թատրոնում, դեռ անհայտ էր նրան...»

## ՍՏԵՂԾԱԳՈՐԾԱԿԱՆ ՈՒՂԻՆ ՇԱՐՈՒՆԱՎՈՒՄ Է...

Այնպես պատահեց, որ երկարամյա վաստակ ու փորձ ունեցող ոեժիսորին նոր տեղում իսկույն չճշանակեցին համապատասխան աշխատանքի։ Ակգրում Արտաշես Հովսեփյանը Հայկական թատերական ընկերության հանձնարարությամբ մեկնեց հանրապետության տարբեր կողմերը՝ շրջանալին թատրոններին ստեղծագործական օգնություն ցույց տալու։ Խորհուրդներով աջակցում էր ոեժիսորներին ու դերասաններին, զեկուցումներ կարդում թատերական արվեստի

զանազան հարցերի վերաբերյալ, հաղորդում նրանց իր հարուստ փորձը:

Յոյթ ամիս անց Արտաշես Հովսեփյանը ճշանակվեց Հայ-  
ֆիլիարմոնիայի դիրեկտոր և այստեղ աշխատեց մեկուկես  
տարի, փաստորեն այդ ժամանակամիջոցում կտրված մնա-  
լով թատրոնից, եթե չհաշվենք նրա մի բեմադրությունը Երև-  
անի Կ. Ստանիսլավսկու անվան ռուսական թատրոնում:

Առանձին հոգմունքով ևս ձեռնամուխ եղավ երևանյան  
իր անդրանիկ բեմադրությանը: Չէ՞ որ, ըստ Էության, մայ-  
ուսաբաղաքի հանդիսատեսը ծանոթ չէր ուժիսոր Արտաշե-  
Հովսեսիյանին, պատկերացում չուներ նրա ստեղծագործա-  
կան հնարավորությունների, թատերական արվեստում նրա  
անցած հաջող ու արգասավոր ուղու մասին: Իսկ ինչ վերա-  
բերում է Բաբվի հայպետդրամայի երևանյան հյուրախաղե-  
րին, ապա այնքան ժամանակ էր անցել, որ հազիվ թե որևէ  
մեկը հիշեր այդ ներկայացումները:

բագետ Ս. Ռիզանը «Գրական թերթում» (1949 թ., օգոստոսի 10): Այնուհետև, բարձր գևահատելով դերակատարների՝ Ն. Կեմարսկայայի, Գ. Գեևի, Ե. Կովճեցովայի, Վ. Վորոնցովայի, Ա. Բրավիչի և մյուսների լիարյուն ու հավաստի անձնավորումները, քննադատն այսպես է եզրափակում իր խոսքը բեմադրության մասին. «Աղբեջանական ՍՍՀ արվեստի վաստակավոր գործիչ Ա. Հովսեփյանը այս բեմադրությամբ առաջին անգամ հանդես գալով մեր հանրապետությունում՝ դրսնորեց իրեն իբրև շնորհալի, հմուտ արվեստագետ: Բեմադրողը կարողացել է ճիշտ և տպավորիչ կերպով բեմական մարմնացում տալ պիեսին»:

Սակայն սկզբնական շրջանում «շնորհալի և հմուտ» ռեժիսոր Արտաշես Հովսեփյանը, մեղմ ասած, հնարավորություն չունեցավ գործադրելու իր շնորհքն ու հմտությունը, և ահա նա երկու տարով մեկնեց Ստեփանակերտ՝ ընդունելով Մ. Գորկու անվան թատրոնում որպես դիրեկտոր և գլխավոր ռեժիսոր աշխատելու առաջարկը: Երկու թատերաշրջանում, ինչպես նաև տարբեր տարիների, Արտաշես Հովսեփյանն այս թատրոնում բեմադրեց տասը պիես՝ Զ. Զաքարյան «Ալմասը», Լ. Միքայելյանի «Վարագդատը», Ա. Աֆինոգենովի «Մաշենկան», Զ. Ֆլետչերի «Ինչպես կառավարել կնոջը» և այլն:

Չեռնարկելով Հ. Պարոնյանի «Պաղտասար աղբարի» բեմադրությանը, ռեժիսորը նպատակ ուներ ստեղծել այնպիսի ներկայացում, որը մերկացներ և՛ պոլսահայ մեծատունների շրջանակը՝ նրա կեղծ բարոյականությամբ, և՛, մասնավոր, տեղական «արդարադատությունը», որ բուրժուական օրենսդրության մի մասն էր՝ նույնան կողմնակայ, վաճառված

դրամի իշխանությանը, հանուն շահի ամեն ազնիվ ու արդար իրավունք ունենարող:

Ռեժիսորը ներկայացման մեջ հասել էր իր այս նպատակին, կարողացել էր ցայտուն կերպով ցույց տալ դատաստանական խորհրդի վճռի և իրական փաստերի զավեշտական ու տխուր անհամապատասխանությունը: Ֆինալում, օրինակ, երբ Պաղտասարը նկատում է գրկախառնված Անուշին ու Կիպարին, ռեժիսորը որպես «վկա» հանդես էր քերել նաև դատաստանական խորհրդի անդամներին, որոնք լուր դիտում են քիչ առաջ իրենց իսկ արդարացրած «սիրահարներին»:

Ռեժիսորական լուրջ մեկնաբանության, հեղինակի հղացման մեջ խոր թափանցելու, սոցիալական ու գեղարվեստական լայն կատեգորիաներով մտածելու և յուրաքանչյուր դերակատարի հետ մասնակրկիտ աշխատելու շնորհիվ Արտաշես Հովսեփյանը ստեղծեց մի ներկայացում, որը երկար մնաց թատրոնի խաղացանկում՝ միշտ ել արժանանալով հանդիսատեսի ջերմ վերաբերմունքին:

Բայց և այնպես, Կ. Ստանիսլավսկու անվան թատրոնի «Առանձնատունը նրբանցքում» բեմադրությունը անհշմար չըմնաց հայ թատրոնի գործիչների համար: 1953-ին, երբ հարց նագեց, թե ում կարելի է հրավիրել Լենինականի Ա. Մուլյանի անվան թատրոն՝ Ա. Յակոբսոնի «Ծուագալերը» բեմադրելու, բենտրությունը կանգ առավ Արտաշես Հովսեփյանի վրա, վերջնարությունը կանգ առավ Արտաշես Հովսեփյան եկավ այդ մի հատիկ զինս Ստեփանակերտից Լենինական եկավ այդ մի հատիկ բեմադրության համար և այնուղ մնաց յոթ տարի, որպես բեմադրության համար և այնուղ մնաց յոթ տարի, որպես թատրոնի գլխավոր ռեժիսոր, իսկ որոշ ժամանակ անց՝ նաև դերեկետոր:

Բայց մինչ այդ «ճակատագրական» ներկայացմանն անցնել-

լը, մի երկու խոսք Լենինականի Ա. Մուտլյանի անվան թատրոնի մասին: Վերջինս, ինչպես հայտնի է, փառավոր անցյալ էր ուսեցել, և ներկան էլ պակաս փառավոր չէր, նրա ներկայացումները միշտ էլ ընդունվել են մեծ հետաքրքրությամբ ու սիրով, շնորհիվ իրենց գաղափարական ու գեղարվեստական բարձր արժանիքների, ուժիության ու դերասանական հոյակապ աշխատանքի: Այս բեմում են ստեղծագործել Ա. Արմենյանը, Ե. Դուրյան-Արմենյանը, Ց. Ամերիկյանը, Լ. Չոհրաբյանը, Ա. Ասրյանը, Գ. Հարությունյանը, Ժ. Էլոյանը, Վ. Վարդերեալյանը, Ա. Հարությունյանը, Մ. Մկրտչյանը, այժմ էլ այնուեղ ստեղծագործում են այնպիսի վարպետներ, ինչպիսիք են Ա. Արզումանյանը, Ա. Փաշալյանը, Ժ. Թովմանյանը և որիշներ:

Եվ այս բանում, որ Լենինականի թատրոնը առաջատար էրից մեկը դարձավ Հայաստանում և իր ներկայացումներով սկսեց հաջողությամբ մրցել Սունդուկյանի անվան թատրոնի հետ, ամենից առաջ մեծ ծառայություն ունի Վարդան Աճեմյանը՝ սովետական ուժիության ամենաականավոր ներկայացուցիչներից մեկը, որը երկար տարիներ ղեկավարել էր այդ կոլեկտիվը, բեմադրել բազմաթիվ առաջնակարգ ներկայացումներ, դաստիարակել բեմի հոյակապ վարպետների մի ամբողջ բույլ: Այսուեղից նրա հեռանալուց հետո նույնիսկ թատրոնում մնացին ականավոր ուժիություն ավանդները: Ուստի ոչ բոլոր ուժիությունները կարող էին լիովին բավարարել այդ ավանդներով դաստիարակված կոլեկտիվի պահանջները, առավել ևս՝ գրավել նրա տեղը թատրոնում:

Այս ամենի մասին խոսք եղավ սոսկ մի նպատակով՝ ցույց տալու համար այս դժվարությունները, որ կանգնեցին Արտաշես Հովսեփյանի առաջ: Նա պետք է նվաճեր թատրո-

նի ստեղծագործական կազմի վստահությունը, իսկ այդ բանը կարելի էր անել ոչ յեն խոսքով, այլ գործով։ Համոզիչ, վստահություն ներշնչվող բարձրարվեստ գործով։ Այդպիսինը եղավ Արտաշես Հովսեփյանի առաջին իսկ բեմադրությունը Լենինականի թատրոնում։ Բայց խոսքը տաճք ներկայացման ականատես Ա. Արշարունուն, որը հանգամանալից թատերախոսական ունի «Գրական թերթում» (1953 թ., նոյեմբերի 18):

«Պետք է նշել,— գրում է նա,— որ մեծ արժանիքներ է հանդես բերել բեմադրող, արվեստի վաստակավոր գործիչ, ուժիսոր Արտ. Հովսեփյանը։ Բեմադրող ուժիսորն ու թատրոնի ստեղծագործական կոլեկտիվը կարողացել են ճիշտ հասկանալ պիեսի սատիրական բնույթը, առանց էժանագին տրյուկների ու չափազանցությունների և պահպանելով չափի զգացումը, տալ ունալիստական ներկայացում։

Բեմադրության հաջող կողմերից մեկը պետք է համարել դերերի ճիշտ բաշխումը։ Մեծիսորն ամենայն խստությամբ և բախսությամբ է մոտեցել դերակատարների ընտրությանը... «Ծնագայլերի» բեմադրությունը Լենինականի պետական թատրոնում ունի անսամբլի բոլոր հատկությունները, և կան թատրոնում ունի անսամբլի բոլոր հատկությունները, և այդ հանգամանքը բեմադրությունը դարձնում է արտահայտիչ, միասնական և կուու։

.... Լենինականի հասարակայնությունը «Ծնագայլեր» պիեսի բեմադրության ժամանակ արժանի ուշադրություն և հետաքրքրություն հանդես բերեց դեպի թատերական կոլեկտիվի աշխատանքը։ Դա բեմադրության հաջողության լավագույն գրավականն է»։

Այս գևահատությանը պետք է ավելացնել նաև, որ ուժիսորին հաջողվել էր ստեղծել հետաքրքիր բեմավիճակներ,

կենդանի շփում դերակատարների միջև, կարողացել էր խելացիորեն օգտագործել բեմական տարածությունը:

Եթե խոսում ենք ոեժիսորի վարպետության մասին, միշտ էլ ամենից առաջ նկատի ունենք այդ վարպետության արդյունքը դերասանական կատարման մեջ, վերջինիս որոշակի դրսևորման մեջ: Այս առումով ևս նշանակալից էր «Շնագայլեր» ներկայացումը: Հարկ չհամարելով թվարկել դերակատարների անունները, ուզում ենք նկատել, որ նրանցից յուրաքանչյուրի ստեղծած բեմական կերպարը տիպական էր, խրապես ճշմարտացի ու ամբողջական: Նույն է վկայում Ռ. Մադոյանը «Բանվոր» թերթում տպագրած իր թատերախոսականում, որ, բնականաբար, մեծ տեղ է տրված նաև ոեժիսորական աշխատանքի գնահատությանը:

Այս բեմադրությունից հետո էր, որ Արտաշես Հովսեսիյանը, թատրոնի կոլեկտիվի պահանջով, նշանակվեց Լենինականի Ա. Մոնավանի անվան թատրոնի գլխավոր ոեժիսոր, յոթ տարվա ընթացքում բեմադրեց երկու տասնյակ պիես, թատրոնի հետ միասին 1956-ին մասնակցեց հայ գրականության և արվեստի մուկովյան տասնօրյակին՝ իր աշխատանքի համար արժանանալով մայրաքաղաքի հասարակականության և մամուլի շերմ դրվատանքին:

Այդ աշխատանքը Ն. Զարյանի «Փորձադաշտ» պիեսի բեմադրությունն էր: Ռ. Մադոյանը իր «Թատրոնի ուղին» գրքում խոսելով Լենինականի թատրոնի խաղացանկում արժանի տեղ գրաված «Փորձադաշտ» ներկայացման անուրանալի արժանիքների մասին, նախ և առաջ վեր է հանում այն մասնակրկիտ ստեղծագործական աշխատանքը, որ ոեժիսորը կատարել է դրամատուրգիական նյութի վրա: Արտաշես Հովսեսիյանը, որ իր ոեժիսորական պրակտիկայում երբեք պասիւ

ընթերցող չի եղել, երբեք հայեցողաբար չի դիմել բեմադրության պատրաստվող դրամատիկական երկին և գերի չի մնացել հեղինակներից «ամենահզորներին» անգամ, այստեղ ևս հավատարիմ մնաց ինքն իրեն՝ բավական ինքնուրույն մոտեցում ցուցաբերելով հայ սովետական դրամատորգիայի այդ աշքի ընկնող ստեղծագործության նկատմամբ։ Հարկ եղավ նույնիսկ, հնարավորի սահմաններում, վերանայել որոշ կերպարներ։ Այսպես, օրինակ, եթե հեղինակային հղացմամբ Կարսեցյանը գիտնականի «ավանդական» կերպար է նիշեցնում՝ իր գործով տարված միամիտ մարդ, որ չի նկատում շրջապատի բացասական երևոյթները, աչքակապներին ու խաբերաներին, ապա ներկայացման մեջ նրա կերպարը մի փոքր այլ մեկնաբանություն ունի. բեմական Կարսեցյանը կյանքին սերտորեն կապված մարդ է, որ վստահում է շրջապատին ու թերևս հետո այդ պատճառով չի կարողանում տեսնել շրջապատում եղած վատն ու մերժելին։ Ուստի այնքան հավառ է ներշնչում նրա սկզբունքային պայքարը հանուն ճշմարտության։

Առաջին հայացքից աննշան թվացող այս «շտկումը» ուժինորի աշխարհընկալման արտահայտությունն էր, նաև նրա գեղագիտության կարևոր հատկանիշներից մեկի արտահայտությունը՝ բեմական կերպարը հնարավորին չափ մոտեցնել կյանքին, բնականին, և այս բանն անել առավելապես հոգեբանական լուծումով։ Կարսեցյանի կամ մյուս գործող անձանց բեմականորեն շահական կողմերը՝ պարզամիտ հիմարակուն կերպարանը, խորամանկ-խաբերայի ճկուն շարժուձն և այլն, ինքնին անհրաժեշտություն էին ներկայացման համար, որովհետև, ի վերջո, կատակերգություն էր խաղացվում. սակայն այս ամենը մի աղբյուր պիտի ունենար՝ ճշմարիտ հո-

գերանականը, ներքին տրամադրությունից բխող հավաստին:

Ծիշտ հասկանալով կատակերգության սատիրական ուղղվածությունը, ոեժիսորը չընտրեց նրա բեմական արտահայտության ուղին՝ մերկ գրոտեսկը, չգնաց արտաքինը շեշտելու, էժանագին ծիծառ հարուցելու ճանապարհով, այլ աշխատեց խոր բացահայտել հերոսների ներաշխարհը, ավելի «լրջություն» տալ նրանց պահվածքին ու արարքներին, ստեղծել բնավորությունների կոմեդիա՝ սաստկացնելով նրա մերկացնող ուժը:

Կատակերգության գաղափարական ու գեղարվեստական ուղղվածության նման ըմբումը հնարավորություն ընձեռեց ոեժիսորին գտնելու բեմական վառ ձևեր, ստեղծելու հետաքրքիր ցայտուն բեմավիճակներ, սրելու կոնֆլիկտը հակառիք ուժերի՝ Գառնակերյանի և Կարսեցյանի միջև։ Ուստի ստացվեց մի այնպիսի ներկայացում, որ, լիալթը ծիծառելու հաճուքը պատճառելով հանդերձ, մտածել էր տալիս հանդիսատեսին իր գաղափարական հստակ ու նպատակամետ կոնցեպցիայի շնորհիվ, գրավում էր իր գեղարվեստական արժանիքներով, դերասանական գերազանց կատարմամբ։

«Փորձադաշտ» ներկայացման ակներև հաջողությունը երևաց և՛ հանդիսատեսի ակտիվ վերաբերմունքի, և՛ մասնաւոր լուրջ ու նախանձախնդիր մոտեցման մեջ։ Բազմաթիվ թատերախոսականներ եղան այս ներկայացման մասին։ Անտարքեր չկարողացան մնալ շատ-շատերը, ներկայացումն իր լորդած տպավորությամբ ստիպեց գրիչ վերցնել ու թատերախոսի պարտականություն ստանձնել նույնիսկ ոչ քննադատների։ Օրինակ, հանրապետության ժողովրդական արտիստ Գ. Գաբրիելյանը ընդարձակ թատերախոսականով հանդես եկավ «Սովետական Հայաստան» թերթում (1954 թ.



Նատաշա՝ վ. Պլումենիկովա, Մինրուկ Գ. Գևոն («Մուրզանի խնամին»)  
Կ. Ստանիսլավսկու անվան ուսուական թատրոն



Ա. Փափազյանք Ա. Հովսեփյանի կուրսի ուսանողների հետ - 1963  
Գեղարվեստա-քառերական ինստիտուտ

հունվարի 29): Ըստհանուր առմամբ բարձր գևահատելով ներկայացումը, նա ընդգծում է ,որ ուժիսորը ճիշտ է հակացել գրական երկի գաղափարը, հմտորեն է բացահայտել գործող անձանց բնավորությունները և, ամենակարևորը, կարողացել է ստեղծել ուսալիստական ներկայացում, տպակորիչ ու մենայուն գեղարվեստական արժեք: «Ներկայացումը ոխտվում է չթուլացող նետաքրքրությամբ,— գրում է թատերախոս արտիստը: — Բեմադրող-ուժիսոր Ա. Հովսեփյանը, ըմբռնելով պիեսի ուսալիստական ոճը, նրա ոգին, ճիշտ մեկնաբանելով կերպարները, ստեղծագործական կոլեկտիվի նետ միասին ստեղծել է ուշագրավ ու նետաքրքիր մի ներկայացում: Առանձնապես գովելի է ուժիսորի աշխատանքը դրական կերպարներն ավելի լիարյուն դարձնելու, որիշ խոսքով՝ պիեսի թերությունը որոշ չափով հաղթահարելու ուղղությամբ: Առանց շափականցությունների մեջ ընկնելու, առանց դրությունները սրելու, ուժիսորը բեմական-արտահայտչական միջոցներ է գտել հանդիսականին ցույց տալու մարդկանց գիտակցության մեջ դեռևս մնացած արատների դեմ սյալքարող սովետական մարդկանց, նա կարողացել է ստեղծել անսամբլային, ներդաշնակ մի ներկայացում»:

Այս բեմադրության անտարակուսելի հաջողության և ուժիսոր Արտաշես Հովսեփյանի վարպետության մասին է խոսում նաև դրամատորգ Ա. Արաքսամանյանը «Գրական թերթում» հրապարակված իր թատերախոսականում, մասնավորապես շեշտելով ներկայացման դաստիարակչական նշանակությունը:

«Փորձադաշտը» բեմական նոր խմբագրումով ցուցադրվեց Մովկայում, տասնօրյակի ժամանակ: Այստեղ ևս ներկայացումը անտարբեր չթողեց թատերական հասարակությանը,

ավելին, արձագանքները թե քննարկումներում և թե մամուլում շերս էին նույնիսկ սպասվածից ավելի: Խրախուսվեց թատրոնի գործուն վերաբերմունքը սովետական մարդկանց կյանքից քաղված դրամատիկական նյութի նկատմամբ և ըստ արժանավույն գնահատվեց այդ նյութի գեղարվեստական ճաշակավոր, բարձրարվեստ մատուցումը: Անա թե ինչ է գրում ժողովրդական արտիստ Ս. Մեծինսկին «Պրավդայում» տպագրված իր հոդվածում. «Ա. Հովսեփյանը ներկայացումը բեմադրել է հասուն վարպետությամբ: Նրան հաջողվել է դերասանութերին միավորել ամբողջական անսամբլում, բեմավիճակները պարզ են ու կյանքային: Ռեժիսորը ձգտել է ընդգծել տաղանդավոր կատակերգության նիմնական միտքը՝ մաքոր խղճի տեր ստեղծարար մարդկանց բարոյական ներգործության ուժը, մարդիկ, որոնք համատեղ պայքար են մղում Գառնակերյանի և Բալաբեկի նման խաբերա գործարների նկատմամբ»:

Ներկայացմանը նոյն տեսանկյունից է մոտենում ու գնահատում նաև «Լիտերատորնայա գաղետայի» թատերախոս Ի. Վիշնևսկայան, գրելով. «Լենինականի թատրոնը (ռեժիսոր՝ Ա. Հովսեփյան) հենց այդպես էլ հասկացել է Ն. Զարյանի կատակերգությունը, իր նիմնական ուշադրությունը կենտրոնացնելով մարդկային կենդանի ճակատագրերի վրա»:

ՌՍՖՍՀ և Ադրեցանական ՍՍՀ արվեստի վաստակավոր գործիչ Ս. Մայորովի հոդվածում, տպագրված «Սովետսկայա կոլլտորա» թերթում, ընդգծվում է, որ «Ա. Հովսեփյանի ռեժիսորական հղացումը խոսում է կատակերգական ձևի ասպարեզում նրա համառ որոնումների մասին, այն մասին, թե նա որքան լավ է տիրապետում կենդանի ու վարակիչ կատակերգություն բեմադրելու արվեստին... Եզրափակելով,

կուգեհնը ասել, որ բեմադրությունն ամբողջությամբ աչքի է ընկնում ընտիր ճաշակով և ամբողջ կոլեկտիվի թատերական բարձր կուլտուրայով»:

Եվ, վերջապես, արվեստի վաստակավոր գործիչ Կ. Շախ-Ազիզովի խոսքը «Վեչերնյայա Մոսկվա» թերթում. «Շատ լավ բաներ կուգեհնը ասել ներկայացման բեմադրիչ, գլխավոր ռեժիսոր Ա. Հովսեփյանի աշխատանքի առիթով: Ռեժիսորական լուծման մեջ ճիշտ է հաղորդված երկի ուղղվածությունը: Ներկայացումը սիրեցին նաև մոսկվացիները, որոնք անկեղծորեն ափսոսում են, որ իրենց հանդիպումն այս թատրոնի կոլեկտիվի հետ այդքան կարճառն եղավ»:

Լենինականի թատրոնի «Փորձադաշտ» ներկայացման վերաբերյալ բոլոր թատերախոսականները, որ հրապարակեցին հայկական և մոսկովյան մասովում, զարմանալի համընկնում են Արտաշես Հովսեփյանի ռեժիսորական վարպետության գնահատության մեջ, նրա անունը դնում են սովետական թատրոնի աչքի ընկնող ռեժիսորների անունների կողքին:

Նման գնահատականը չեր կարող չոգնորել, չթևավորել ռեժիսորին: Բայց սա այն անպառող ոգևորությունը չեր, որ հաճախ հակառակ արդյունքների է հասցնում ստեղծագործական աշխատանքում: Սա ինքնավերլուծություն էր և ինքնագնահատում՝ «դրսի» գնահատության լույսի տակ, ինչպես նաև, եթե կարելի է ասել, ինքնատրամադրում էր՝ վաղվա լավ գործերի համար: Սա աշխատավոր արվեստագետի ոգևորություն էր, նույնքան քննական ու օրինաչափ, որքան հողի աշխատավորն է ոգևորվում՝ տեսնելով սերմանածի բյուրապատիկ արդյունքը, իր թափած քրտինքի ազնիվ պառողները: Չէ՞ որ Արտաշես Հովսեփյանը նման համընդհանուր ճանաչման էր հասել ռեժիսորական երկարամյա տքնածան աշխա-

տանըով, Ադրբեջանում ու Հայաստանում բեմադրած վիթխարի քանակությամբ ներկայացումների շնորհիվ, քայլ առ քայլ հաստատել էր իրեն թատերական արվեստում որպես ուսա-լիստական սկզբունքներին հավատարիմ ռեժիսոր, որպես իր վարպետությունը ժամանակակից ու դասական երկերի վրա, անցյալից եկող լավագույն ավանդույթների և արդիական ա-ռաջավոր միտումների վրա հղկած, ազնվացրած արվեստագետ:

Բայց դատնանք Լենինականի Ա. Մովչանի անվան թատ-րունում Արտաշես Հովսեփյանի իրականացրած հետագա լա-վագույն աշխատանքներին: Մեկ թատերաշրջանում, 1955—1956 թվականներին, Ա. Հովսեփյանը Ա. Շուկանի «Անձնական գործը» բեմադրեց և՝ այստեղ, և՝ Երևանի Կ. Ստանիսլավ-սկու անվան ուսուական թատրոնում: Նախապես ասենք, որ երկու պրեմիերան էլ անցան մեծ հաջողությամբ: Բեմադրիչն արժանացավ ամենաբարձր դրվատանքի և՝ հրատապ հարցեր շոշափող ժամանակակից երկի ընտրության, և՝ բեմական չափազանց հետաքրքիր միջոցներով դրանք մարմնավորելու համար: Ահա թե ինչ է գրում թատերագետ Լ. Սամվելյանը «Գրական թերթում» լենինականյան ներկայացման մասին. «Բեմադրող, թատրոնի գլխավոր ռեժիսոր Ա. Հովսեփյանը ներկայացման մեջ ընգծել է նրա մարդասիրական էությունը, նրա մարտական ոգին: Այս է պատճառը, որ նա իր գլխավոր ուշադրությունն ընծայել է պիեսի հումանիստական ոգին, պալթոսը կրող դրական կերպարների տպավորիչ բեմական մարմնավորմանը: Լենինականի բեմադրության ամենաարժե-քավոր առանձնահատկությունը ռեժիսորի և դերասանների համատեղ շանքերով ստեղծված սովետական ազնիվ մարդ-կանց հաջող դիմանկարներն են»: Այսինքն՝ այս ներկայա-

ցուտով ևս Արտաշես Հովհաննիսը կարողացել էր հաջողությամբ լուծել այդ ժամանակների թատերական, և ոչ միայն թատերական, ամենաբարդ ու պատասխանառու պրոբլեմներից մեկը՝ դրական հերոսի քեմական լիարյուն՝ կերպար ստեղծելու խնդիրը:

Նույն նպատակն էր հետապնդում ռեժիսորը, եթք «Անձնական գործը» բեմադրում էր Երևանի Կ. Ստանիսլավսկու անվան ռուսական թատրոնում։ Այսուեղ ևս հաջողությամբ պակլեցին նրա այդ շանքերը՝ սովետական մարդկանց ապրող ու ապրեցնող կերպարներ ստեղծելու ուղղությամբ։ Բայց և այնուկա, պիտի նկատել, որ նույն գործի այս բեմադրությունը պարզ փոխադրում չեր թատրոնից թատրոն, յուրատեսակ «թարգմանություն» չեր և չեր էլ կարող լինել այդպիսին թե՝ կուզագիր ունեցող կոլեկտիվի հետ։ Սակայն երկու դեպքում էլ անխախտ մնաց հիմնականը՝ լուսավոր տրամադրությունը, նորապարակախոսական շունչը, մարդու նկատմամբ անկեղծ ու շադրության, մարդկային ազնիվ վերաբերմուճի անհրաժեշտության ընդգծումը, սովետական հումանիզմի լավագույն սկզբունքների գործուն պաշտպանությունը, որ հենց պիեսի ակգրունքների գործուն պաշտպանությունը, որ նենց պիեսի բաղադր հատկանիշներն են։ «Ստանիսլավզարդարական թատրոնի և ներկայացման ռեժիսոր Ա. Գ. Հովհաննեսի ծառայությունն այն է, — գրում է քննադատ Կ. Քառակից անձարը «Կոմսոմոլեց» թերթում, — որ նրանք կարողացել են պիեսի այս հատկանիշները փոխադրել բեմ, մարմնավորել հուզիս, տպավորվող ներկայացման մեջ... Ռեժիսոր Ա. Գ. Հովհաննեսի չափազանց հստակ որոշարկել է ներկայացման Հովհաննեսի չափազանց հստակ որոշարկել նպատակալաց կերպով։

Եվ դրա շնորհիվ հագեցած է Աերկայացման մթևոլորաւը... Ընդհանուր առմամբ, «Անձնական գործը» Կ. Ստանիսլավը կու անվան թատրոնի ստեղծագործական մեծ հաջողությունն է»: «Նույնի է հաստատում թատերագետ Ս. Հարությունյանը «Սովետական Հայաստան» թերթում տպագրած իր թատերախոսականով, որի մեջ, մասնավորապես, ասում է. «Անձնական գործ» Աերկայացումը դիտվում է հետաքրքրությամբ: Հանդիսականը դեպքերին հետևում է լարված ուշադրությամբ, Աերկայացումը հուզում է նրան: Ոեժիսոր Ա. Հովսեփյանը, դերասանները շնորհակալ գործ են կատարել: Նրանք ստեղծել են տպավորիչ, ունալիստական, բովանդակալից Աերկայացում: Բեմադրության արժանիքն այն է, որ հեղինակի մտքերը և հերոսները, նկարագրած միջավայրը գտել են իրենց ճշմարտացի մարմնավորումը, ստեղծված են գեղարվեստորեն համոզիչ բեմական բնավորություններ: Հանդիսականը բեմում տեսնում է կենդանի մարդկանց, ծանոթանուած տարբեր բնավորությունների հետ: Ներկայացումը սովետական մարդկանց դաստիարակում է դրական իդեալների կըրքու պաշտպանության, անզիջում սկզբունքայնության, սովետական հումանիզմի ոգով:

... Կ. Ստանիսլավը անվան թատրոնը ստեղծել է տպավորիչ Աերկայացում: Թատրոնը պարտավոր է խնամքով պահպանել Աերկայացումը, կատարելագործել այն, երկար ժամանակ պահել իր ուսուցչությունը, նրա վրա հրավիրելով լայն հանդիսականի ուշադրությունը»:

Այս ամենին ոեժիսորը չէր կարող հասնել, ինարկել, միայն դրական հերոսների, թեկուզ և փայլուն, բեմական մարմնավորումով: Նման դեպքում խոսք կարող էր լինել միակողմանիության մասին, որի առկայությամբ ինքնարսինքան կօրնչ-

վեհական համեմայն դեպս, կիսամրեհն ուներկայացման որոշ արժանիքներ: Սակայն Արտաշես Հովսեփյանի ռեժիսորական երանգապեակում, ինչպես տեսանք, միշտ էլ հակադիր գոյների հախասիրություն է եղել, և այս անգամ էլ նա «աշխատել» էր նույն մեթոդով: Դրականներին հավասար լիարյուն էին ուներկայացման բացասական հերոսների կերպարները, դրանք կատարյալ հակադրություն էին, սակայն ռեժիսորը, զեղարվեստկան նորք զգացողությամբ, խուսափել էր այդ հակադրության ճակատային լուծումից, որի դեպքում, բնակադրության մասնակին պարագան, կչեզուկանար, կբացառվեր նուզականության պարագան, կչեզուքանար մտքի և նույզի ուներգործությունը: Այսինքն, այլև խոսքանար կարող լինել «տպավորիչ», «ճշմարտացի», «բովանդակալից» ուներկայացման մասին:

լությունն է շարժում»:

Այս հանգամանքը շեշտում ենք միայն մի նպատակով՝ ցույց տալու համար, թե ոեժիսոր Արտաշես Հովսեփյանը որքան էր խորացել ու հմտացել և՛ դրական, և՛ բացասական գործող անձանց կերպարների մեկնաբանության մեջ, թե ինչպես նրա ոեժիսորայի կիզակետը մեկընդմիշտ դարձել էր խարակտերային-հոգեբանական լուծումը, մնացած ամեն ինչ՝ բեմավիճակներ, արտահայտչական տարրեր էֆեկտներ և այլն, ծառայեցնելով այս հիմնականին:

Արտաշես Հովսեփյանի լենինականյան աշխատանքներից հիշատակության արժանի է նաև Գ. Տեր-Գրիգորյանի «Վերջին մեխակներ» պիեսի բեմադրությունը: Խոսելով այս ներկայացցման մասին, «Կոմունիստ» (Երևան) թերթի թատերախոս Ա. Բարսեղյանը նկատում է, որ այն «աչքի է ընկնում նպատական խորքով և կառուցիկ ձևերով»: Ա. Հովսեփյանը ձգտում է ստեղծել ներկայացման կերպար և, ընդհանուր առմամբ, այդ բանը նրան հաջողվում է: «Նա հմտորեն է օգուագործում բեմական միջոցները գերխննդրի լուծման համար՝ թե ինչի կարող են հանգեցնել մարդու գործած սխալները, և թե ինչպես են սրանք ներազդում շրջապատող մարդկանց ճակատագրի վրա: Այս առումով ներկայացման մեջ խիստ ցայտուն է երեք քույրերի գիծը: Լենինականյան ներկայացման ոեժիսորը, մեր կարծիքով, գտել է առավել բեմական բեմավիճակներ, որոնք թույլ են տալիս ամբողջ խորությամբ հաղորդել ենթատեքստը, գործող անձանց հոգեվիճակը»:

Այս ներկայացման արժանիքների և առանձին թերությունների մասին գրեցին նաև Ս. Հարությունյանը («Սովետական Հայաստան») և Լ. Սամվելյանը («Գրական թերթ»): Երկու դեպքում էլ իրավացի էին քննադատները, վրիպումներ

նոյնակա կային: Սակայն անվիճելիորեն իրավացի էին նըրանք ամենից առաջ այն եզրահանգում-կարծիքի մեջ, որ չնայած այդ մասնակի թերություններին ու վրիպումներին, ոեժիսոր Արտաշես Հովսեփյանն ու թատրոնի կողեկատիվը կարողացել են ստեղծել ժամանակակից հրատապ խնդիրներ լուծելու կոչված հուզիչ ներկայացում:

Արտաշես Հովսեփյանի լենինականյան աչքի ընկնող աշխատանքներից են նաև Ա. Բարսեղյանի և Գ. Զանիբեկյանի «Տաճատ Համազասպովիչը հուզված է», Գ. Յաղջյանի «Վաճառված տուն», Ե. Օոյյանի «Թաղականին կնիկը», Լույն դե Վեգայի «Սևիլյայի աստղը» և որիշ պիեսների բեմադրությունները:

Ասացինք, որ Արտաշես Հովսեփյանը յոթ տարի շարունակ լենինականի Ա. Մովյանի անվան թատրոնի գլխավոր ոեժիսորն էր, իսկ սա փոքր ժամանակամիջոց չէ ստեղծագործական կողեկատիվի դեկալարի համար՝ սեփական գեղարվեստական միտումները, գաղափարական ու կազմակերպչական սկզբունքները իրագործելու և հաստատելու առումով: Եվ պետք է ասել, որ այդ ժամանակարնեացքում Լենինականի Ա. Մովյանի անվան թատրոնը, Արտաշես Հովսեփյանի դեկալարությամբ, ամրապնդվեց ստեղծագործական և կազմակերպչական տեսակետից, պարզորշ դարձավ նրա խամարդական քաղաքականությունը, հասավ գեղարվեստադաշտի մակարդակի իր քարձրորակ ներկայացումներան ակնառու մակարդակի իր քարձրորակ ներկայացումներով: Եվ այդ ամենից հետո միայն, արվեստագետի և կազմակերպչի իր պարտքը կատարելուց հետո միայն Արտաշես Հովսեփյանը հեռացավ Լենինականի թատրոնից՝ հաստատուն հիմքերի վրա դրված գործը թողնելով ավելի երիտասարդ ոեժիսորներին: Նա եկավ Երևան և մանկավարժական սարդ ոեժիսորներին:

աշխատանքի անցավ Գեղարվեստա-թատերական ինստի-  
տուտում: Սակայն կապը Լենինականի թատրոնի հետ երբեք  
չխգեց: Այդ մասին մենք դեռ առիթ կունենանք - խոսելու  
սարք: Բայց ուզում ենք նրա հետ մի անգամ էլ վերադառ-  
նալ նույն թատրոնը, ուր 1967-ին Արտաշես Հովսեփյանը  
բեմադրեց իր լենինականյան քաներորդ ներկայացումը՝  
Ա. Դարբնու «Երբ բացվում է առավոտը» պիեսը:

Եթե այս ներկայացումը, անհայտ պատճառներով, դուրս  
մնաց մայրաքաղաքի քննադատների տեսադաշտից, ապա,  
ընդհակառակը, տեղական մամուլը անդրադարձավ նրան ա-  
մենասևեռուն ուշադրությամբ: Լենինականի «Բանվոր» թերթը  
մի ամբողջ էջ նվիրեց ներկայացման վելուծությանն ու գը-  
նահատմանը: Սակայն թատերախոսականի հեղինակ Ռ. Մա-  
դոյանը չի մոռանում նախ խոսել այն իսկական որախության  
մասին, որ հարուցել էր թատրոնին նախկին գլխավոր ռեժի-  
սորի և դեկանարի ստեղծագործական «վերադարձը», տարի-  
ների ընդմիջումից հետո վաղեմի բարեկամների սրտառուչ  
հանդիպումը: Արանք քննարական զեղումները չեն, այլ նիշե-  
ցումը այն ճշմարտության, որ բարեկամները հանդիպելիս  
միշտ էլ աշխատում են իրար լավ բան ասել: Արտաշես Հով-  
սեփյանը «լավ բան ասաց» իր այս ներկայացումով, թատրոնը  
լավ գործ արեց իր հին ռեժիսորի դեկանարությամբ: Դրա-  
մատիկական նյութն էլ շատ հարմար էր այդ լավ խոսքի ու  
գործի համար: Թատրոնն արձագանքում էր Մեծ հոկտեմբերի  
կեսդարյա հոբելյանին: Արշավիր Դարբնու հերոսական կա-  
տակերգությունը իր թեմայով համահնչուն էր այդ մեծ իրա-  
դարձությանը՝ նոր կարգերի հաստատումը Հայաստանում  
ուս և մյուս եղբայրական ժողովուրդների օգնությամբ: Ռե-  
ժիսորն ու թատրոնը մանրակրկիտ աշխատանք՝ կատարե-

ցին պիեսի վրա, ավելի հստակ դարձրին լեզուն, ավելի խոր՝ մարդկային բնավորությունները։ Ստացվեց պատմականորեն հավաստի, կենսահաստատ ներկայացում, մարմնավորված արտահայտչական թարմ միջոցներով։

Խոսելով ներկայացման թարմության մասին, թատերախոր հստուկ կանգ է առնում ուժիսորի այն արդյունավետ աշխատանքի վրա, որ նու կատարել է դեռ լայն հասարակայնության անձանոթ երիտասարդ դերասանների հետ։ «Այս ներկայացումն ունի մի այնպիսի կենսական թարմություն, որ անուշադրության մատնել պարզապես չի կարելի,— գրում է նա։— Խոսքը երիտասարդ ու սկսնակ դերասանների բեմական հաջողության մասին է... Բանն այն է, որ երիտասարդ բոլոր դերասանները մի նոր քայլ են կատարել բեմարվեստի մեծ ճանապարհին։» Թատրոնի գործունեությանը քաջ ծանոթ քննադատի այս հաճելի զարմանքը մի աղբյուր ունի՝ Արտաշես Հովսեփյանի ուժիսուրան, դերակատարներ «հայունաբերելու» և նրանց հնարավորությունների առավելագույնը կորզելու, նոյնիսկ բեմի վրա առաջին քայլերն անողին «արտիստական վստահություն» ներշնչելու նրա ունակությունը։ Իսկ երբ թատերախոսն անցնում է ներկայացման ուժինության մյուս արժանիքներին, հաճելի զարմանքը փոխարինվում է վստահ գնահատանքով։ Ծիշու է, պիեսը, անցնելով «ստեղծագործական մի նոր քուրայով», հիմնականում համար, և «այնուամենայնիվ, «Երբ բացվում է առավոտը» նամար, և «այնուամենայնիվ, «Երբ բացվում է առավոտը» ներկայացման առավել ուշագրավ աշխատանքը բեմադրող ուժիսորին է՝ Արտաշես Հովսեփյանին։

Վերջին տարիներս մեր սիրելի թատրոնը դեպքից դեպք է

ստեղծել բեմադրություններ, որոնցում գերիշխող լինեին ռեժիսորական աշխատանքի հաճելի կոլտորան, խորիմաստ ու գեղարվեստորեն ամբողջական մտահղացումները։ Յուրաքանչյուր գործողություն ու բեմավիճակ կշռադատված են, չափավոր ու զուսպ, զերծ ավելորդաբանություններից և զարմացնելու վատ միտումներից»... Այնուհետև, կոնկրետ օրինակներով քննադատը խոսում է այդ բեմավիճակների, գործողությունների, դերակատարումների, մի խոսքով, ռեժիսորական հղացումները բեմում մարմնավորելու գաղափարական-գեղարվեստական աստիճանի մասին, որ ակներևորեն բարձր է այստեղ։ Ուստի և ստեղծվել էր հանդիսատեսի մըտքին ու սրտին սնունդ տվող, թատրոնի աշխատանքին թարմություն բերող մի ներկայացում, որ, իրոք, լավ նվեր էր մեծ տարելիցին։ Եվ պատահական չէ, որ Արտաշես Հովսեփյանը իր այս աշխատանքի համար պատվավոր դիպլոմի արժանացավ նորելյանական մրցանակաբաշխությունում։

Ինչպես տեսանք, լենինականյան շրջանը նոյնպես արդասավոր եղավ Արտաշես Հովսեփյանի ստեղծագործական կենսագրության մեջ։ Նա իր նշանակալից ավանդը բերեց հայ թատերական արվեստի զարգացմանը, մի անգամ ևս հաստատեց ռեժիսորական իր տաղանդը, լիարժեք ներկայացումներ ստեղծելու ունակությունը և այն, թե ինչպես է կարողանում բացահայտել դերասանների բոլոր հնարավորությունները՝ մարդկային խոր բնավորություններ ներկայացնելու համար։

Մենք արդեն խոսեցինք այն հաջողության մասին, որ բաժին ընկավ 1950 թվականին Երևանի Կ. Ստանիսլավկուուն անվան թատրոնում Արտաշես Հովսեփյանի բեմադրած «Առանձնատունը նրբանցքում» ներկայացմանը։ Նոյնպիսի

հաջողությամբ նոյն թատրոնում մեկ տարի անց նա քեմադրեց Մ. Գորկու «Վասսա Ժելեզնովան»: Քննադատությունը նկատեց, որ ներկայացումն ընդհանուր առմամբ «գորկիական հնչողություն ունի, խորն է ու բովանդակալից», որ այն լուրջ նվաճում է թատրոնի ստեղծագործական կողեկտիվի և անձամբ քեմադրող ռեժիսոր Արտաշես Հովսեփյանի համար:

Ներկայացումը խորապես բովանդակալից և հետաքրքիր էր ստացվել այն պատճառով, որ քեմադրիչը գորկիական կերպարների ռեժիսորական մշակումն արել էր այդ երկի գաղափարի ռեալիստական ընկալման, գործող անձանց քննություններն ու ներաշխարհը ստուգ բացահայտելու հիմքի վրա, սոցիալական հակամարտ ուժերի սուր բախումով, որ հանգեցնում է բուրժուական ընտանիքի քայլայմանը՝ խորհրդանշելով ընդհանրապես բուրժուական կարգերի խորտակումը:

Այսպես հստակ պատկերացնելով իր ամբողջ պատասխանատվությունը նեղինակի, թատրոնի և հանդիսատեսի առջև, ռեժիսորն իր ուշադրությունը կենտրոնացրել էր դերակատարների մասնակրկիտ աշխատանքի վրա, և արդյունքը եղավ այն, որ նրանք բոլորը քեմում խորապես ճշմարտացի էին ու կենդանի, յուրաքանչյուրն օժտված էր անհատական անկրկնելի գծերով: Եվ որ ամենագնահատելին էր այս ներկայացման մեջ, թեև ռեժիսորական ոչ մի էֆեկտ չէր նկատվում, այնուհանդերձ ներկայացումը դիտվում էր մեծ լարվածությամբ: Գործողությունն ընթանում էր արտաքուստ համաշափ, գրեթե պատմողական տեմպով, սակայն ներուների ողբերգական սրության հասցված փոխհարաբերությունները ստիպում էին հուզվել, ապրել քեմում կատարվող ամեն ինչով; մոռացնել էին տալիս հանդիսատեսին, որ նա գտնվում

է թատրոնում: Բեմում իրական կյանքն էր, որի պատկերման մեջ չէր զգացվում ռեժիսորի ակնքախ ներկայությունը:

Երևանի Ստանիսլավսկու անվան ռուսական թատրոնում Արտաշես Հովսեփյանի բեմադրած ներկայացումներից ուշադրության արժանի և ճան Բ. Շոուի «Միլիոնատեր կինը» (1965 թ.): Ռեժիսորի համար շատ կարևոր խնդիր էր հաղորդել անգլիացի մեծ դրամատուրգի պիեսի սատիրական սուր ուղղվածությունը, մի երկ, որ անողոք քննադատում է և ծաղրում բուրժուական հասարակությունը, մերկացնում նրա քարյականության նեխած խորքը: Եվ այս խնդիրը ճա լուծեց փայլուն կերպով, առաջին պլան մղելով և կիզակետ դարձելով կատակերգության մերկացնող կողմը:

Օհանաստելով ռեժիսորի այս աշխատանքը, Հ. Լալայանը գրում է «Կոմունիստում»:

«Բեմադրող ռեժիսոր Արտաշես Հովսեփյանի և դերասան-ների առջև ծառացել է մի խնդիր, հանդիսատեսին հասցնել Շոուի սրամտությամբ կայծկլտող խորքը, հաղորդել երկի էռթյունը և հաղորդել կատակերգական ներկայացումով, որ միշտ էլ վառ թատերայնություն է պահանջում:

Եվ այսպես արժանին պիտի հատուցել ռեժիսորին, որը կարողացել է գտնել հենց այդպիսի ներկայացում ստեղծելու քանալին:

Ծիշոն գտնված մանրամասերը լավ են ընդգծում գործող անձանց բնավորությունները, այն պարադոքսայինը, որ հատուկ է Շոուի դրամատուրգիային:

Բեմադրողի ռեժիսորական հուտառությունը թույլ է տվել նրան ամեն մի տեսարանում գտնելու շոշափելի «ուշադրության սահմանը Շոուի անսպառ հումորի հորձանքում»:

Կ. Ստանիսլավսկու անվան թատրոնում Արտաշես Հով-

սեփանի բեմադրած վեց Աերկայացումներից երեքը (Բ. Շոու «Միլիոնատեր կինը», Ա. Շիրվանզադե «Մորգանի խնամին», Լ. Վաղարշյան և Մ. Օվչինիկով «Փարիզի աղջամուղում») վերաբերում են 1965-ին, երբ նա վաղուց արդեն անցել էր մանկավարժական աշխատանքի Երևանի գեղարվեստա-թատերական ինստիտուտում:

Այստեղ Հովսեփյանն սկսեց մանկավարժությամբ զբաղվել 1961-ից, բայց, ինչպես տեսնում ենք, իր հարաբերությունները չխզեց թատրոնի ներ, տարբեր տարիների Աերկայացումներ էր դնում Կ. Ստանիլավսկու անվան և Լենինականի թատրոններում: Նոյնիսկ մանկավարժական գործունեությանը զուգընթաց, 1965-ից, տարի ու կես աշխատեց որպես ոռուսական թատրոնի գլխավոր ռեժիսոր:

Բայց վիճակը նետված էր, տարիքն իրենց էր պահանջում, և Արտաշես Հովսեփյանը հաստատ վճռեց ամբողջությամբ նվիրվել ստեղծագործական նոր ուժերի դաստիարակությանը: Բացի այդ, ճիշտն ասած, թեև թատրոնի փոխարեն գործունեության նոր ասպարեզ դարձավ ուսումնական հաստատությունը, ըստ Էռլյան շատ քիչ բան փոխվեց: Ինստիտուտում էլ թատրոն կա, ուսումնական կոչվող թատրոն, բայց և ստեղծագործական այնպիսի օջախ, որ նետաքրքիր է Աերկայացումներ դնել ուսանողների թարմ ուժերով, հայունաբերել ապագա արտիստական անհատականություններ, նոկել նրանց ձիրքը, պատրաստել պրոֆեսիոնալ բեմի համար: Այսինքն՝ թատրոնից դուրս նա շարունակում է մնալ թատրոնում, շարունակում է աշխատել թատրոնի համար:

Այս նոր ասպարեզում նոյնքան եռանդուն ստեղծագործող եղավ Արտաշես Հովսեփյանը, նոյնքան հմուտ կազմակերպիչ ու նրբազգաց դաստիարակ: Նրա սաներից շատերն


այսօր աշխատում են հանրապետության տարբեր թատրոններում: Գալիս են նորերը: Եվ ոեժիսորը նրանց հետ ասես կրկին ու կրկին անցնում է իր ստեղծագործական ուղին՝ որոնումների, հայտնագործումների անվերջ ուղին, ինքն էլ ստեղծագործելով նրանց կողքին, նրանց հետ, նրանց համար: Անցած տասը տարվա ընթացքում Արտաշես Հովսեփյանը ուսումնական թատրոնում բեմադրել է տասնմեկ պիես, որոնց մեջ կան այնպիսի դասական բարդ գործեր, ինչպիսիք են Գ. Սունդոկյանի «Քանդած օջախը», Ա. Շիրվանզադեի «Պատվի համարն» ու «Չար ոգին», Ա. Չեխովի «Հարսանիքը», Ա. Օստրովսկու «Անմեղ մեղավորներն» ու «Ամպրոպը», Կ. Գոլդոնիի «Երկու տիրոջ ծառան» և այլն:

Սակայն Արտաշես Հովսեփյանը պրոֆեսիոնալ բեմի ուղեգիր է տվել ոչ միայն առանձին անհատների, այլև նպաստել է մի ամբողջ ազգային թատրոնի ստեղծմանը: Խոսքը Դադստանի դարգինական թատրոնի մասին է: Արժե այս փաստի վրա մի փոքր ավելի հանգամանալից կանգ առնել: Նաև՝ մի քիչ պատմություն:


1956-ին, Դադստանի ինքնավար հանրապետության կառավարության խնդրանքով Երևանի գեղարվեստա-թատերական ինստիտուտում բացվեց հատուկ դարգինական ստուդիա իրենց պատաճիների ու աղջիկների համար, որ դերասանական վարպետություն ունանեն և, ավարտելով հետո, թատրոն հիմնեն հայրենիքում մայրենի լեզվով: Ապագա դերասանների ընտրությամբ զբաղվեց ինստիտուտի դիրեկտոր, Հայկական ՍՍՀ ժողովրդական արտիստ, պրոֆեսոր Վալիկ Վարդանյանը: Ուսումնառության հիմք տարիներից հետո թատերական ինստիտուտի այս շրջանավարտները վերադարձան հայրենիք և ստեղծեցին դարգինական առաջին ազգային



Գեղարվեստա-քատերական ինստիտուտի դարզինական  
կուրսում, գեղասանի վարպետության դասին:



«Բնուրյուն». տեսարան. 1967.  
դարզինական կուրս. Գեղարվեստաբանեական ինստիտուտ .



թատրոնը: Ազգային այս կադրերի պատրաստման ու դաս-  
տիարակության մեջ Վավիկ Վարդանյանը մեծ դեր ունի:  
Անցավ հինգ տարի, և կրկին հարկ եղավ դերասանական  
կադրեր պատրաստել նոյն թատրոնի համար: 1965-ին նոր  
ընդունելություն հայտարարվեց, ստուդիա եկան հայրենի թա-  
տրոնի էնտուգիաստ պատաճիներ ու աղջիկներ, և նրանք,  
«Կոմսոմոլեց Դագեստանա» թերթի հոդվածի հեղինակ Վ.  
Բեժանովի վկայությամբ, ընկան հենց «իրենց ուզած ձեռքը»  
— նրանց դեկավարն ու դաստիարակը դարձավ սովետական  
հայտնի ռեժիսոր Ֆ. Կավերինի աշակերտ, դոցենտ, Հայկա-  
կան ՍՍՀ և Ադրբեյջանական ՍՍՀ արվեստի վաստակավոր  
գործիչ Արտաշես Հովսեփյանը: Չնայած այլազգի ուսանող-  
ների հետ պարագելու դժվարություններին, նա մեծ աշխա-  
տասիրություն ցուցաբերեց և սաներին էլ վարժեցրեց աշխա-  
տասիրության, նրանց մեջ դաստիարակնեց գեղարվեստական  
ճաշակ, նվիրվածություն ճշմարիտ արվեստին, ուսուցանեց  
խորապես թափանցել մարդկային հոգեբանության մեջ, ուս-  
լիստորեն բացահայտել բնավորությունները: Այս վերջին պա-  
րագան արժեքավորվում է հատկապես այն բանով, որ դար-  
զին ուսանողները առավել չափով ձգտում էին արտահայտչա-  
կան սուր, մերկ ձևերի, բեմական տեմպերամենտի բաց դր-  
սուրման: Ուստի անհրաժեշտ էր այդ նախասիրությունները,  
տեմպերամենտը նրբորեն փոխադրել ուալիստական-հոգե-  
բանական արվեստի հիմքի վրա՝ դժվար իրագործելի մի  
խնդիր, որ Արտաշես Հովսեփյանը լուծեց իրոք փայլուն կեր-  
պով: Նա հաջողությամբ կարողացավ հասնել նաև ուսումնա-  
կան-ստեղծագործական մի այնպիսի բարդ առաջադրանքի  
լուծման, ինչպիսին դրամատիկական և երաժշտական ար-  
վեստների սինթեզն է:

Այս տարիներին Արտաշես Հովսեփյանը դարգին ուսանողների ուժերով բեմադրեց Օստրովսկու «Անմեղ մեղավորները», Մոլիերի «Ակամա բժիշկը», Շիրվանզադեի «Չար ոգին» և նրանց ազգային հեղինակ Ռ. Նուրովի «Բոնությունը»: Վերջին ներկայացումը եղավ նաև այն աշխատանքը, որով նրանք առաջին անգամ Դաղստանում վստահորեն հանդիպեցին իրենց հանդիսաւեսին և շահեցին նրա անկեղծ սերն ու համակրանքը: Արտաշես Հովսեփյանի ստեղծագործական ոգեշունչ աշխատանքը, նրա ռեժիսորական ու մանկավարժական տաղանդը ըստ արժանվույն գնահատվեցին Դաղստանի կառավարության կողմից, որը նրան շնորհեց հանրապետության արվեստի վաստակավոր գործի պատվավոր կոչում: Նույն նրամանով Երևանի գեղարվեստա-թատերական ինստիտուտը արժանացավ պատվոգրի:

Արտաշես Հովսեփյանի կապը Դաղստանի հետ չի ընդհատվել: Այժմ նա ղեկավարում է լաք ուսանողների խումբը, բեմադրության է պատրաստում Օստրովսկու «Ամպրովը», Շիրվանզադեի «Պատվի համար» դրաման, Մոլիերի «Սկապենի արարքները» և մի քանի պիես Դաղստանի ժամանակակից ազգային դրամատուրգներից:

Ինչպես վերև ասացինք, Արտաշես հովսեփյանը Գեղարվեստա-թատերական ինստիտուտում դրել է տասնյակից ավելի ներկայացումներ, որոնց մի մասը՝ իր կուրսում: Արանց մեջ հատկապես աչքի ընկավ Գ. Սունդուկյանի «Քանդած օջախը» (1962 թ.), որը չորրորդ կուրսի դիպլոմային ներկայացումն էր: Բայց այս «դիպլոմայինը» ներկայացման գեղարվեստական որակին արված զեղչի նպատակ չունի: Ուսանողական բեմում «Քանդած օջախ» այս բեմադրությունը նկատվեց նաև քննադատության կողմից, արձագանքներ եղան մա-

մուլում, որոնք մեծ մասամբ ամփոփվում էին այսպես՝ պետք է շնորհավորել քեմադրող ռեժիսոր Արտաշես Հովսեփյանին, որի սաների դիպլոմային ներկայացումը պրոֆեսիոնալ թատրոնին արժանի քննություն բռնեց:

Արտաշես Հովսեփյանի ստեղծագործական նկարագիրը լրիվ չի լինի, եթե, թեկուզ շատ հակիրճ, չանդրադառնանք մրա գրական, ժուռնալիստական և հասարակական գործունեությանը: Իր ռեժիսորական գործունեության երեք տասնամյակի ընթացքում Արտաշես Հովսեփյանը քեմադրել է մոտ իննուն պիես, որոնցից հիսունը ժամանակակից դրամատուրգիային է վերաբերում: Սա արդեն խոսում է այն մասին, թե նրան, որպես ռեժիսոր, միշտ էլ հետաքրքրել են արդիականության ամենահրատապ խնդիրները: Ասենք, նրա քեմադրած դասական երկերն էլ սովորաբար լուծվում էին արդիականության տեսանկյունից, միշտ էլ երիտասարդ սերընդի դաստիարակության նպատակն էին հետապնդում: Անվական դերի ու պարտականությունների նկատմամբ նման վերաբերմունքին նպաստում էր այն, որ Արտաշես Հովսեփյանը գործուն մասնակից էր հասարակական կյանքին, միտրավում էր այդ կյանքի իրադարձությունների մեջ որպես արվեստագետ ու քաղաքացի: Նրան վստահում էին, թեկնածությունն առաջադրում ընտրական օրգաններում: 1957-ին, օրինակ, տեղական սովետների ընտրություններին Լենինականի թատրոնի կոլեկտիվը իրենց գլխավոր ռեժիսորին առաջադրեց քաղաքային սովետի դեպուտատության թեկնածու: Այստեղ դեր խաղաց ոչ միայն այն, որ Արտաշես Հովսեփյանը սկզբունքային կոմունիստ է, հիանալի կազմակերպիչ, հոգատար ընկերությունների կամ, այլև նրա ստեղծագործական հավատամքը՝ բեմը ծառայեցնել լուսավոր ու ազնիվ գաղափարների տարբեմը

բաճմանը, սովետական մարդու բարոյական լավագույն հատկանիշների մարմնավորմամբ ցուցադրել սոցիալիստական համակեցության առավելությունները, միաժամանակ անզիջում պայքար մղելով այդ համակեցությանը այս կամ այն կերպով հակադրվողների դեմ: Եվ պատահական չէր, որ նույնիսկ տեղական սովետների ընտրությունների առիթով տպագրված հոդվածում («Բանվոր», 1957թ. մարտի 6) դեպուտատության թեկնածու Արտաշես Հովսեփյանը, որպես ստեղծագործող, ամենից առաջ բնութագրվում է հենց այս կողմով՝ «իբրև գլխավոր ռեժիսոր, և մեծ ուշադրություն է դարձնում ժամանակակից և հատկապես սովետահայ դրամատուրգիայի բնմականացմանը», օրինակ է բերվում թեկուզ նրա բեմադրած «Փորձադաշտը», որի հաջողությունը արդյունք էր այն բանի, որ «Հովսեփյանը հարազատ մնալով սոցիալիստական ռեալիզմի մեթոդին, կարողացել էր ստեղծել գեղարվեստական արժեքավոր ներկայացում, որը կոմեդիական հնչողությամբ մերկացվում էն սոցիալիստական սեփականությունը հափշտակել փորձող գառնակերյաններն ու բալաբեկները»: Սա նշանակում է, որ արվեստագետն ու քաղաքացին միշտ էլ ներդաշնակ են եղել Արտաշես Հովսեփյանի մեջ, և այս բարձր հատկանիշը դրսևորվել է նրա գործունեության բոլոր բնագավառներում: Նաև գրական-հրապարակախոսական գործունեության մեջ:

Մենք գիտենք, որ պատասի հասակում Արտաշես Հովսեփյանը տարված էր պոեզիայով: Նրա ոտանավորները, ճիշտ է, անկատար էին գեղարվեստական առումով, սակայն աչքի էին ընկնում մեզ հետաքրքրող խնդրի տեսակետից՝ մարտական էին, անմիջական, ապագա գործուն քաղաքացու ազնիվ մտորումներով ու հույզերով տոգորված: Նրա գրական

ելույթների հետ կապված այս հրապուրանքը անցավ ժամանակի ընթացքում, երբ Արտաշես Հովսեփյանը ամբողջ էռթյամբ տրվեց թատրոնին, բայց չմարեց նաև գրչով սեփական մտքերն ու համոզումները մարդկանց հաղորդելու ցանկությունը: Բաքվում, Ստեփանակերտում, Լենինականում աշխատելու տարիներին նա հաճախ էր հանդես գալիս թերթերում ու հանդեսներում, որպես ոեժիսոր սկզբունքային հարցեր էր առաջ քաշում՝ խոսելով իր գլխավորած ստեղծագործական կոլեկտիվների պարտականությունների ու խնդիրների մասին, կոչ անելով պայքարել հանուն բարձր ու ճշմարիտ արվեստի:

Եվ ապա հոդվածներում նա պատմում էր ոեժիսորական իր փորձերից, հուշեր գրում իր մեծ ուսուցիչների մասին՝ դարձյալ երիտասարդ սերնդի դաստիարակության նպատակը հետապնդելով:

Արտաշես Հովսեփյանը Բաքվի հայպետդրամայում քախտուեցավ մի քանի տարի աշխատելու մեծ Աբելյանի հետ, մոտիկից շփվելու, աշակերտելու նրան: Դա ստեղծագործական անփոխարինելի դպրոց էր ապագա ոեժիսորի համար: Եվ երբ մեր հասարակայնությունը 1965-ին լայնորեն նշեց Հովհաննես Աբելյանի ծննդյան հարյուրամյակը, նրա նախկին աշակերտն ու գեղարվեստական սկզբունքների ջերմ պաշտպանը չկարողացավ մի կողմ մնալ այդ նշանակալի իրադարձությունից: Մեծ ուսուցչի նկատմամբ իր նվիրական զգացմունքները արտահայտելու հետ մեկտեղ, օգտվելով առիթից, նա մի անգամ ևս անդրադարձավ այդ բարձր սկզբունքներին «Կոմունիստ» (Երևան) թերթում տպագրած «Ժողովրդի արտիստը» հուշագրություն-հոդվածում: Պատմեց նրա անկըրկնելի խաղի, հոյակապ անձնավորումների մասին՝ Ասլան ամի

(«Օղակում»), Եգոր Բովըշով, Աշուղ («Հողմերի քաղաքը»), Բերսենև («Բեկում»), գեներալ-նահանգապետ («1905 թվականին») և այլն, ճշմարիտ արվեստագետի այն ներքին խըստապահանջության մասին, որով Աբելյանը մոտենում էր այս կերպարներին, և պատմեց դարձյալ մի նպատակով՝ այսօրվա թատերական երիտասարդությանը անցյալի փայլուն օրինակներով ուսուցանելու, ոգեշնչելու, ստեղծագործական զարգացման նոր աստիճանի մղելու համար:

Արտաշես Հովսեփյանը հուշեր և հոդվածներ է գրել նաև իր մյուս ուսուցիչների, ավագ խաղընկերների մասին: Դրանց մեջ առանձնանում է հատկապես մեկը՝ սիրով ու քննքանքով գրված հոդվածը հայ բեմի վետերան Ժասմենի ծննդյան 75-ամյակի առիթով, որ 1970-ին տպագրվեց «Սովետական արվեստ» ամսագրում: Այստեղ զարմացնում է այն, թե ինչպես է հեղինակը կարողացել այդքան հակիրճ ձևով մի ամբողջ ստեղծագործական ուղի ներկայացնել, և ներկայացնել պատկերավոր, «տեսանելի», դիպուկ բնորոշումներով, այնպես, որ սրանք հաստատումը դառնան տարիներ առաջ ողբերգու դերասանություն տրված մի ուրիշ բնորոշման՝ Ժասմենի արվեստը «կարելի է համեմատել միայն Սառա Բենարի, Էլիոնրա Դուզեի և Կոմիսարժնուկայայի մեծ վարպետության հետ»: Իսկ պրոֆեսոր Բ. Ֆիլիպովն այս կարծիքը հայտնել է «Անմեղ մեղավորներում» Ժասմենի անձնավորած Կրուշնինայի առիթով, ներկայացնեմ, որի հեղինակը, ինչպես հայտնի է, Արտաշես Հովսեփյանն է:

Ի սկզբանե բազմակողմանի էին նրա հետաքրքրությունները, բազմակողմանի էր նրա մոտեցումը թատերական արվեստին: Ասացինք արդեն, թե ինչ մանրակրկիտ աշխատանք էր տանում Արտաշես Հովսեփյանը բեմադրության պատ-

րաստվող պիեսների վրա, որոշ դեպքերում հասնելով գրեթե «հեղինակակցի» աստիճանի: Այստեղից մի քայլ էր մնում մինչև իրոք հեղինակակից կամ հեղինակ դառնալը: Եվ նա այդ քայլն արեց՝ ուժերը փորձեց նաև դրամատուրգիայում: Անդրանիկ Հովսեփյանի հետ մեկտեղ նա գրեց «Արտակարգ կոմիսար» պիեսը, որ պատմում էր բոցավառ բոլշևիկ Գևորգ Աթարբեկյանի հեղափոխական գործունեության, Սովետական իշխանության թշնամիների դեմ նրա պայքարի մասին: Պիեսը բեմադրվեց Լենինականի Ա. Մոավյանի անվան և Երևանի Կ. Ստանիսլավսկու անվան թատրոններում: Լավ ընդունելություն գտավ թե՛ այստեղ, թե՛ այնտեղ: Թատերախոսականներ տպագրեցին «Սովետական Հայաստանը», «Գրական թերթը» և առաջին անգամ ուժինորի մեծ ծառայությունների հետ միասին ճշվեց Արտաշես Հովսեփյանի-թատերագրի հաջողությունը:

Եվ, վերջապես, Արտաշես Հովսեփյան-թարգմանչի մասին: Մի քանի լեզուների իմացությունը նախ դրամատիկական երկերի ընտրության լայն հնարավորություն էր ստեղծում նրա համար: Եվ ապա, նույն առավելությունը, գումարած գրական ճաշակի հետ, ապահովում էր ընտրած երկերի թարգմանական որակը: Իր ուժինորական գործունեության տարիներին Արտաշես Հովսեփյանը թարգմանեց տասը պիես, որոնցից ինը սովետական հեղինակների՝ Ա. Ֆադեևի, Կ. Սիմոնովի, Զ. Չաբարլու, Ա. Շտեյնի և որիշների երկերից էին: Այստեղ ևս, ինչպես տեսնում ենք, նա հավատարիմ մնաց իր գաղափարական-գեղագիտական սկզբունքներին:

\* \* \*

Չնայած արդեն վայթսունը անց է Արտաշես Հովսեփյանը,

այնուհանդերձ ոչ միայն ջահել է հոգով, այլև եռանդուն՝ ֆիզիկապես, անվերջ շարժման մեջ է՝ մտքով ու գործով, ստեղծագործական երազանքներ ունի, ոոր հղացումներ...

Նրա կյանքը շարունակվում է հայրենի թատերական արվեստում, որի զարգացման ու վերելքի մեջ նշանակալից է բեմարվեստի անխոնջ մշակի ավանդը։ Եվ այժմ էլ, անհանում ավյունով, ճգտում է անել հնարավորը՝ այդ արվեստը ավելի բարձր ու կատարյալ տեսնելու ցանկությամբ։

Թող չափազանցություն չթվա, եթե ասենք, որ այսօր էլ նա ի վիճակի է թատրոն ղեկավարելու, որքան էլ ծանր է ու դժվարին գլխավոր ռեժիսորի պարտականությունը։ Ի հակառի պատկառելի տարիքին, ներքին համառ ուժը, եռանդը, թատրոնական գործի խոր իմացությունը և այդ գործի նկատմամբ սերն ու նվիրվածությունն են հիմք տալիս այս բանի ասելու։

Բայց, ինչ տարբերություն, ռեժիսոր Արտաշես Հովսեփյանը շարունակում է ստեղծագործել, և սա' է կարևորը։ Կարծում ենք, դեռ ժամանակը չէ ամփոփելու նրա ստեղծագործական կենսագրությունը։ Բայց կարելի է և պետք է ամփոփել արդեն արվածը։ Իսկ այդ նպատակով արժե նաև լսել Արտաշես Հովսեփյանի կյանքին ու գործին քաջատեղյակ անվանի թատերագետին, Հայկական ՍՍՀ գիտությունների ակադեմիայի արվեստի ինստիտուտի դիրեկտոր, արվեստաբանության դոկտոր-պրոֆեսոր Ռուբեն Զարյանին։

«Հայկական և Ադրբեյջանական ՍՍՀ և Դաղստանի ԱՍՍՀ արվեստի վաստակավոր գործիչ Արտաշես Գրիգորի Հովսեփյանը պատկանում է հայ ռեժիսորների այն համատեղությանը, որոնց գործունեությունը դեռ 1930-ական թվականներին կանխորոշեց հայ առվեստական թատրոնի պրո-

ֆեսիոնալ և ազգային դեմքը: Ստեղծագործական մեծ ու բարյութիւնի է անցել Արտաշես Հովսեփյանը որպես բեմադրող ռեժիսոր, թատերական տարբեր կոլեկտիվների ղեկավար, մինչև 1960-ից սկսել է մանկավարժությամբ զբաղվել Երևանի գեղարվեստա-թատերական ինստիտուտում:

Արտաշես Հովսեփյանի ներկայացումների ռեժիսորականքի է ընկնում ամենից առաջ պրոֆեսիոնալիզմով և գաղափարական ըմբռնումների հնտակությամբ: Գեղարվեստական արտահայտչական ձևերի ամբողջ բազմազանությամբ համերձ, Ա. Հովսեփյանի ներկայացումները հատկանշվում են այն բանով, որ դրանց մեջ միշտ էլ բարախում է կենդանի միտքը, որ դրանք միշտ էլ հագեցած են գաղափարապես: Հայկական տարբեր թատրոնների բեմերում նրա մարմնավորած հարուստ խաղացանկը, ներկայացումների բեմական բարձր կուլտուրան, բեմադրողի գաղափարական հատակ դիրքորոշումը վկայում են, որ ի դեմս Ա. Հովսեփյանի հայ թատրոնն ունի բարձր կուլտուրայով օժտված ռեժիսոր, բազմակողմանիորեն գարգացած մի լրջմիտ գործիչ:

Ա. Հովսեփյանի այս հատկանիշները բացահայտվեցին նաև նրա մանկավարժական գործունեության մեջ, Գեղարվեստա-թատերական ինստիտուտում, ուր նա ահա մեկ տասնամյակից ավելի հիրավի անխոնճ աշխատանք է տանում դերասանական և ռեժիսորական կադրեր պատրաստելու ուղղությամբ: Ա. Հովսեփյանի դասախոսությունները և ստեղծագործական պարապմունքները միշտ էլ չափազանց բովանդակալից են, հետաքրքիր և մտավորապես հագեցած: Ա. Հովսեփյանը իսկական էնտուզիաստ է, անհանգիստ ստեղծագործող, ձգտում է իր սաներին ներշնչել սեր առ թատրոնը, արվեստը, պրոֆեսիոնալ գիտելիքները»:

Թատերական արվեստին է նաև նվիրաբերել իր կյանքը,  
և այդ արվեստուն ըստ արժանվույն վարձահատուց է եղել  
նրան: Երեք հանրապետությունների արվեստի վաստակա-  
վոր գործիչ, դոցենտ, պրոֆեսորի պաշտոնակատար, դերա-  
սանի վարպետության և ռեժիսորայի ամբիոնի վարիչ,  
տաղանդավոր ռեժիսոր և զգայուն դաստիարակ,— ահա Ար-  
տաշեն Հովսեսիյանի անցած ստեղծագործական-մանկավար-  
ժական ճանապարհի «հանգրվանները», որոնք վերջինը չեն:  
Նա դեռ խոսք ունի ասելու սովետական թատերական ար-  
վեստում, դեռ շարունակում է իր ստեղծագործական ուղին,  
անխոնց ու անհանգիստ որոնումների ուղին...

## ԱՐՏԱՇԵՍ ՀՈՎՍԵՓՅԱՆԻ ԲԵՄԱԴՐՈՒԹՅՈՒՆՆԵՐԸ

**Բարձի Լ. Երամյանի անվաճ հայկական դրամատիկական թատրոն**

- Կ. Տրենով, «Լյուբով Յարովայա», 1937
- Զ. Զաբարլի, «1905 թվականին», 1937
- Ա. Գուլակյան, «Արշալույսին», 1938
- Ժ. Մոլիեր, «Սկապենի արարքները», 1938
- Գ. Մդիվանի, «Պատիվ», 1938
- Ա. Բարսեղյան, «Կամո», 1938
- Գ. Սունդուկյան, «Խաթաբալա», 1939
- Ա. Կապլեր, Տ. Զլատուժորովա, «Լենին», 1940
- Ա. Վուրդոն, «Վագիֆ», 1940
- Վ. Սարդու, «Հայրենիք», 1940
- Պ. Պոռշյան, «Խավարի ճանկերում», 1940
- Ա. Գուլակյան, «Գանձ», 1940
- Ա. Սումբատով—Յուժին, «Դավաճանոթյուն», 1941
- Մուրացան, «Մուզան», 1941
- Լ. Միքայելյան, «Վարագդատ», 1941
- Կ. Սիմոնով, «Մեր քաղաքի երիտասարդը», 1941
- Գ. Մդիվանի, «Հայր և որդիներ», 1941
- Ա. Շիրվանզադե, «Պատվի համար», 1941
- Ա. Դարբնի, «Դատավճիռ», 1942
- Վ. Աղայան, «Փոթորկվող անտառ», 1942
- Մուրացան, «Գևորգ Մարգարետոնի», 1942
- Թ. Հուրյան, «Ֆրիկ», 1942
- Վ. Ռոկկի, «Ինժեներ Սերգեև», 1943
- Ա. Ռահման, «Հարսանիք», 1943

- Հ. Պարոնյան, «Ատամնաբույժն արևելյան», 1944  
 Գ. Սունդուկյան, «Քանդած օջախ», 1944  
 Մ. Հարությունյան, «Երկու հանդիպում», 1945  
 Օ. Բալզակ, «Խորթ մայրը», 1945  
 Ի. Ֆրանկ, «Գողացված երջանկություն», 1945  
 Ա. Օստրովսկի, «Անմեղ մեղավորներ», 1946  
 Վ. Շողերյան, «Զավահիր», 1946  
 Ա. Վուրդուն, «Վագիֆ», 1946  
 Ա. Շիրվանզադե, «Պատվի համար», 1947  
 Զ. Զաբարլի, «Հրո հարս», 1947  
 Գ. Մդիվանի, «Նոր այգի», 1947  
 Ա. Ֆադեև, «Երիտասարդ գվարդիա», 1947  
 Ա. Գրիգորյան, «Գայանե», 1947  
 Արամ և Աշոտ Պապայաններ, «Մեծ հարսանիք», 1948  
 Մ. Քոչարյան, «Հարազատ մարդիկ», 1948  
 Ա. Շիրվանզադե, «Եվգինե», 1948  
 Զ. Զաբարլի, «1905 թվականին», 1948  
 Ա. Պապայան, «Սեր առանց խարդավանքի», 1949

### **Լենինականի Ա. Մոռավյանի անվան թատրոնում**

- Ա. Յակոբսոն, «Ծնագայլեր», 1953  
 Ն. Զարյան, «Փորձադաշտ», 1953  
 Ա. Բարսեղյան, Գ. Զանիբեկյան, «Տաճատ Համազասպովիչը նուզված է», 1953  
 Հ. Պարոնյան, «Պաղտասար աղբար», 1954  
 Մ. Մալյարսկի, Ա. Սպեշնև, «Վտանգավոր խաչմերուկ», 1954  
 Գ. Յաղջյան, «Վաճառված տուն», 1955  
 Ա. Գուլակյան, «Օրեր, մարդիկ անմոռաց», 1955  
 Ա. Շտելն, «Անձնական գործ», 1956  
 Պ. Պոռշյան, «Սոս և Վարդիթեր», 1956  
 Ն. Զարյան, «Փորձադաշտ» (երկրորդ՝ խմբագրված բեմադրություն), 1956  
 Ա. Կոթիկյան, Վ. Վարդանյան, «Սամվել», 1957  
 Ե. Օտյան, «Թաղականի կնիկը», 1957

- Յառ-Յույ, «Թայֆուն», 1957  
 Լ. Լեռնիդով, «Մեր որդին», 1957  
 Տուր Եղբայրներ, «Անջատումից հետո», 1958  
 Գ. Տեր-Գրիգորյան, «Վերջին մեխակներ», 1958  
 Լուս Դե Վեգա, «Սևիլիայի աստղը», 1959  
 Անդ. Հովսեփյան, «Ղուկաս Ղուկապան», 1959  
 Անդ. Հովսեփյան, Արտ. Հովսեփյան, «Արտակարգ կոմիսար», 1960  
 Ա. Դարբնի, «Երբ բացվում է առավոտը», 1967

### **Ստեփանակերտի Մ. Գորկու անվան թատրոնում**

- Ա. Բարսեղյան, «Կամո», 1939  
 Լ. Միքայելյան, «Վարազդատ», 1940  
 Մուրացան, «Ռուզան», 1941  
 Զ. Զարարլի, «Ալմաս», 1946  
 Հ. Պարոնյան, «Պաղտասար աղբար», 1952  
 Ա. Աֆինոգենով, «Մաշենկա», 1952  
 Հ. Մոխտարով, «Ալանի ընտանիքը», 1952  
 Զ. Ֆլետչեր, «Ինչպես կառավարել կնոջը», 1961  
 Անդ. Հովսեփյան, Արտ. Հովսեփյան, «Արտակարգ կոմիսար», 1961  
 Ա. Պառնիս, «Աֆրոդիտեի կղզին», 1962

### **Երևանի Կ. Ստանիսլավսկու անվան ռուսական դրամատիկական թատրոնում**

- Տուր Եղբայրներ, «Առանձնատունը նրբանցքում», 1950  
 Մ. Գորկի, «Վասսա Ժելեզնովա», 1951  
 Ա. Չույն, «Անձնական գործ», 1956  
 Բ. Շոու, «Միլիոնատիրութիւն», 1965  
 Ա. Շիրվանզադե, «Մորգանի խնամին», 1965  
 Լ. Վաղարշյան, Խ. Օվշիննիկով, «Փարիզի աղջամուղում», 1965

### **Երևանի գեղարվեստա-թատերական ինստիտուտում**

- Գ. Սուդուկյան, «Քանդած օջախ», 1961

- Ա. Չեխով, «Հարսանիք», 1962  
Ժ. Մոլիեր, «Սերը բժիշկ Է», 1962  
Կ. Գոլդոնի, «Երկու տիրոջ ծառա», 1963  
Լ. Մալյուգին, «Հին բարեկամներ», 1963  
Ա. Օստրովսկի, «Ամպրոպ», 1964  
Գ. Տեր—Գրիգորյան, «Վերջին մեխակներ», 1965  
Ռ. Նուրով, «Բոնություն», 1967  
Ա. Շիրվանզադե, «Չար ոգի», 1968  
Ա. Օստրովսկի, «Անմեղ մեղավորներ», 1969  
Ա. Շիրվանզադե, «Պատվի համար», 1971  
Ա. Օստրովսկի, «Ամպրոպ», 1972



Ներսես Ռոկանի Կագրամանով

ԱՐՏԱՇԵՍ ՀՈՎՍԵՓՅԱՆ

ԽՄԲԱԳԻՐ՝ Ա. Ա. Խաչատրյան  
‘Նկարիչ’ Ռ. Ա. Մանուկյան  
Գեղ. և տեխ. խմբագիր՝ Բ. Գ. Ավետիսյան  
Վերստուգող սրբագրիչ՝ Ա. Ա. Բաբայան

ՎՖ 05685

Պատվեր 1692

Տիրաժ՝ 1000

Հանձնված է արտադրություն 26/XI 1972 թ.

Ստորագրված է տպագրության 3/V 1973 թ.

Թուղթ տպագրական № 1, 70×108<sup>1</sup>/<sub>32</sub>:

Տպագ. 3,5 մամ., = 4,9 պայմ. մամ.

Հրատ. 4,0 մամուլ, + 9 ներդիր,

գինը 38 կող.

ՀԿԿ հրատարակության տպարան, Երևան—9, Խաչակյան փող. № 28:

ԳԱԱ Հիմնարար գիտ. գրադ.



FL0052411

Գինը 38 կոպ.

A I  
13350

